


Литература Дагъистан

16+

Гьалмагъдеш

ЛИТЕРАТУРНО-ХУДОЖЕСТВЕННЫЙ И ОБЩЕСТВЕННО-ПОЛИТИЧЕСКИЙ ЖУРНАЛ



60
ДУС

*Къасумбег
Мигърабовлис*

4/2016

ИЮЛЬ-АВГУСТ



Дагъиста писателъгана Союзлизиси Р. Хямзаговла музейлизиб дарган мезличили
танишбизе Москвализибда, Санкт - Петербурглизибда Дагъистайзи музабухъунти вузанада студентуни.

Гьалмагъдеш

ЛИТЕРАТУРНО-ХУДОЖЕСТВЕННЫЙ
И ОБЩЕСТВЕННО-ПОЛИТИЧЕСКИЙ ЖУРНАЛ

Учредитель: Правительство Республики Дагестан.

РУКОВОДИТЕЛЬЛА КЪУЛЛУКЪУНИ ДУЗАХЪУСИ
Мурад ГИЯХИМАДОВ

ЖАВАБЛА СЕКРЕТАРЬ
Т. ЗУРГЪАЛОВА

РЕДАКЦИЯЛА КОЛЛЕГИЯ
ХІ. Къурбанов (журналла редактор)
Къ. Мигърабов
М. ХІямидов
Т.Сягидов

ЖАМИГИЯТЛА СОВЕТ
А. Гябдулманапова
М. ХІяжиев
И. Ибрагъимов
Ш. МяхІяммадов
Х. ХІябибова
Х. Юсупов
И. МяхІяммадов

4

2016
июль - август

КІел базили гъачам
дурабулхъан

Выходит один раз в два месяца

1952 ибил дуслизиб
акІахъубси саби

Журнал основан в 1952 году

Государственное бюджетное учреждение
Республики Дагестан “Редакция республиканских литературных
журналов “Соколенок” и “Литературный Дагестан”.

ЖУРНАЛЛИЗИР ЛЕР:

АМИНАТ ГЯБДУЛМАНАПОВАС 70 ДУС.

Поэзияла хьумхертеси байрам. Сурагуначилси репортаж.....	3
ПРОЗА	
Къасум-Бег МИГЪРАБОВ. Шахли дигубти къар.....	8
ПОЭЗИЯ	
МяхИяммад ТАХСУРМАНОВ. Назмурти.....	10
ПРОЗА	
МяхИяммад КЪУРБАНОВ. Хлеъгъ.....	21
ПОЭЗИЯ	
Жамбулат МЯХИЯММАДОВ. Авал тугъла назмурти.....	26
ТАБИГИЯТ ВА АДАМ	
Ибрагъимхалил МЯХИЯММАДОВ. Нушала марти гьалмагъуни.....	33
ПОЭЗИЯ	
МяхИяммад КЪАРАТОВ. Назмурти.....	41
ПРОЗА	
Ибрагъим ИБРАГЪИМОВ. Щализиб ва хилизиб, тарихла роман.....	47
БяхИяммад ХИЯЖИЕВ. Марти дигай.....	61
ГЪАЛМАГЪ ГЪАНИРКАХЪУЛИ	
Нурулгъуда РАЖАБОВА. Ветхлеъхъири хIу, Ражаб.....	68
ПОЭЗИЯ	
Ражаб АДАМАЗИЕВ. Назмурти.....	71
ФОЛЬКЛОР	
Гябдулкъадир МЯХИЯММАДОВ. Халкъла хабурти.....	74

Журнал зарегистрирован Федеральной службой по надзору в сфере
связи и массовых коммуникаций.
Регистр. номер ПИ№ТУ5-0023 от 21 мая 2009 г.

Типография: ООО Издательство “Дельта - Пресс”.
Адрес типографии: 367000, РД, г. Махачкала, Промшоссе 10^а.

ГЪАЛМАГЪДЕШ №4 2016 г.

На даргинском языке

Выход в свет 18.07. 2016 г. Тираж 304 экз.
Заказ № 0703 Цена свободная.

Редакция и издатель: Государственное бюджетное учреждение Республики Дагестан “Редакция республиканских литературных журналов “Соколенок” и “Литературный Дагестан”.
Адрес редакции и издателя: 367025, РД, г. Махачкала, ул. Даниялова 55.

Электронный адрес редакции:
litdag@mail.ru

Аминат Гябдулмананова - 70 дус

ПОЭЗИЯЛА ХЪУМХІЕРТЕСИ БАЙРАМ

Майла 27-личиб республикала тах шагъар МяхІячкъалализибси КІарахъала драмтеатрлизиб Дагъиста халкъта поэт Аминат Гябдулмананова акІубхІейчирад 70 дус диркнилис багъишлабарибси шадлихъ дураберкІиб. ДР-ла культурала Министерствала ва Дагъиста писательтала Союзла сипта хІясибли.



Поэзия дигути гІядатла бучІантачил барх ила цахІнабикиб Аминатла узи-урши, сари акІубси Хъярбукла шилизибадти гІяхІли, писательти, поэтуни, художникуни, гІялимти, ГІ. Батирайла уличилси Даргала драмтеатрла гІяртистуни, далай-делхъла устни.

Аминат мубаракриули гъайбухъун ДР-ла культурала министрла заместитель Мурад ХІяжиев, Дагъиста писательтала Союзла правлениела председатель МяхІяммад ГІяхІмадов, Дагъизла директорла заместитель Лариса Голубева, Москвализивад вакІибси урусла поэт, Аминатличил варх М. Горькийла уличилси Литинститутлизив учІули калунси Валерий

Латынин, дахъал хІянчурбачиб хІурмат сархибси Перзият БяхІяндова, кІарахъала, къумукъла, лезгібала, ногъайла поэтуни ва писательти, МяхІячкъала шагъарла ва чумал районна администрациябала вакилти.

Ил Поэзияла байрам А. Гябдулманановала назмурта, далуйта, даргала драмтеатрла гІяртистуна чедаахъибти сценкабани, никІа пагъмукартала делхъана лехІихъутас дигесли бетерхахъур.

«Аминат дарганталацун поэтесса ахІен, - вики гъайулхъули Дагъиста писательтала халал М. ГІяхІмадов. – Ил кІарахъанталара сари: илини кІарахъала миллатла пергер юлдашличил дурхІни абикъур. Илала поэзия булугунасра, лезгибасра, къумукъунасра, урусла бучІантасра тянишиси саби, хІебиалли, хІязлис ахІен илис «Дагъиста халкъла поэт» ибси чихъси у бедибсира...»

УркІи-уркІиларадти дигили парчдикІути дугъби чедихулри Москвализивадси гІяхІял Валерий Латынинна гъайлизирад:

– 1981 ибил дуслизир Аминат Литинститутлизир ручІухІели, нуша тянишдиубтири. ИтхІели нушала курсла кураторли набчи хъарбарибсири: «ХІу учІули левалцадхІи дубурлан рурси Аминатла тилмаж виш» или.

– ХІера, итхІейчирад гъанна бикайчи Аминатла назмурти шурдалтули левалра. Узулра, наб илала поэзия гІяхІбилзухІели.

40 жузла автор А. Гябдулманановала назмуртачи шибархІи набзирра диги-иштяІ имціадикІули сари...

Дахадаевла районна Хъярбукла шилизир акIубси поэтесса мубаракрарес районна бекI Ж. Р. ГIямаровра: илала заместитель, республикализибси консультативный ва координационный Советла секретарь ХIусен МяхIяммадов-ли райадминистрацияла ва цахIнаб жамигIятла шайзирад иличи мубаракла ванати дугъби дуриб ва савгъатуни даахъиб.

Поэзияла шадлихъла программа цалабирхъули, культурала Министерство-ли цишла чедихIяртдеишра дакIударилри: илгъуна байрам бехIбихъудличибад ахирличи бикайчи поэзияли «гъигъбикIес» гIягIнилири. Сепайда, Аминатличил дахъал дусмазиб литературала маргъличи кабизурти, илис сагати цIакъани далгес бакIибти узи-урши – поэтуни Къасумбег Мигърабов, Хизри Юсупов, ШапиI МяхIяммадов, Мажид ГIяхIмадов, даргала писательтала секцияла руководитель Муса БяхIяммадов ва белкIла автор – заллизиб лехIихъутала лугIилизибцун калун.

Ахирра ахир, Дагъиста хзалкъла писатель МяхIяммадрасул Расуловла сабур каберхур ва, жихIерибкъи, сценаличи дуравхъун:

– Набзи гъай мабурид или къадагъабараллира, нушала Аминат-рузичила дила пикри хIебурили хIевъус. Сен дикIадалли, нуни цалра цархIил хъунул адам гъанруишес хIейрус лукIути-ургар илван бажардила, гIямрулизиб сунела хъул бетурхахъуси, къияндешунни-гъабизуни урези-урехиагарли ахъес рируси, сунела бучIантала авидличил, мажарлизир янсавра хIярхIяраван, цIацIали рархрасунси.

Аминат, хIу цIакъси, урехиагарси, поэзиялизиб хIу-регIси гъуни кабердес риубси поэтесса сарри. Гъардизаб хIела сагати белкIанира!

Пагъмучерси поэте Аминат ГIябдулманановала поэзияла байрам республикала литературала тарихлизиб хъумхIертеси аницIбукъли бетаур.

Ибрагъим ИБРАГЪИМОВ,
писатель.





Аминат
ГІЯБДУЛМАНАПОВА

ДУРХЪАТИ ГІЯМРУ

Далуйтигъунти сари
Хела гїядатла гъайра,
ГъайкарикІадли савли,
ГъабкабикІур Шалкара.

АхІерси, ахъри лугад
ХІериахъес ну хІебван,
ХІела марти хІяяли
Ахъурцули байрахъван.

ХІяланала хабурти
ХІедурадра гъархІели,

Чдиулра дигайра
ХІела ца хІерлизирти.

ХІерриубси ахІерси,
Бихули дила амру,
Улгулра карцІайлисра
Дурхъадарнилис гІямру.

Анжанала анхълизиб
Дила жанайла вава,
Беркахъунри ахІерси
ХІуни дигайла варъа.

ГІЕРДИРАН

Иш дунъяла къугъадеш
Се гъайли буришара,
Урши, хІела лишанти
Секъяйда аргъишара?

АтхІеб берхІила лявли
Берхъахъиб ургубара,
Урши вашуд алавли
Буреси леб вара?

Вегиубли къугъали
Ну-алав къунзикІудра,
Селичилал пикруми
ХІеръибмадан балулра.

Балулра, къяна сайри
ГІердируси булбулла,
Севан къайгъибарадра
Ну риргІес вирхІецирудра.

НЕШЛИС

ХІу-алавси иш дунъя
Жагаси биаллира,
Румсахъулири аба
Децилира анцІкъилира

Шишимдирули даршна
Шишимъули гІялабла,
ГъанкІ агарти дугурби
ДуркІулири гІуррара.

Палакатси дунъяли
УркІи изахъу гІурра,
ДяхІ шалали шадриэс
ХІералтулри пикрума.

Дурабти дурхІначила
Сар хІела дарданира,
Нушазирадли дигІяй
Ушкулири нургъбира.

Дила дурхъаси давла
ХІу сарри, дила аба,
МягІданри хІу мургъила,
МягІна сарри ГІямрула.

АхІенри хІу гІядатла,
ХІезир сари сихІрура,
ХІела хІерлизиб саби
Наб ухуси берхІира.

ДИЛА ШИЛИС

БегІлара дурхъал далай
БучІулла дила шилис,
Наб ишцад ахъри гибси
Ну акІубси Хъярбуклис.

БегІлара гІяхІси далай
Хъумачибти хъубзурас.

ХІяжатхІели хІяйт или
ДакІубирути гъубзнас,
ГІяхІдешуни дирули,
Цаличи ца гъалактас.

Шанти разибарахъес
Шадлихъуни дирантас,
ГІяхІдешличи башути
ГІяхІли хъурабирантас.

Вава-къарла къалтинти
Удушили бусантас,

Далайра верхІна далай
ЯхІ чІумали бихІянтас,
Узидешлис хІялалти
Хъярбукла багъадуртас.

БАЛАХЪАС ХІЕЗИ

Балахъас хІези нуни
Иш дунъяла къакъличи
Се барес вакІибсирил,
Се баргес вирусирил.

Царабла урунжуни
Се барес парчдикІутил.

Хабуртазир ахІенти
Дигай лерниличила,
Балахъас хІуни нуни
КарцІайла цаличила.

Амма ца секІал нуни
Багъахъес рирхІерирус,
Адамтани адамти
Селис гІязаббуркІутил?

Се барес бац ва берхІи
ДардикІули дашутил,
Ца агархІели итил
Дунъячличир дуути.

Шилтахъуни ва къунби
Селис дакІудирутил,
Илди гъудурдиубли
ГІямру заядирутил.

Балахъас хІези нуни
Сен зубарти каркутил,

Баргиули иш дунъя,
Балагъуни дашутил,
Дургъбала цІа адилкъес
Сен цабахІ хъулбикІутил?

ВЯКЪЯ

БерхІила муръил нурли
Абзур бархІи бужули,
БерхІи гІелабикайчи
Вякъя декІбиублири.

Дугелира хумпІбилкІи
Аръала шарабличи,
ГІур бугъаван гербухъи
Бамсриахъес къакъличи.

Хлебла лигІматунани
БицІахъиб сунна кани,
Балули хъарси биъни
Бахес биштІати дурхІни.

Мирхъхи къяйда варъала
Уста хІебиаллира,

Варъали тІутІубикІи
КабалъунхІели сала.

БерхІила зурхІябтара
Белкъайчи бужахъулри,
Тяп сабиван дунъяли
Вякъи журугбарилри.

АЛЛАГЪ УРКІЕЦІИБАРА

Аллагъ, уркІецибара
Дунъяла язихътачи,
Ванзаличи гІяхІладли
ХІуни бархъаибтаци.

УркІецибара хІуни
УркІи кахІелунтаци,
Дунъяла мас-хазнали
Белкъес хІебирантаци.

Илдира хІела саби
Ца иткъи дугІаибти,
УркІеци хІебарили,
Ца шайчи лайбакІибти.

Аллагъ, уркІецибара
ХІувагъес дигутаци,

Иша бакІнищун ахІи.
Аркъни хІебалантаци.

Тилади саб, чевверхи
Къардбухъунтачивадра,
ХІела уркІециличи
Хъарли саби илдира.

Къудратла вегІ, иш балга
Дилара къабулбара,
Дунъяла адамтаци
ХІуни уркІецибара.

ХІу агарси сай или
Хъяма биркъантацира,
Аллагъ сукъурси или,
Хъулкна биркъантацира.
Аллагъ уркІецибара.

РОССИЯЛА ИГИТ

(худуцІлан ХІямзатла МяхІяммадлис)

ХІял гъалакти хІярхІуби
ХІяралар дацІахъибси,
Бурямла айгъиртачив
Гъазализи кавхъунси.
Дунъяла хъямчибала
ХънтІала адитІунси,
Къукъу-лямцІли къириван
Душма дунъя буунси.
Дарданала агъули
Гъармукаби бахунси,
ХІярамзада пачнала
Къушум пучабарибси.
Къакъбалла михъириван
ХІянбани чарх белкІунси,

Къуръайзиси аятван
ГІяламлис у дурхъаси.
Гумайлис убихъили
Каспила дуб геркайран,
Сабурла багъадурти
ХІу-алав чукурбиран.
Дагъистан чебяхІбарес
Дубуртазив акІубси,
Лусенти ахъли дихІес
ХъуцІруми удахъибси.
Багъадурла МяхІяммад,
ХІудуцІла уриб идбаг,
ХІугъунтани бакІахъиб
Дагъиста дурхъал багъа.



Къасумбег МИГЪРАБОВ

ШАХЛИ ДИГУБТИ КЪАР

(Хъарахъуд)

Чарухъи гѳергъи жумягѳра-сера хъулив кали, Сабур гѳурра арякъун. Иш гъакѳлис илала командировка ца базцун сабри гѳеркъабитѳунси. Я итхѳели я гѳур сунела архѳяличила илини Дигаятла суалтас чарбируси ца жаваб сабри:

– Командировка сабри къалли, дила ахѳерси, командировка. Дила хѳянчиличил бархбасунси сабригу, хѳела жан дат. Урехила биалри, ну ила хѳякъясигу, децѳрикѳахъули хѳу, бегѳти.

– Ну, Сабур, милиционерла хъулир акѳубсира. Нуни гѳяхѳил балас ил хѳянчи. Дудеш хъули чарухъунхѳели, илала дяхѳ чедаили балира се аги-хѳяйчив саял ил. Се пикрумани къацѳкавцилрил. Хѳу виадли, селра биъхѳебиуб викѳулри. Урехи агара викѳулри. Хѳукѳун итхѳели гѳянчѳакѳибси лимонван сайри, хѳятта сегъунтилра жан агарсиван. Хѳела у бегѳ гѳергъи дунъялизи бурили аррякъун хѳела неш, хѳу виадли ил хѳяририхъили гѳергъира базра-сера чархѳевхъунри. Неш ребкѳибхѳели, дудеш вебкѳибхѳеликѳун туснакълизибадлира бархъиули бирар, илди хѳяририхъахъес. Хѳези, командировкаличив виадри хѳу, сен хѳебагъахъура хѳела децѳличила?

– Командировкаби декѳарти дирути сари. Вегѳ хъулухъунхѳели вашули арашес виралри, илди командировкаби хѳедирину, архѳяби дири.

– Гѳяхѳси... – Дигаятли гѳур илизи селра хъархѳебаиб, гѳергъила бархѳи савли ил чеваргъайчи ил аризур, палтарларарили рурси, дучили сумкализичус гѳягѳнити, илизи, чеваргъибхѳели, иб:

– Наб дила бегѳтачи рукъес дигулра.

– Сен?

– Сенкѳун хѳуни бархъдеш хѳебурухѳели.

– Гѳягѳниси бархъдеш бурра нуни.

– Чис гѳягѳниси? Хѳед? Наб?

– Хѳедра набра гѳягѳниси, Дигаят.

– Юх, ил бархъдеш ахѳен хѳуни буруси. Ну паргъатрируси саби.

– Ил, абзур бархъдеш, дигѳянси, бурасли се барсбируси леба?

– Бархъдеш се-биалра барсбарес бурусив гъатѳи?

– Гур?

– ГягИнихЕли... Гыгъван, гъававан, къацI-шинван гЯгИнихЕли саби. Хуни бурес вируд, ну хЕла бегИти, гъамти къакъахЕбикIахъес хЕбурусира или. Амма ил берцуди ахЕн, дила пикрили, сенахЕнну къянали паргъатируси заманалис сай адам... Наб хIу дунъяличив бегIла дигуси адам сайри. Масала, ну рархъли риаслира хЕриаслира багъес хЕрирус, амма уркИи шакбикIули калун, гъаннара илкъяйда саби, хIу левгIев вайтIа, урехила агиличив, хIатта жан далли хъябла дигъи, калунри или, сенахЕнну байхъала дуслa комиандировкаби дирути ахЕн...

Ну къабуллира хЕла узичил. Сецад гIяхI къасличил ва бегIла чихъси мурад кабуцили хIуни адамла жан кайсули виадлира, илди хЕзи мурт-биалра гъайдулхъан. Илала рухI.

– Ил сегъуна виаллира или бирару?

– ...

– Масала, верхIел дус, вецIал дус биубти рурсеби, илкъяйдали дурхIнира, имкан агарли инжитбирули виалли (убяхIбирули), дила гъай селичила сарил хIуни балули рургуд, сунела жанивардешла хIялани паргъатдарес ва мурудеш чедаахъес багъандан, илалара рухI гъайдулхъану? БегIтани чула дурхIни селис абилкъути? ГIязабтазир нешли дурхIя виркъули сай, мамали валхули алкъули сай, амма ца дибягъ жалладли виалли, ил хIязлисван, бухъала касиливан, яра цархIил секIал кайсухЕливан, ил пайдалаирули сай.

Яра илгъуна цархIил хIяжар, виаркайили, селра сунени бируси агарли, бучили сайгъунти зулмукартала къукъя бузути, хIялалти адамти гъала-гъала лутIули сай, гIур биалли – кабуршули. ХIуни чебаибсив адамла канила бухIнаб иту? Руди дерцIибси иту.

Гъарахъларад садухибти наркотикуни: опийли, анашали, «хIулруми» бикIути таблеткабани ва цархIилти жярга секIай сецад жагъилтала гIямру заядирулил балулрив хIуни? Илди дирцусила рухIра къиматладирулрив хIуни?

– Ягъари илдачи къаршили дургъути органи лерти ахЕну? Пачалихъла къалли...

– Лебти саби, Дигаят. Пачалихъ биалли, – ил хIу, ну, ит, абзур гIялам саби. Ва нуша лехIкахъес асухЕбирар. АсухЕбирар селра хЕбалусила гIердарес. Сукъур – гIянцIсиладарес. Излуми сагъдирес гIягИнили саби, ракани биалли – альи лайдикIес...

Симкърухъунси Дигаят цIумрухъесли сунечи Заира гъажрарили Сабурличи гИнирикиб.

– Се бариша, гъатIи, уркИи баргудули биалли? ИтхIелира хIилхIи калунрагу ну рубкIули. Вирхаи набчи...

– Вирхарулла, дила риганай. Илдигъунти сари гIямру. Ишди гъанна нушала ургартигъунти гъай чумлара ургар детаурти сари, я ишаб селра сагаси агара. Амма гъармукабира, зулмукартира, дибягъунира лебалцадхIи, илдачил бургъутира илди гъанни децIбикIутира камбирули ахЕн. Се бирув, нушала ВатIан гъачамлис илдазибад умубиубли ахЕн.

– Рахли илдачил ургъуси хIуни гъанна ну децIрикIни талихIлизи халбарили хЕйиши?

– Юх, ахЕнра. ХIу илгъуна уркIила регI риъни багъандан, дила риганай нуни талихIлизи халбирулла.

– ХЕбиалли нунира бирулла.

– Гъаригу, дила къуймур, раши, илди гъай датурли, нушани ахирличи хЕдикахъибти маргъани диркахъехЕе.

– Се маргъани?

– Пикрирухъен, гъатГи! ХЮ нуни абзурли верхЕел баз чехЕераири. Чум хЕясратти симкъ адатуррал нуни илди бузразир. ХЕбиалли, илди черахъес багъандан нуша жалдикЮти аХЕнрану, дигайла муридешлизир кяйГес гЕяГЕ-нили саби, тят шин хЕедалуси куртЕикЕанван. Яра хЮ къабулли аХЕнрив?

– Къабултира, къабултира, амма наб дигулра бархъдеш, сецад къяркъси ва къутЕкъуси биалра, набзи бурили... хЮ чевверхи, дила аХЕрси, наб дигЕянбарес хЕейгулра ца анцЕбукъ. Ца бархЕи ну хЕела чемодайзи карухъунра, юх, се биалра баргес, яра хЮни дигЕянбируси бургис или аХЕнри ил секЕал барибси, дирцес гЕяГЕнити хЕевни дургар или сарри... Гъм... Ва нуни илаб баргира «Гъабзадешла» орденра, заманалис гъалаб хЕед майорла званиера шабагъатладарнила хЕекълизирти Президентла хЮкмурти делчЕунра. Ил хЮкмулизи белкЕири: «Дебали мягЕничебси пачалихъла хъарбаркъ таманбарни багъандан» или. Илди дугъби-ургар, Сабур, нуни «лебГЕеб урехила», «жан хъябла дигъи» ибти ва цархЕилти дугъбира делчЕунра къалли.

– Бархъси саби. Пачалихъла мягЕничерти хъарбаркъуни я арзес я хъара-ахъес вируси аХЕнгу гъамадли. Ил цаибилгъуна, кЕиибилгъунара, хЕерриси, нушала гъай анцЕдукъи, Заира рускаи. Рука сунела бурушла.

– ЧерхЕериркули риадли, лехЕахъи бурулрану, – иб илини рурси бурушла караркъили, букЕула, дура шалаихъуси хЕева, бухЕнаб мяштЕбаресли жагаси чархличибад чеббатурли, диванна гъала раибмад, шайчи игъубли, мура мякъла чикъирлтЕули.

– Иш, Роденни каберсес, Рафаэльли белкЕес хЕейэси чарх батурли, ну ветихъус рикЕулрив хЮ? Гъанра мабиркахъид, дила дигайла галга.

– Се-се-е... – илала гъай Сабурла хЕясратти ва цазаманализир милигти уммайли къябаиб. Магъар дихъибси цаибил дугиван илра карцЕли райриуб ва ил дуги чула гЕямрулизиб бегЕла гЕергъисиван хЕяйкатси хъябруцлизиб цааур.

СЕЛЕНГА ХЕЕРКЕЛА ДУБ

Намсрайли бурибси хабар

АХИР...

Дила дурхЕядеш ардякъунси Овоот хЕеркЕла къярдлизиб ца ахъси шурла хъинж леб, сабира Селенга хЕеркЕлизи бухЕнабухъи илала шинна дуцЕ хЕярхЕбируси. Илала лугЕянси, шиннизи бухЕнахЕебухъунси чЕябар гъуршли-хЕунтЕенбиубли саби, сенахЕенну берхЕи гъаббакЕили гЕелабикайчи иличи хЕеркабикЕуси саби. Амма цацахЕели илала андали ва галгубала сирт вякъса-бизурси балуй шалили шанданна ранг иртЕули дирар, хаслира гъагултани берхЕи гъакабарили, илала нур жанагарли диалли. Сиртла хъябличиб тЕашли саби, чумал дус сабицун, цЕуръали къарагъачла галга. Иличир кЕари агара, хЕятта-къялубира. Арличирад шайчидяхЕ гъадухъунти чумал дуршутти къялуби чулахъти някъби мешули сари. Чуйна буцЕарбиубли бяргЕибал ил, чумдехЕ заб маркали ва дугЕбани бирцили хЕярш-хъарсбарибал.

Сиртла алгъай шайчибад северла шайчибяхЕ арбякъи саби, илала хъулчили-

чибад багъла-багълали ахъбикѹли, гърахълибси зумаси вацѹали кѹапѹбарибси дубурлизи бархбиркуси, журдаличи лебгѹеб мешуси цархѹил сирт. Илала шайчибад удибяхѹ, Овоот гърахъти музурби-ургаб бетихъуси мерличибяхѹ зузбитѹнси дурега-дубура. Илди сиртанани ва музурбани алкѹахъули саби чебяхѹси ва дурхъаси Гасна.

Ил дубурла алгъай шайчибад. Овоотла алгъай шайзи чейгули, Селенга северлизи гъуцѹбухъунси саби или гъанарахъуси, амма Овоотра сунези бархали, саби гъатѹира мурхъ ва хъярхъбируси мерличиб къярд сунела дуклабуцес дигусиван, ил ласбулхъули саби ва халаси айлама барили, Овоот къярдла дазу таманбируси мерличи хѹлбала хѹеранаубад бетихъули саби.

Овоотлантас дурхъаси ванза саби ил. Ге, ишаб хѹербирутас овоотланти бикѹар. Чумбехѹ наслу хѹердиубалра ишар балуси агара. Адамтала уми дихъили сари иш къярдлизирти цацадехѹ меранасра. Се багъандан дихъилилра балуси агара. Леб Дамбала яни буркѹуси урда, Тайинила шакъа, Донояла къакъ...

Ну виштѹахъѹели хала нешли бурули рири ишав хѹерируси Цамбала бикѹуси ца давлачев вири или, сунела мазала дахъдешли къярд хѹякаличи мешубиркахъуси. Декѹарли, чула яшав бирули буили саби узби Таровхъали уибси сай амчѹурси бекѹла вегѹ жагати рурсбала дудеш Жанбаа. Ил давлачевси уибси ахѹен, амма илала хъулиб мурталра адамти кабирули буили ахѹен: шалгѹеббулхъути гъункъябира иличи абацѹес дигули буили саби. Ишаб хѹербиубтири или буру революцияла хѹяракатчи Жигмѹд, Хѹунтѹена Цѹрмаа, канихъус Шайнѹн ва сунела уличи начальник или чебалтуси Дорлич ва бахъал цархѹилти. «Амма илдачила селра балусира гъанна агара, – ири хала нешли, – хѹятта гъанбуршусира, сенахѹенну камли саби къярдлизиб адамти, лебтира барскабиубли саби»:

Айлама барили, цалис гѹела ца кадизурти Машрикъла шайчирти дубуртала сиртани дайлар ахъли сари, чула бургачил низамлизи кабизурти бургъанти гъанарахъули, амма дайларадли кѹелра шайчидяхѹ илди багъла-багълали гѹяшдирули сари, хаслира къярдла удидяхѹ, Селенгали халаси къячѹикѹ бируси мерличир, ва ахирра гъумла музурбачи ва Жамай диркъличи дурадулхъули сари.

Хѹеркѹла дубани ва, хаслира шин чардарибти хандакъунала ургарти сагни шиниш къарли, ахъти пѹялпѹялагунани, авадай гѹяйкадиубти жъранани кѹапѹкадарили сари ва цацадехѹ мераначир вацѹала качичирхани детаурли лер. Янилизиб илдала халаси кумек леб мицѹираг адилкъантас, сенахѹенну илдани тамай гѹашхѹеаллира, дяхѹила бурямталара дугѹбалара дуцѹ хѹярхѹибирули саби. Илбагъандан сари адамтани ишар янилизир юртабира, кашартира дирахъути. Дуцѹрумлизир, иличи ургѹерли, хѹеркѹла берхѹидяхѹ мерани дурцу, гъаргти ва дугѹбани ушкути. Иш, Овоот къярд Чевяхѹсили мицѹираг адилкъахъес акѹахъубсигъуна саби. Цаибил хѹерлис гърахъливад хѹеризурсилис ил дубурталара музурбалара ургаб барцси ванза биштѹаси ва хѹериз къакъаси саби или, амма ила кацѹибмад хѹела пикри бусягѹят барсбирар. Илис бикъридеш дирули сари усанг бяхъили калунти мераначир тухъли дерхъибти низбани ва шуркъли. Илди-ургар хѹекъли датдухъи, чула хѹунтѹена букѹри заки вякъаили, салхѹи сари райхѹян вавнира.

Ишдус къярдлизир дуцѹрум деркѹес авал хъалибарг чула хѹункърачил усангуни дяхъили хѹербирули саби. Илди цали ца чебаэсли, амма хѹункъри диргалахѹедухъесли мерлабиубли саби. Нушачи гъамли мерлабиубли саби,

муртрил нушала жинсла сабси, дуцІрумла усанг, халал гуявла юрта.

Каникулти деркІес вакІибХейчибад, ишар Дунгармара лерни багъурла, дила гъав бурес агарли ахъли саби, ну сакІублира ва иличил гъунивайли, уркІи паргъатбиайчи, гъар секІайчила ихтилатикІес дигулра. Амма ну илини чейусигъуна ахІенра ва ил баркъудили ну тамай васвасикІахъулра. Ил гуявла юртализира ралли арицІули ахІен, хІятта юрта хІясибли унрубихъалли. Бираргу, арацІили ца гъай бурили, рузила мякъла кариили. Гъайла къантІа ил дебали рарскариубли сари, гІядатли вяшрикІули ахІен, хІятта тамаша-уркІлира ну. Ахирра наб илала тІабигІятла вяшатІала анцІдукъун ва нунира пикрибарра илала «хІяз» гІебасес, дебали къиматлавиубли, уктемли вяшкавхъунра. Чиналра къалабахІейкІулра, хамли кабуцили бекІ ганзикІулра ва, мягІничебси секІайчила пикриикІусиван, бекІлиу убирхъули някъ гІяшли шипІирикІулра. Амма уркІи къаркъала ахІен къалли ва дила сабурра бахъ къантІасили уббухъун: нуни илис, набра хабар агарли, децІагеси дев писбатурра. Тамаша! Илини гІурра набчи пикри бяхІчихІейб, хІятта селра хІебиубсиван. Ну ил къярдлизив агарсиван. Ил секІай тамай ну вачаваргъахъира ва, дила хамдешла миликъ шикъбухъни нуни гІячихъли аргъира.

– Дунгарма имцІа гъай дигуси рурси ахІен, гъарилла гъайличира риуси хІерирар ва сунела бяркъ чебаахъес бала. Ил секІайчи разиси иш нушала падахъусра, ил сабурчерси мехІур раргили, чевдукаркІес аваравиубсигъуна сай, – бикІулри цализи ца гуявра рузира.

Дунгармала тІабигІят багъес агара. Ил гъар замана барскабирули саби илини, сунес дигуливан. Дила иличи хІятта уркІецІи далли дулхъули сари.

«ИлкІун иш къярдла дура мурталра рякъунси ахІен. Иш дунъяла дурарти гІямруличила илини балуси селра агара. ЛехІли ва мутІигІли хъусрикІули сари гъаларяхІ ва гІямрула аги-къяйдала ясир ретарулицунра ахІенну, илдас рягІятриубли сари, дагъри дускаунтиван. Челябинкълара лебниличила хъумкартурли. Се гІямру дирутив гъар бархІи мазала мякъларра хІяйвантачилра рирни? АнцІалра хІебулкъни илис! Марлира ит гъинтала сакІубси ва разиси, уркІи ва сарерхурси, гъинтала дурхІяван Дунграма ахІену гъатІи ил? Хабарла шинна рурси?.. Се биубсив?.. Иш, илала мурул-декІар!.. Тамашала хІейалли... – пикриикІулра ну.

Илди пикрумани ну гъатІира гъалаксаахъурра, ва уркІи иличи гъатІира гъуцІбухъахъун.

– ХІушани селра лебу шинна рурсиличила балуси? – хъарбаира гъачам рузизи.

Руржути ниъ черхІевхъахъес дигули вакъли чяхІдируси илини, ахъбуцибси някъ шипІбяргІяхъиб ва, шанглар ниъ чухдикІахъули, набчи хІерризурли, иб:

– Чили бала? Хабургазиб бургар илдачила балули...

Нуни аргъиливан, адамти шинна рурси ризс рирниличилара пикрибикІули ахІен. Илди бахъ чула зугІлумази бархили саби, сарира чула васвасъай ва къайгънани алкІахъути.

Тирмухъунанира хІунзрала къакъадарибти къулира къачнира, ахъдуцили къуйрукъуни, къацІбикІуси берхІила цІалиур дет-сад дуцІдикІулри, ябни шинна мякъла учидикилри. Илди къуливан мехІурти ахІен тІирмухъуназирад дебшес, сенахІенну берцуди агни гІяхІил балулри. Илдани къуйрукъуни

чЯрхъли дирхъулри ва лер мерличир дапардулхъулри, къаркъайчирти хИдужанти дугИули. Юрталабра буцIарлири. БерхИ илцадра цIяхIбикIулри, хIятта гъанбикеслири варгъила чятир ламбулхъан или. Дила бурушла шайчибси варгъи нуни ахъбуцира ва уркълала хIярилавад дура хIеризурра. Дунгармани юртала гъала цIикIси нехI-нусили бицIибси гавлаг дурасиб ва сункбази тIинтIбарили, берхИилиу, беръахъес бяхIяхъиб. Илала мурул юртала гIелав, мазалис барибси чялила къязикъуни дебадирули, гIясили гъайикIули, илис алав вашулри. Илис кумекбарес дигути кIелра урши, чула гъярцIа къяшмачиб, дудешлис гIелабад дуцIбикIулри, амма илдала кумек бетарули ахIенрину, иличи ургIебли, диргалабулхъулри.

– Гъари, барда ха! ДуцIухъен! – ахъли вявъиб илини халаллизи. – Иш буцIани берг хIярилизи хIяршбикIули цалра къязикъ арали балтули ахIен... Къалабаики!.. Ил ахIен викIулра, белгиагар!

Илди гIямруличи Дунграма жявли бурсириубли рииши, илини мура вявличи пикри бяхIчииули ахIенри ва гъар секIал уркIиличир далули, хIятта сунела гълара хIерхIерикIули нехI-нусиличирад хъутри хIяршдирули. Замана-замана ил шайчи ласванрирхъулри, амма някъби цаагили, азгъинни, уркIиагарли дузахъулри.

Хапли илала шайчибад набчибяхI шятIли бяхъибси макъам арцур. Ил наб Селенгала дубкадли булхъуси цIуэрличи мешубикиб. Дила уркIи илцадра хIулбукIиб, хIятта харчли айзурли вявъирули хIилхИи калунра. Ге, ил шятIла макъам бяхъибси ил Дунграма сарри. ЦархIилли, гIур чилилра хIебала илиниван! Чилилра! ХIебалас чинар бурсириубсил илкъяйда жагали, хIятта лимбелаван цIиркIли шятIла гIама дурайэс. Ца ЧевяхIсили ахИи хIебала.

**Дунда Ухаала хIяна хIурхъличиб
Къукъу-рямкъ кIухдикIар, урзули миъба,
Агийма, ригIунси дила риганай,
Чеили гъанкIлизив, ну чевиргъулра.**

Ил далайла макъам биэс викIулра ил Дунграмани бяхъибси. Илини ахIенрив гъатIи хIу лайларируси, хIела гIулухъадешла хIязаназир Овоотла дубларты шиниша къарбунтачир хIу румхIухIели? Ил сабри хIела уркIилис гардла далайван дигуси, сегъуналра децI хIебалуси манзилла макъам. Дила Дунграма!

Ил шятIрикIес даимриублири... гъанбикеслири, илала шятIличи лехIкахъибси дурхъаси Гаснала къарбекIра шайчибад-шайчи гъакIбикIули, иличибад арцурси хIябци цIуэрли иш барцси гъава гъяриули саби или ва ил макъамличи карцIси, «хабуртала урхъу», хала неш гъамриули сари или.

**Улус, муртрил хIуни гIелаб батурси,
Гавли кIапIбарили гъарахълиб саби.
Гечликъянабачи гъарахъбиркути
ХIербикIули гIяшли бисули саби.**

Чум дус ардякъи диалра нуни Дунгармала шятIла хъумуртули ахIенра, сенахIенну илини чIигIяла шятIахъи гъанарахъули саби ва уркIилизир шалати пикруми алкIахъули саби. итхIейчирад камти дусми ардякъи ахIен. Ил дуцI

гъал дусличибра гѣркъали саби ва илди дусмала хъябагъриби Дунграманира нунира ахъилра.

* * *

– Гъари, дурхІя, бура набзи, гѣурра сецадхІи бихІес дигулри хІед къам-сализиб дила белкІ? – иб кабинетлизи ухІнаухъес бекІхІейубли левалли Амирхай, пушаили удибси кІентІ бугъаван дазкалзули.

– Ваши кайи, – иб Хатирли илис някъ гъабурцули.

– ХІушани учІан бекІлил пикрихІелхъахъутала, илизи гъачамалра словарь някълизи кахІейсахъутала жузи дуракайулрая.

– ХІелара дурабулхъан къалли, чІянкІли хІябъибил кварталлизиб, Амирхан.

– Хатир, буруси вируливан малхІямли, ихтилат жалличи шурхІебухъахъес дигули, гъайикІулри.

– ХІушаб букІуси миъличивад аркъусила ва хІукуматлисра партиялисра гапхІейкІусила дураэс дигули ахІенрая.

– Се партияличила сари хІела гъай?

– Лер илди. ИтхІели коммунист хІейадри дураэс къияннири, гъанна – аричибас гапхІейкІадли.

– Ил шайчив къалли хІу, коммунистунала къаянази хІевцибси виадра, илдасра илдала вождълисра хІуван гапбикІути поэтуни – коммунистунира биубти ахІен, – иб илини ва бурибси таманбиубхІелицун шакикиб ил пикри чизи-биалра бурес ахІи, ити, жявхІейчибад сунела аргъайзиб лебниличила гъанбиркахъули ва бурниличи пашманирули.

– Се? Се ири хІуни? – Амирхан айзур, андаличи сурдухъунти гъез, бекІ гъакІбарили, гІеладяхІ лапІдариб, амма илди сагали сурдухъун. – Вахъ духу-сила ва пагъмучевсила мадирид.

– Се гІяхІхІебизура хІед нуни бурибсилизиб? Ил хІекъдеш саби. Дигули виадли, ит жуз сабирхъис ва хІези чедиахъис.

– Диаб гъатІи? Илди вайтІа делкІирав гъатІи?

– АхІенри, амма илар хІелара цадехІ гап сари коммунистуначила ва илдала чебяхІдешличила. ХІу виадли коммунист хІейради.

– Бархъси саби. илди нуни делкІунра, амма илди лукІути дила уркІили хІедирину, иш някъли дири. Редакторли тиладибарибхІели. Нуни хІебелкІасри, ил белкІес балуси коммунистра вирхІейри.

– ХІела у сен гъатІи?

– Эй, ну иша хІела дивайчи вакІили ахІенрану, хІед диван барес сайра!..

– Илини чедибси кІентІличи, вакъчѣб пясписагли сунела бурхІлиубад бекІ-ван, гъаббакІахъили лезми гІинибариб. – Агъ, мялгІун, дахъал далуси уилри хІу... Багъи хІуни, эгер ну коммунист виасри, илди цацабѣхІтиван, кисализив Ленин вихули хІейрасину, тѣп их дила назмуртазивсигъуна вираси: умуси, хІялалси, бархъдешгІевси.

– ГІядатла адамлис илгъуна виахъес чили къадагъабирули гъатІи? Яра коммунист партия халкълис гІибратли биахъес акІахъубсив?

– Нуни азирнара-сера Нурисламлизи ира, бати чІинкІликІуни паргъатли или – лехІхІехъиб. – Сунези сунениванрив, ахІи, нуни бурра, хІуни виадли

аргъа ибси пикриличилрив, иб илини ва сагали, чигъбухъахъи ута, иличи, къяшми хЕдузусиван, гъятИуб.

Хатирлис ХІяшимли белкІунси, уркІилизив ахІи, Ленин кисализив вихути коммунистуначила назму гъанбикиб, амма урхІла гъарбизурси тугъ бекІлил къабулхЕбириуси Амирхай ил сен гъанбушибал хЕбалули, бара хІясиббизеси гъинчІличил иличи хЕризур.

– Ге... ге, – иб илини гъакІбириули бекІ. – Назму хІиличилра майаличилра лукІуси саби, уртахъ... Ил вичІ ахІен, я – гъинчІ... ГІядабси, амма чархлис гІягІниси, уркІи лъвбириуси изала саби...

– ХІу гъимукІахъеси селра хЕбуррагу гъари нуни. Жуз биалли, заманаличиб бирар. Амма дила хЕзи буруси... гъм... – Хатирлис, дила хЕд ца насихІят леб, эс дигула, амма ил девли ил гъатІира гъимуркІахъни балули, гъай цархІил шайчи шурдатур. – Дила ца пикри леб, Амирхан.

Амирхан иличи, тямхъбатурли бекІ, ласяхъиб, ну лехІихъула хЕчи ви-кІусиван.

– Ге, ца биштІаси пикри. Гъай жузлис хІуни бедибси уличила сари. Гъай-гъайра, ил хЕла къуллукъ саби, амма бахъ берцуди агри ва цІудар-цІябси дунъя гъаласайуси у къалли «ГІянд». АхІену?

– Агъа-гъа-гъа-а-ай! ХІя-хІя-хІя!.. – Хапли тупканван ухІнавадли парчи-уб ил. – Гъи-гъи-гъи... жан узи, гъанна хЕла насихІятунсари наб камти. ХЕла... ХІуни се саби гІямрулизиб балуси ва чебаибси?! ГІянд се сабил багъес багъандан гІямру чедаэс гІягІнили сари. Ил багъес багъандан букІула юргъайув, чеди битІакІалли къяшми гъаргдируси, удибяхІбарадли – къакъ. Хъалталичиб башунси хъихъала къацІ беркунси виадри ва чебиэс декІара агарли, тІярхъубар шалбар чегъурси виадри, или хЕйкІади хІу!.. Дай дугила манзил айзурли бецІливан ав белчІеси агиличив калунси виадрира хЕйкІади. Сегъунти саррил дудешла дяхІ хЕдалули виадри – хЕйкІади... Се дунъя саби гъари иш, – камси замана лехІкахъили, чебакІибси гІясидешла рамч бара хІярхІбиубмад даимиуб ил, – се адамти саби?.. чули балуси агара, амма насихІятчибибизэс дигули саби.

Ил замана кабинетлизи Сиблихан ухІнавхъун.

– Къучакъуни! – иб илини Миминован гъинчІизурли, лерилра сунела цулби гъаргдирули. – Се вьв сари, устІул мицІирбацІлихІели... Гъари, къалабали набчидяхІ, – или Амирха хъуцІарличи някъ кабихъиб.

* * *

(Хъарахъуд бирар)





МяхИяммад
ТАХСУРМАНОВ

КЪАРКЪАЛА МЕЗ ДАЛАН

(Дила вахъИила гьалмагъ ГИса ГЯмаровлис)

I.

Авадан авидлизив
Валикибси тјамада,
Пагъмуртала дякъличив
ПасихИчевси гьавкъяна.

Бугаси къаламла вегI,
ПасихИти дугьбала вегI,
СихИрула хунжала вегI,
Къаркъала музейла вегI.

Адаб-хИяяра яхIра,
ВегIла миллатра, мезра
Дахъ ахIерти сари хIед,
Дила къуппакан ГИса.

Къуппала аслу-мина
Дяркъурри дахъ жагали,
АхIерси шила тарих
Багьахъурри шантази.

Палеонтология
Балахъулри дурхИнази,
Музейлизи башута
Вирулри хIу вахъ рази.

ХIуни бучири хазна –
Халкъла мухIлила пагъму,
Илизиб кали саби
Хала бегIтала гIякълу.

ГIур жанани дучири
ХIуни къаркъакаурти,

Илди «мицИрдиахъес»
Халал хIяракат барри.

ХIуни баргибси къаркъа
Бячалри децИкIади,
Ил мяхIкамли калахъес
Халал къайгъи биради.

Дубуртала бургачив
Даим къяцаван къяйцIли,
Музейлизи кадихъес
Дучири дахъал секIал.

ХIед дубурти хъатдикIар
Шадив вашули или,
ХIела някъ гачбикибти
Къаркъуби мицИрдиар.

Шимази, махъурбази
Чумра архIя дарири.
Халкъла гIякълули хунжи
ДицIили чарухъади.

Дубурла гIяшул шурми
ХIуни мутИгIдарири,
Къадурбала къаркъуби
ВамсIемсурли дяркъурри.

Хъар даргала шурмани
ХIела чарх хIебамсахъур,
ГIямрула бурямтани
ХIекIахъири я мукIур.

II

Хела жузала хазна
Кали саб даргантачил,
Илди хІуни делкІунри
ХІекъли пергер гъавличил.

«Багъи-багъи» ва «Дяга»
ХІязлизир сар дурхІначил.
«Къуппа» ва «ЧердикІибти»
Далги сар халатачил.

ХІеблизиб гІяхІлад башар
«Цаибил гъаршла байрам»,
Саламтачил гъаббикІур
«ДурхІнала вичІиръала».

ХІяя хІегъхІедарили,
ГІямру деркІибси гъабза,
Шилтахъ-къяна хІейгуси,
Дила къуппакан ГІиса.

ХІела хабар халал саб
Къуппакунтла шилизиб,
ХІурмат-хатир дахъал сар
Даргала ванзаличир.

Адамлис гІяхІдеш барес
Гъар даим гъуцІикІуси,
Инса мурад барадли,
Алжайзивван калзуси.

ХІела пикри атхІекІуб
Халаси хазна бучес,
Давлумиван дучири
Къаркъа жявзамунтала.

УркІецІили, дигили
Вирудгу хІу вицІили.
Хабурти-назмуртани
Халкъ хІяйранбирахъули.

Гъабзадешла уличил,
УркІила гъираличил,
Даргасра Дагъистайсра
Ил левсиван калаби!

МурхъбикІаб хІела пагъму,
БугабикІаб гІякълура,
Халкъла пагъму бурчули,
ДицІаб хІела хунжира.

ХІела балгун юртлизир
ЗайдикІаб дукелцІира,
Музей мицІирбирули,
ГъайкадикІаб къаркъара.

Эркиндешра давлара
Диаб хІела шилизир.
Арали калаб Зайнаб –
ХІела гІямрула рархкъя!

ХІЯЛАЛЛИ ХІЕРИРУСИ

I

Держинский Феликсла
Уличи вахъ лайикъси,
Хала бегІтала амру
ХІурматличил бихуси.

Бузерила бархкъяби
Гъаббуцили вашуси,
Бузерила маргълизив
Гъаман гъалаиркуси.

Барх бузутас – къиблама,
ЗягІиптас – дарман-дару,
Бухънабас – марси къакъбяхъ,
Зилантас – насихІятчи.

Гъираличил, яхІличил
ТалихІ белшес узулри,
Зубариван гІячихъли
Халкълис шалаикІулри.

БархъдешгЕвли калзуси,
Гъуцван гъалаилзуси.
ХІялалдеш гЕрдурцуси
Аллагъла валигъуна.

Шянкъаибси хІярхІяван
Баркъудилизив хъярхъси,
Мекъ-сяхІбатлис дам-дядван
Халкъличил валикибси.

Ламус-хатир ва хІяя
ТІабигІятлизир лерси,
Мардеш, хІялалдеш, хІурмат
УркІила духІнар лерси.

ЯхІ, сабур дахъ халати,
УркІецІира иманси,
Уктемдешра душманси,
Устад къяйда хІялалси.

Гъайлис къянахІейруси,
ХІяздухъесли узуси,
Гъалмагъ-тянишла ургав
Узиван валикибси.

Адамла мурад барес
ХІябилра дигахъидра,
Ил барес бикибХели
Мурадличи виудра.

Рахли хІейрадли барес
Мурад хІела гІяхІлала,
Вет-саулхъад, пархулхъад
Баргес имкан сихІрула.

Бирид хІуни хІяракат
Касес хІялал баракат.

Ахъли бихулри хІуни
Байрахъра адамдешла,
БуйрухъхІейкІули хІуни
Къуллукъра бирулири.

ТалихІла дуклумачив
Урцаби хІу хІулкІули,

Шангачил лякъирикІуд
УркІилизи катесли,
Бузерилизиихъуд
Бархти хІяйранбиэсли.

Мажлисла куй башахъес
Урибси гъайла уста,
Къиян-жапа лерихІив
Кумекла вялхъя уста.

Бархъдеш минабирути
Кагигти дугъбала вегІ,
УркІи разибирути
Разити дугъбала вегІ.

ПасихІдеш, пагъмукардеш
Гили сар хІед Аллагъли,
ХІялалдеш халкълизирад
Ургуд хІуни касили.

ХІу дебшлаубсири
Бузерила маргълизив,
ХІуни хІурмат сархири
Адамдешла баркълизиб.

II.

Адамгас кумекбарес
МяштІхІедирид гІямрура,
БегІ гъалав музаулхъад
Чичи къиян бакІалра.

ХІу игути, хІед марти
Юлдашунас улгули,
Къардухъунси юлдашлис
ТІалван кайзес хІядурси.

III.

Гъарбизаб хІела ил къас
Ва, виштІал узи Феликс!

IV.

Халкъла дигила дайлав
ХІериаби хІелкІули!

Адамгас гІяхІ бирули,
Калаби хІяяличил,
ГІямру деркІаби Феликс
Марти адамдешличил!

КРИЗИС – ИБКЪСИ АГИ

Кахти, ибкѣти агурба
Халкъ саби руржахѣули,
Вабаѣла изай къяйда
ЦахІнар улкни дурѣули

Аричебтала пІягѣли
Дунѣя бириѣули саби,
Кѣуртмабани мискинти
Даим лутѣули саби.

Ибкѣси агили дунѣя
Саб убилчебирули,

Гѣар адамлис урехи
Уркѣилизи картѣули.

Дунѣяла арѣ къяриул
Кахси кѣуртма-аждагѣя,
Урехили, кахдешли
Дунѣя руржахѣул къявга,

ВатІан мискинбируси,
Яшав кѣарѣинбируси,
Мискин халкъ бисахѣуси
Агарбиѣ ибкѣси аги!

ДУНѢЯЛА ДУРХѢАСИ ЖАН

Иш дунѣяличи нешван
Сайра ну хІерикѣули,
Нешанани дурхІниван
МяхІкамбарес дигули.

Рахѣ мурили гѣайрикѣи
Неш дурхѣаси, гІязизси,
ВеѣІну шурала баѣван
ДурхІначи хІеррикѣуси.

Разили пишрехѣили,
Нешли гѣира алкІахѣи.
МалхІямти гѣай дурили,
ГІямрула гѣуни ибхѣи.

Дила неш деѣІ-анѣІкъили,
Ретаахѣур авари,

Неш – хІяяла ахѣанай,
Неш – пикрила капарай,
Неш – гІямрула къиблама,
Неш – дурхІнала алжана.

ГІязизси нешличибад
Саб берхІи абулхѣуси,
Дунѣяличиб агара
Жан сунечиѣ жагаси.

I.

Амма къукѣмусхІерикѣиб
Кѣиян-жапала гѣалар.

Кѣиян дакѣиб мерличир
ЯхІличил гѣаларилзи,
Мусибат бакѣибихІир
Ил ѣІумали карилзи.

Кѣиянтани неш рерѣІиб,
Шишимтани раѣІахѣиб.
ДеѣІ-анѣІкъили неш ремхур,
Дарданани ил рерѣур.

Амма мутІигІхІеракѣиб
Неш дунѣяла зугІлумас,
Агри-гаши дурхІнази
ХІедагѣахѣур илини.

II.

Гѣурша гѣагла удибад
БерхІи гѣаббакѣибхІели,
Нешла хІулби гѣандирѣур
Ванали хІердикѣути.

АхІерси нешли саби
Дунѣя жагабируси,
Дурхѣаси нешли саби
ГІялам мяхІкамбирути.

Нешла яхІла халадеш –
ГІяшул шурмачил цугдеш,
Сабурлара чІумадеш –
Хъяганагличил цугдеш.

Неш – лебдеш иш дунъяла,
Неш – хьулчи иш дунъяла,
Неш – баракат лебдешла,
Неш – гІяламат гІямрула.

Ш.

Нургъби сари чяхІ-забван
Нешанала хІулбазир,
ГІямрула зугъаси мах
ЧехІебиркур илдачиб.


УркІби гІяшул къаркъала
Сарира нешанала?
Ахир баргес хІейраргу
ЯхІ-сабурлис илдала!

Алжанара жанраван
АхІерти сарра дурхІнас,
Шараб шинра къацІраван
Дурхъатира гІяламлис.



Проза

**МяхИаммад
КЪУРБАНОВ**



ХИЕГЪ

Х а б а р

– I –

– Ца гьатГи суал ГИяхИмадов, – пикриличил, амма Нурлан чехИейусигъуна хИерли хИерикУли, иб преподавательли:

– Чус барибси хИейгеси биштIатани бахъхИи уркИиличи бурцув? ХъумхИертурли бахъхИи бихIес бирару?

Психология – кьиянси, амма учительла хИянчилизиб мягИничебси гИилму саби. Бирар адамти, ил хИебелчIункъира, цархИлла рухИлизиб се лебал, селичивли ил хИериулил, секъяйда пикриикУлил балути, бирар ил гИилму чули бяркъуртира, амма адамличибси хИял хИебалутира, балули биалра, аргъес хИейгутира.

... Нурлан итхИели шуибил класслизи вашулири. Бахъал хъалибарглис бегIтала алапа камсири. Дудешра держла асарлиув вири.

Чула хъули Галина Семеновна арацИибхИели, Нурлан, хИевсули хъалли, ухъалав левалри. Мер-мерличи уркълани хИебуцибси чИябарличи лайдакИибти буршми, нешли дехИибайчи каризахъурси верхИибил класслизир ручIуси халаси рузи Аминат. Нурлайс учительницала гъалаб дебали цахбизур ва, къяпIикIунала ургавад дигИянали учительницачира хИерикУли, усусила гИердариб. Аминат сегъуна хИяйчир саррил илини ункъли чебиулри: Совет хИукуматла динна шайчирти къяркъти тяхIяр-къяйда, ва дехИибайчир школала ручIан! АсубирусекIалрив ил?

Халаси хИурмат бирули бирар ил учительницала шилизиб. Ункъли регIриубси, жагаси ил имцIаливан цIябти палтарличил бегIбиубти шила хъунул адамтазирад къабулданван декIаррулхъули рири. Ил бучIантала хъулирти аги-къяйда сегъунти сарил дагъес ракибсигъунари.

Галина Семеновна унзала гIела тIашризурилири. Нурлайс гъанбикиб ил, нешлизи черрерхнира тиладибарили, чарриубли аркъян или. Амма... учительницани селра хИеиб, ва, сунела лагъа-ранг хИулбала хИерра ручIаннизи аIахъи, гIур се бетарарал хИерли руиб. Нурлай дягIули хИулби абхъиб ва учительницачи тилади бухIнабси хИерли хИеризур.

«ЧехИебиулрив сегъунти гIязабтазир сарил хИела ручIан? – дикIулри ила-

ла хІулби. – Аррукъенгу! БучІантас мурталра гІякълума ругъуси хІуни сен хІергъулри гъанна нушала хъулибси аги?»

Амма учительницани илала хІер хІясиббириули ахІенри. Аминат ряхІличир лерил къаркъайзирти хІи кІайдизуртиван хІунтІенриублири: ца шайчибад нешлизібадси урехили, цархІил шайчибад – учительницала гъалабси сунечібси тІагІямагарси агили гъузгъалдирарилри...

– Ил илцад къиянси суал ахІенгу, – Нурлайчи тамашавиубли хІерикІули, иб преподавательли, – хІуникІун билетлизирти суалтайс тамай чедетаибти жавабти гири.

Нурлан школализив гІяхІтигъунти бучІантазивад цали вирусири, дебали чекайзурси, багъана агарли цалра дарс хІебалтуси, къанхІейруси. Амма гъачам, сегъунарил сабаб лебли, ил дарсличи къаниубсири, илхІелира школала директор Сулайбан МяхІямадовичла историяла дарсличи. Директор иличи къяркъли хІеризур.

– ХІу декІарси ахІенри, – иб илини. – Къаниубрив? Къаниубри. Школа дуцІикІули авна алавбара. Ну улкъайлавад хІерикІус.

Школа ца дерхІла сабри, ца гІяхІси мерра буцибси. Нурлан азгъин хІейалра, чебаахъибси ил танбихІ ахъес дигули ахІенри. Илини директор виргІяиргес къасбаріб: столла гІела кайибси директорли улкъайла гъалавад шалгІевулхъули ахІенси сай чехІейу. ВакъдикІахъули дудешла декІти дурдибти чакмара, Нурлан улкъайла гъалавад дуцІли шалгІевухъун, тІашизур, гІур... цІуцІли директорли чехІеэсли гІелавяхІ чариуб. Камси замана тІашизурли кали, ил гІурра дуцІли улкъайла гъалавад шалгІевухъун. Илкъяйда – авна. Директор, гъайгъай, селичилра шакхІейкиб. Амма ил виргІяиргнила асар уркІиличибад аркъули ахІенри.

Класслизи ацІили Нурлан сунела мерличі кайиб. Ардякъун чумал минут. Ца замана классла унза къяли-къяйчи гъаргбиуб ва илабад гъала-гъала унци гъайдируси къиза гъаббакІиб, гІур... класслизи школала мякълабси дургІелализіб дег бирули левси ухъна Микаил ухІнаухъун.

– ХІу, Сулайбан, иш Нурлан бихъибси шайтІай виргІяиргулри! – хІяжланкІила къукъригъунти къаклизир лерал лерти хІябал цулара гъар гъай бурибхІели, гъакІдулхъахъули, – иб илини. – Бара хІуни ишис ца шаригІят.

Директорлира барібсири «шаригІят». Сай школала гъала тІашкайзурли, илини Нурлайзи дуцІли гехІна школа алавбарахъиб...

– ХІу чевверхи. Пикруми чедухъун, – ахирра чарбатур Нурлай преподавательла суайс жаваб. – Гъайгъай биштІатала, хІятта гъай хІедалути халати гІянцІабалара далли уркІурбачир гІядатла халаталагъунти хІегъ хІедирар. Чус барібси хІейгеси секІал илдани жявли хъумурту. ЧІянкІли дирар цацадехІ анцІбукъуни, вегІлис хъумартес дигули хъалли, дагърилизир муртлисалра дебадирути.

– 2 –

Нурлан Дагъиста пединститутла хІисабла факультетла студент сайри. Седигара бирули бирар гІямрулизіб. Гъарилла къисматра сунес дигусигъунали уббулхъули хІебирар. Нурлайс гъанбиркули хІебири учитель ветарус или. ИмцІаливан халал узи АсхІябла асарлиув сайра илван гІярмияла адам ветарус ибси пикри бири.

Гярмиялизи жиirusи повестка илис Сергокъалала педучилище таман-бируси дуслизиб бедибсири. Ила укъяйчи биалли ухахъес сунела шилизи бехІбихъудла классла учительли вархъибсири.

Хѳера илхѳели сабри илис учительла саниГят вайбизурси. Галина Семеновна илхѳейс школала директор сарри. Хѳейгахъи илис Нурлан, сен хѳейгахъи риалра.

– Сен вакѳири, Нурлан? – гъунираибсири ил сунела гъалавла учѳаннис. – Ишабкѳун хѳуни гѳибрат касести бурибти учительти агара. Лебтасра дурсри камли сари.

– Чина укѳиша дила гѳур укѳеси мер, яшавла шуртѳири агара диалли? – жаваб чарбатур Нурлай. – Ну ишав вахъхѳи кахѳевлас. Ца чумал базли гѳярмиялизи аркъусира.

Школализиб лебилра сай учѳахъули калунти учительти сабри. Гъамадли ахѳенри Нурлайс илдала ургаб. Аги сегъуналра цабалгундеш, масхуртас, разидешлис мер. Галина Семеновнас илгъуна низамличил хѳянчи ункъли бетурхар или гъанбиркули бииниши, амма Нурлайс ил школа, бикѳуливан, цѳударли гъабизур. Илаб бурсикабиубти учительтира директор чина-биалра аррукъяхъес хѳерликабиили бири. Амма ил дурхѳя варкъес замана баибхѳелира, бегѳла гѳелабси бархѳиличи бикайчи архѳераши.

– Дурхѳя веръайчилра хъулир калес асухѳебирусири? – хъутурбикѳули бири саби ургаб учительтира.

Сари биалли сунени кадирхъути урус мезла ва литературала дурсрала гѳур хѳеризсли гѳяхѳси учительница сарри, амма халатала психология – ил декларси гѳилму саби. Ил белчѳициун баибси ахѳен. Сунени бекѳдеш дируси коллективлизир илгъуна къуллукъла хѳянчизарли бегѳ гъалар акѳахъес гѳягѳ-нити дирар хѳянчиличи гъира, иштяхѳ, хѳянчиличи сунела хѳянчизар дуцѳикѳули вашесгъунти тяхѳяр-къяйда. Сагали вакѳибси хѳянчизар биалли, илала хатѳабагѳивцун хѳемцѳули, ил гъунчиикайчи гѳевуцес гѳягѳиниси сай.

... Гярмиялизи арукес замана баайчи Нурлай гъандуцес хѳейгъуб, ва белкѳи гѳярзара, школализивад арякъун.

– 3 –

Психологияла имтихѳяйс шулара касили, хѳекъли разиси хѳяйчив дураулхъуси илис сунес бекѳлил гъанагарси масхарачи, мурталра разиси сай Миракила школализив учительли узухѳели сунечил варх ца хъулив хѳерирули калунси, сайгъуна бехѳбихъудла классунала учитель Амирхан цугикиб. Нурлан илини, гѳярмицла палтарра урхѳесили, чула школализи лъвкъули чеибсири ва чучи арукибсири. Амирхай педучилище Нурлайс хѳябал дус гъалаб таманбарибсири.

Сунела юлдаш Амирхан ахѳенну, ил шилизивадси чи чеалра Нурлан сунела бегѳла гъамси тухум чеибхѳеливан разиirusири.

Амирхайчил варх илдала шилизивадси ца гъатѳи жагъилра леври. Чуйнара гъумайлав, итав-ишав къаршиикибсири Нурлайс Лукъманра.

– Чи чеаслира, хѳуша къалли чедиурая или гъанхѳебирки, – разили иб илдала някъбира дурцули, Нурлай. – Ишбархѳи разидиэс сабаб леб. Даширая царихѳи гъайдикѳес аркъехѳену.

Амма илис гъалав разиси Амирхан хапли варсиуб, гъузгъалдивиуб.

– Ца къалабаси къуллукъ леб дила. Гѳур къаршидиркехѳе. Хѳушани хѳеръяя. Лукъман, эгер ну къаниасли, хѳуни балад чинав вирусал. Гъу, Нурлан, рахли гѳур чехѳеили арукъясли, ма някъ.

Нурланна гъав бусягІят букъбуун.

– Илкъяйда къалабали виадли, вакІ селис вакІбсири? – гымуркІули, иб Нурлай.

– ГІяйиб мабирид. КІнайс...

Илизибад декІарбикили, Нурланра Лукъманра шагъарлизибяхІ батбихъ-иб.

– Ишар чилра хІераргилрив? – пиширхъули хъарбаиб Лукъмай.

– Раргес гІягІнисирив гъатІи? – суал къабулхІебикни иргъахъули, суалличил суненира жаваб чарбатур Нурлай.

Сунелагъунти гІямрула Лукъма шайчибад Нурлай балхІебикбси гъайла бакъибси ахІенри.

– ХІелагІун ил шайчирти устадеш дахъал сари, – гІурра пиширхъули, иб Лукъмай.

«Се дигули ишис? Сен иш набчил ватурли, Амирхан итцад гъалакли арякъунсира?» Нурлайс гІясивизэ дигули ахІенри, амма хъунул адамтачилти авараличила бакъес хІейгахъи. Ил гІашизур.

– Ну хІушала шилизив калунси ца дус сайри. ЦархІил мерличив хІуни ну чехІеира. Чинад балулри хІуни ну илгъуна къяйцІу виъни? Се бурес дигулри хІед?

Лукъман ахъли дукаряхІиб. ДукелцІира ца гІяжаибти, гъарли-мартигъунти ахІенри.

– Гъу, гъу, гыммаркІуд. Нуни, гъайгъайра, хІу чехІеири, амма чеибтани бурули лебри. Ну Сакинатличила сайра викІуси. Лерригу ит хІу нушачив узухІели урчІемъибил класслизир ручІуси школализир бегІла жагаси рурси. «Терхъа иргъули биалли, бикъурси цІедешличи бирар иргъуси» бикІути хІязлис буили ахІен. Сен дигІянбирулри? ХІукІун иличил къаршииркули калири...

... Ге, гъархІебизур Нурланнис гІярмиялизибра. УркІилизиб жагъал леб или, дусра хІедикили, ил тухтурта хъули чарвариб. СадакъалигІив вашесли хъалли, чула шилизи ил чаризэ хІейри. Ил багъандан райОНО-лизиб чула шила унраличибси Миръаки вархъахъес тиладибарибсири. ХатІара хІейкиб: директор халахІерхуси, малхІямси, гъайла къантІа, адамлизир диэс гІягІнити гІяхІти къиликъуначилси адам сайри. Илгъуна сайри завучра. Учителти биалли – жагъти, саберхурти, гІяхІитигъунти бучили ил школализи бархъиб-тигъунти.

– Наб хІушачи гІур вакІес къадарбираралра хІебалас, – дусра дикили, институтлизи керхес аркъухІели ибсири Нурлай, – баркалла. ХІушани ну хІушала ургав умутчевси, гІямруличи гъирали вицІибси адам ветаахъурра. Нуни ил секІал хъумхІертис...

Ва, хІера, гъанна илгъуна хабар.

– ХІу мехІур-секІал виублирив? – гІясихІейкІес къайгъибирули хъалли, сегъуналра сабаб агаркъи хІялалси, умуси рурсиличила илди гъай аргъибхІели, Нурлан гІясихІейкІес вирули ахІенри. – Се гІягІнили хІед набзибад?

– Наб селра гІягІнили викІуси ахІенра. Наб авара агара хІу чичил къяй-цІикІадлира. ЧІянкІли ил Сакинат рикахъес дигути шилизибра кІебти саби. ХІела сен-сен гъарбизурсил багъес дигусири. ХІед гъанмабиркахъид, набра ил ригахъулра или.

Леб адамтала жура гІабигІятли чузи пагъ бедибти, сегъуна-дигара сле-

довательличиб ункъли адамла хІял урсабитІес, цархІиллизи чула уркІи гьаргбарахъес балути. ХІера, илдигъунтазивад ца сайри Лукъманра. Амма Нурлан хъунул адамтачил чули хІедарибти «гъунартачила» хабурта бугъути жагъилтигъуна ахІенри.

– Эй, юлдаш, аргъагу! Биубси ахІен хІушала шилизиб дила шайчибад сегъуналра балагардеш. Чили дурибти хІези илди къунби? Ну лявкъяс хІушала шилизи цачумал бархІили Сецад гІяйиббарадра, дила хІечил гъайикІес иштяхІ агара.

– 4 –

Нурланна уркІиличибад Лукъмай дурибтала асар чебаркъули ахІенри, ва, гІелайзи архІебухили, ил Миръаки вакІиб. Мурталрара – сера ил шиличибад чебхІебалсуси дирихъ ишбархІи чинабалра аги. Ил шила халкъра алавчарти шимала халкълизибад мурталра гІяхІси арадешличил декІарбулхъули бирар. Ил секІайс ишар кІел сабаб дурули бирар: ца-шила мякълаб мерлабиубси Гергала къада, илабси вацІа, вава-къар. КІиибил – ил гІеркъаси, гъалли урхъула дубла кабаайчи бухъянбитІунси къадалабад бикили дубуртази чебяхІихъуси урхъула гъава. Бархъси секІал, ил гъаваличил бархбикили, бегІла халкъ хІерли ахІенси замана алавчар зумаси дирихъра чебилхъули бирар.

Шилизи ухІнавхъунхІели, Нурлайчи дам-дядла тІама чехиб. Шилизиб мекъ лебси тяхІяр сабри. Ил васвасикІули тІашизур. ГІямруличи, алавчарти дигичебти, дахъал макру агарти, чула къияйчил хІербирути илди халкъ гІяхІялдешлисра ламуслисра чисалра гІелахІебулхъан. Илдани сай, гъайгъай, мекъличи хІевкили сеннира хІелта.

Се бируси? Сунечи чебушибси бугътан пикрибирули илис халкъла гъалав дакІуухъес дигули ахІенри. Дигусири чІянкІли Амирханцун чеес, белгибарес се хабурти сарил.

– Нурлан МяхІяммадович! Нурлан МяхІяммадович! – хапли чехиб иличи разити тІама-гъама ва шила дублаб тапла хІязли биркъути дурхІнала къукъя иличибяхІ кабухъун. ДурхІни сунени бучІахъутицунра ахІенри. Илди чебаибхІели, Нурланнара хІулбазирад нургъби гьардакІиб.

– Ваши, ваши! ИшбархІи нушачиб мекъ саби.

– Хашкелди, дурхІни! Сен саррая! Сен саби белчІуди?

– ХІу агархІели бахъ вайлигу. Мурт лявкъусири чариубли?

– Наб гъачам учІес замана лебал, – белгиси жаваб хІебедиб Нурлай, – Чила саби мекъ?

– Дуги ГІямархъа Лукъмайс Хидирхъа Сакинат рукибси сари.

Нурлан дагъвяргІиб, гъай деткахъиб.

ХІера гъари секъяйда ласбухъунал анцІбукъ! Лукъмайчила вайти пикруми кІундацІиб; сунечил гъуниваэскІун илис гъатІира къиянни буили саби. Чили бала сегъуна бурям лебрил итхІели илала рухІлизиб?

Юх, шилизи сеннира укъес асухІебирар. ХІейрар ил иша вакІес институт таманаили гІергъира: Ил хІегъла дамгъа Лукъмара Сакинатлара уркІбачибад аркъалра, сунелайчибад хІеркъур. «ТалихІла хъалицІа диаб хІушала, – пикри-икІулри Нурлан, – гІеркъаси, разиси ва талихІчебси гІямрула гъуни ахъабая хІушани. Ил ахІенси сегъуналра дамгъа мабиаб гІямрулизиб».

– Баркалла дурхІни. ГІяхІли каленая. БусягІят шилизи хІякъяс. Къунзулхъас хІушала жагати мер-мусаличивад.



Жамбулат
МЯХИЯММАДОВ

АВАЛ ТУГЪЛА

Ургуба забла мачна
Варакъбарили саби,
Неш-Ванза лаззатлизиб
ХІяйкабатурли саби.

* * *

Ну, замана билгІули,
Назмуртани лукІира, –
Къара къурушла дяхІла
ХІясратли хІерхІейкІира.

* * *

Ну хъурали вашула,
Къашма гъуни бургули,
ГевхІейуд айгъирличив
ДуцІикІадра виргули.

* * *

Дургъбала буцІар цІала
ЦІакъ хІебаиб ил верцес, –
ХІяжарла някъбазивад
ХІейуб ил гъабза верцес.

«Халкъла поэт» бикІар я
«Халкъла писатель» бикІар.
Илдала «халкъласидеш»
Аргъес хІейрулра сенкІал.

* * *

Адамли, гІямал лебли,
ГІяйса уртахъХебурцу,
Хъяб балкІа кумекчили
БегІ гъамсила мер бурцу.

* * *

ЦацабехІгани биху
Ил пасихІдешла лишайс,
ГІяргІялацадалра гІякълу
ХІебиалра янашаб.

* * *

Цуб дяхІила къабалай
Чегъур чІянкІси вацІали,
ХІебиалли, бугІярдеш
КъацІХебикІар буцІарли.

* * *

Урхъу, хІела хъул лебу
Хъулухъмачи шуратес?
Дунъя, хІела дуб лебу,
ДигІянварили катес?

* * *

Урхъула хъулухъмачи
Нуни ургъур чебирхъис,
Бидавла дуклумачиб
Майдан дунъя чарбирис.

* * *

Чили ну тІашиура
Дила дигайра нура?
Гъари, гъуни бихая,
Гъаларад эй, гъаларад!

* * *

Гъар къаркъайзиб бацІили
Гъургъашин лебси саби,

ХІярхІуби кахІертІили
БихІес гІягІниси саби.

* * *

Дунъя бурсихІебиуб
Нешаначи лехІбилзес,
Даимбиубли саби
ХІунтІен хІилизиб бизес.

* * *

Чина бяхъялра, дила
Дай уруІилизи чейгур,
Илис бургар дяхъиван,
ХІили башули, изур.

* * *

Рахли гІелумбизалли
Къалпла хІяйчиб баракат,
ЧІянкІли чевяхІси Аллагъ
Сай бикъри ва адвокат.

* * *

КъутІкъути гІямрулизи
Мурили араціри,
ХІела муридешлизив
Веткахъилра, ваціли.

* * *

АлкІукад гІабигІятли
ЛукІахъес пагъ гиб хІейкІус, –
Къиян кабирхъес дила
Къайгъи леб, «гап-чяхІхІейкІус».

* * *

ХІебалулра мицірли
Ну уркІили вихІулрал,
Я изуси ил нуни
ДекІси махван бихулрал.

* * *

БялІуси бархъдешла
Аргъили чІярла,
БекІлала хІяйчивси
Харчизур гъабза.

* * *

БалтІуси балкІдешла
Аргъили цІумла,
ХутІли вяхъибсиван,
Кайкиб вайгъабза.

* * *

ДигІяна игнабала
ХІейги ахмах у бихес, –
Наб дигулра ашкарти
Дигайла цІали ухес.

* * *

«Халкъла душманти» бикІи
Мурт-сабрил ва чис-сабрил,
ХІебалас пакъиртани
Барибсилра се лебрил.

* * *

Цунухъира, мякълав
Агара чилра,
Мякъи къицідарибси
Къарла чІиванра.

* * *

ХІу ригули ну убкІус,
Набчил рарх архІехури,
Дунъяличир мицірли
Кавлути рухІ – ил хІури.

* * *

Милигси ванза бахъхІи
ХІерлири маркаличи,
Гушси ухъна хІерсиван
Къаціличи, гІебкаличи.

* * *

Къукъубачи кайзурли,
УчІулра ну, улгули:
«Гъарил бархІи булхІехъаб
Сагати жанна чІярли».

* * *

Савли зярхІти зубрачи
ХІери гІергъи хІял бакІиб,

Гъагултала хІурбуна
Аязли гъуни гІекІиб.

* * *

Къукъула бацІси къяйкли
Гардарбариб неш-Ванза,
Закли заб-маркаличил
Бархъиб тІягІямла гІязаб.

* * *

Шила дублаб бегІ гъалаб
ХІечибахІ ганз кацІира,
ГІур ила алжанна
Анхълизиван айцІира.

* * *

Гъабзала ва кІарзала
Хабардурхар гъарзали:
Гъабзала – чевяхІдешла,
КІарзала – увяхІдешла.

* * *

Пагъму пенсияличи
Бархъес вируси ахІен,
Пагъмулис бамсриахъес
Пурсат биркуси ахІен.

* * *

«ГІякълура биштІаси
БиштІаси шила», –
Турливан вирхъулра
Гъайла дуршили.

* * *

ЧеввалкІи, гъункъяливан,
Сецад дукъби духира!
Сепайда, дякъличивад
Гъунчи дурахІевхъунра

* * *

Чи чи-саял валуси
Нушани бахъ къанни саб,
Амма къан-къанси къимат
Къибламаван бархъси саб.

* * *

Дашира лехІдилзехІе
БекІибтала гъайличи,
Белики, гъай агарли,
ДакІишагу аргъайчи.

* * *

Гидгуриван, жузи
Диркъулри хІуни,
Сепайда, «хайнига»
ХІебукас нуни.

* * *

АвцІали дус биубли
Бухънабиути бирар...
Мямай-ацци, хІед «ухъна»,
Чум дус виадра, хІейру.

* * *

Нуни халкъла давлала
БигІяслира гІяббаси,
МицІир-чІянкІварибсиван,
Урезили убкІаси.

* * *

ШулгІи кили, шаддикъван
Шулуматурра хІуни,
Нуагар цалра дуги
КъяпІмабараби хІули.

ГІямрули гІянчІакІибси
ГІямалагар ухънала
Абаибси муцІурван
Саби куц дила анхъла.

* * *

Хъалта хъутурдулхъану –
Разили сар, духъули,
ВегІагарси анхълизир
ЦІуэрлиур дулхъули.

* * *

КъухІилзули сай инсан,
Дусми декІдикІулира?

ВегІ айкърси ванзали
Яра витІикІулира?

* * *

ВегІлис жан гибти бегІти
ЦабехІ бирути саби,
Саби лебтиван илди
Дигахъутира саби.

* * *

Щубли саби Щуллауб,
ДяхІи саби гьаргалаб,
Адам, хІела уркІи-рухІ
Шах-сирисли мадаргаб!

* * *

Гьар-гьариллис хІяндешли
ПасихІдеш, пагъму хІеху, –
ЦацабехІти хьяшнира
ГІякълу-дагърили ухар.

* * *

Щуэрила уммайли
Чевиргъахъаби, хъубзар,
ГІяхІ-сягІятбирахъули,
ШалабикІаб хІед хьарзаб.

* * *

Ну къацІли малхабая,
Бихая ца гІяхІси жуз,
БаркаллаикІес хІемсус,
ГІямру керхайчи улгус.

* * *

Ил хІела чурмазибад,
Сепайда, хІева барес,
Мукърачи бихахъули,
Жагъилтази бердахъес.

* * *

Муртрил пахрубиради
ХІу, дила биштІал ватІан,
Рушбатличи белшири
ХІу ишхІели, Дагъистан.

* * *

ХІебирцуси, хІейсуси
ИшбархІи лебара се?
РухІла давла – жуз булан
Бетарули саб бизнес.

* * *

ИшхІелла заманала
ВетхІеурра ну ясир,
Ну жягІяйчи жиикІус –
АкІубси сайра илис.

* * *

Урхъу-дубла дуцІдухъи
Пашихъути ругерти,
Марли дила хъуланив,
Къаркъубазир дялчути?

* * *

Муртрил дигайлизиван,
Вархилра излумази –
Яргали дашулигу
Адамла гІямрулизир.


* * *

Анци бикІули гІергъи
Бухъна хъунрира бархли,
Ил зулму чекахІейсу
Хурдабириси чархли.

* * *

ХІябилра мешути сар
ХІунтІен держра дигайра –
Кепдеш черармадукъяб,
Гьар секІал адерхалра.

Шушати в гЯхЛадли



Шагъвелед **ШАГЪМАРДАНОВ**,
табасаранлан поэт

Дила шявси улкъайла
Дураб зак бисули саб,
Пикруми – чирхаличир
ЛукІути гьмирти сар.

Марлира, заклис дила
ДецІ бирцес дигулира,
Я цундешли буцибси
УркІи лявбирулира?

Амма забла гьарил кІантІ
Чячмаван чейгули саб,

Шила дублар балагъла
ДугІби дургъули сари...
ЧикъдитІи, биризуни
Ишар дулхъули дири.

Ишабад гьуниббалти
ДурхІни, узби ва адни,

Дахъдаили гІязабти,
ЦІакъдирули гІядабти.

Я дила уркІиличи
Гьимидулхъулив забла,
Датиули чячмуни
Уркъубяхъла ва гІязабла?

БацІси, хумарси юртла
Чедиб зак бисули саб,
Чирхала гьмиртиван
Пикруми зүздитІи сар.

* * *

Ишаб хІерликабири,
БумсхІебумсули, абни.

Чум сабрира дургъбази
Бякъунти жагъти дурхІни?
Деръубли сар галгуби,
Муртрил духъути чІухІли.

МОСКВАЛА МЯКЪЛАВ

Дурхъаси бетаур наб
Къисматли кибси ил мер,
Дила жузира акІуб
Шаласи ил анкъилар...

Дургъбас гІергъи хІечила
Дудеш хабурта угъи,

Гъжумличив чуйнара
Кайкиб – авцири хІуни.

Хъумуртули дяхъурби,
Цумъала, хІягта бекІа,
Михъири гьабурцади
Уртахълис бекІа гІейкІи.

ВатІан сабри уркІилаб,
Дубурти, хІуркІби, вацІа,
Гьигьбатес гьарбизалри,
Гьалар дири хьалицІа.

ХІера Подмосковьевкад
Кункли ганзикІула ну,
Солдатла уркІиличи
Тамашамабируд хІу.

ХІеркІ цІуб ацрван лямцІбикІар,
ВацІа бургьар зубрази,
Арцантала макьамти
Гьанарар гьямзурбазир.

Бишун печьла барглаб цІа,
Шавладиуб гантури,
БугІярдешла лишанти
Хьа духІнар кьунзли сари.

Юх, жявли саб райиэс,
ГІурра урцуй бирицІула,
Сагали абалкахьес
Ну, хьаша, уфикІула.

Пишяхьиб хала дудеш:
– ЦІа мабулкахьид гужли.
Сари-сарил адулкан
Урцул, дуцІардиалли.

Кьалтинван сар мер-муса –
Датахьурти муза-кьякь –
Чедибдешли чярхІбикІар
Шиниша шихьла авлахь.

Галгубачир дургьбала
Сагьдиубли дяхьурби,
Гьарахьти хабуртацун
Хумардиру анкьурби.

Дургьбала дукьбачила
ЧІянкІли жузи дучІула...
Окопунала мерлар
Юргани чедиула.

* * *

ГІур пархдулхьан, ва нуша
КІелра ванадирура,
Янила бугІярдешли
Гьеч уруххІедирура...

Жявилл диуб илди гьай,
Аммаки хьумхІертула,
ВаждикІути пикрума
Ватухьахьес хІелтула.

Агара хала дудеш,
Халакаилра нура,
Назмула гьар тугьлизиб
ЦІа ухахьес ургьула.

ЧУГУР

– Тамашаирула хІуни ну, чугур,
Се диуба хІела даимти гудур?
Бухьнакабаилрив манзилла гьалаб,
УрузкІулрив цархІил макьамла гьалаб?

– ДугІла уркьбяхьуна пяхьмайкІуд набчи:
Дусмани мардариб дила у, хІянчи.
Чила някьбази ну бикилрал багьи.
ХІякьикьат багьадли, иргьид децІ, аги.

ШИНКЪАЛАВ

КъяржардикИ дус, кЕл дус
Шинкъя дуркъя урхамти,
Дуги-хЕри хЕили,
ЖургъдикЛули дукъанти:

«Ризкыла чЯвти къукъри
Шуррдалтулра декъличи,
Чи-дигара вирхарар
Урхамтала цАкъличи».

Урхамтала хамти гъай
ИргъхЕргъув илар чарли:

Белхаагар хЕхардеш
Цайкъяшмачир къунзхЕли,
ДяхИин цЮба муцЮрта
ТатИира итхЕли.

ДуцЮрмли авлахъ бялГи,
ХЕб дучиб губентази,
Вава-къарагар авлахъ
Чебиур лехИдешлизиб.

Мекълис гЕргъи майданван,
ЛехИли саби ургуба.

ТатИли саби тАбигИят,
Дубурти лерли сари,
ЧЯнкИли хЕркИ, гыгъбикЛули,
КатхЕл бешили саби.

Сирилав дурхИяван сар
Рахаурли, дубурти,
Чиличи даршибтиван
Сурдухъи сар зубарти.

«ХИурмат-къимат леркутив
Пайдаагар вяв-чИярли?»

Ишаб ну халал сабра
Ва жагали бузулра,
АнкИ-мухъила къукъри
Декъличи шурдалтулра».

ХЕркИли, детИили жалти,
Хапли ругер чеббяхъиб.
Ишар чар ва урхамти
Итмадан аькадяхъиб.

* * *

КъясхЕйрира илдачи –
Гъанна нура цЮблира.
Амма уркИ-гъавлизив
ДурхИядешли вицИлра.

* * *

Ишар хЕб хИулдукИнила
Къел-хЕрзилра агара.

Вавнала, къарла байрам
ГЕбшилис гъунибиур,
Мургъи-рангла жагадеш
Кадерхайчи ил биур.

ДУГИ

Усаунси уршилис
Къарауйчирси нешван,
Ухули саб чедиб зак,
Даимлис хЕбишесван.

ТабигИят бусули саб.
Урма – някъиш лукЛули,
Нура левра дугила
Жагадешлис мукЮрли.

*Шурдатурси
Жамбулат МЯХИЯММАДОВ*

М Абигят ва адам



Ибрагъимхалил
МЯХИЯММАДОВ

НУШАЛА МАРТИ ГЪАЛМАГЪУНИ

ХЪАНЦА ЧЯКА

Ил ца бархИла яра базла хИянчи ахИен, бухъянси заманала саби. Нушала диштIа гъалмагъунала шикъатIалаличи хIерикIулра вахъхИличивадал. Илдачи хIерикIес тIягIамли бирар. Илдада чIив-чIивъалаличи лехIихъес арадешлисра гIяхIси саби, адамла хIялра къулайбирар. Гушдиубти арцанти адамти хIербирути юртанала азбарлизи арцурли дакIили сари – бергесиличир умцIули. Жярга-зекълизиб къаршибикибсира къиббирули, чучи хаста тIамрани чIив-чIивдикIули, бергеси тиладибирули саби, алавла дяхIили кIапIбарибхIели. Илди арцанти январьла ургайчир дагъардиуб, сецад хIеруди бузахъули хъалли, илис гъалар я жибкъри я хъанцIа чякни дакIухIедиубтири, илдада жагати тIамрани тIабигIят мицIирбиахъуб. ХъанцIа чяка-исбагъира дакIубиуб. БекI-личир, михъирлизир тугъи сари, къакъари, канила гIела шали, къуйрукъла удила цIудараби, ляжуби цIубаби. Къакъ шинишагъуна саби, къаркъалала удила шали бухъутIа, кIими ва дуклума – хъанцIти. «ЦIи-цIи-би-цIи-цIи-цIи-би» или бучIуси илала жагаси, кIаркIарбикIуси далай бикъули саби. ДяхIили бицIибси шагъарлизибра хъанцIа чякала гъайкIари бучIули саби. ЗайбикIуси «пин-пин чержжж» тIама ва «цIи-цIи-цIи» далай, жура-журала тIамри илала дахъал дирар: гIядатласи, къалабаси, «пин-пин» яра урехила «пин-пин-гара-рагъ». Галгализи дигIяндикибти заралчиби дугули, къялиличибад итилличи тясбикIар. ЦацахIели, галгаличибад кабацIили, ванзаличибра умцIербулхъан. ВацIала уставлизи хъанцIа чякачила белкIи саби: «ХъанцIа чяка бикIуси арцан чили буцалра, ил танбихIлаируси сай». Чебиуливан, ил чякала пайда даршдусла ургайчибра ашкарси буили саби. 1328 ибил дусла Людвик Баварскийла грамотализи секъяйдали лукIулил: «Заралчиби къалабали къяриуси хъанцIа чяка буцибсилис халаси гIякIа чебихъили бирар. Закон буунсини 60 шиллинг дедес чебси саби, илкъяйдали жагаси берхIе гIяргIяра 12 чIикIара лугути сари».

ГЕГУГ

Анхълизи кайили, пяхІлартала жагати макъамтачи лехІихъулра. Гъарахълабад чебихули саби гегугла тІама: «Ку-ку-ку-ку!» пяхІларти дучІули сари, гъарилла макъамра декІарси саби. Вяшаръалала аргъили, ахъливяхІ хІерикІулра, биштІаси арцанни дила пикри битІакІиб, духъянти къяшмала бегІ жибкъяличиб биштІаси. Ил курегала галгала къялиличи кабиили саби, сунела жагати берхе-гъурша рангла михъирили ва кІимили тамашаирахъулра. Ца къялиличибад итилличи кункли урцули, зайбикІуси ва къантІси тІама тІинтІбикІахъули, галгала арълизирти гъялани хІердирули сари. ХІера, мякълабси галгала къялиличи тІяхІбухъун, кабииб, алавчарли жургъбикІахъули бекІра, сахъли хІербикІули. Замана-заманаличиб набчибяхІра хІербилзули, бикІусигъуна сабри: «Бергала бикахъес наб диргаламалхъад». Гъигъра бархли тІашаили, иличи хІерикІес даимиубра. Арцан гъатІира гІяшли кабацІиб, хъяб бухъянбиахъуб. Се-сабил буцес дигусигъунари. Ну гІяхІил хІеризурра, чебиулра биштІаси пукъа, илаб милякъ дигІянбикилри, ил дурабухъун, бусягІят арцанни бикахъиб, пархбухъун, арцурли арбякъун. ХІязлис ахІен буруси, арцанни унхърира огородунира далтахъути сари или.

БУЛБУЛ ЧАТІА

Лебилра дунъяличиб машгъурси саби дигайла далайчи, сунела децІанала далайчи – булбул чатІа. ГІяшси шятІличил ва зайбикІуси жура-журала далайличил ил къаршибиркур Дагъиста диркъаличиб ва дубурличиб. Далайчибала пача, вацІала артист бикІар илис. Илала далайла агурби жура-журала дирар, пуль, пуль... клы, клы, клы... тррр... зузбитІунси го-го-ту ва цархІилти. Лебилра Кавказлизир къяйда, Дагъистайзирра илди дахъал лер.

КЪАЧИ ЧЯКА

Чис хІейгахъу савлилизиб шаласи, жагаси далай? Ил авлахъла далайчи – зайбикІуси тІамала къачи чяка саби. Ил – цархІилтачи мешухІебиркуси далайчи саби, сабира имцІали дуцІрумлизиб далайбикІуси, бамсриагарли дуклumi пялхъярдикІахъуси. Къяббердниагарли урцар илала далай, ца макъам цархІилличи шурбулхъан ва ил дахъал минутуназиб бухъянбилтІан, бехІби-хъудла ва ахирла дазу хІебирар. Илини 200 аги дяхъили, шятІбикІар, къалабали далайбикІар. Ца секундли 130 тІама диру, арцурхІели 300 метрла ахълиб чебаэс хІейрар, амма илала далайла тІама 600 метрла ахълибад бикъу.

КІАНРА

Марга кІанра мажахІят чебаэс дииша хІушани. Илала тІама иргъидая: къакъализирад гІячихъти «пит-полот», «пит-порват», «пит-порвано», «под-полот-под-полот», хир-хирдикІути» «ррю-ррю» тІамри. Гъала-гъала марга кІанра тІамалибиркъур савлилизиб. Майла ургайчир гажа кІанраби абзур дуги-хІери далайдикІар.

ЖИБЪРИ

Нушаб лебтасалра имкан бикѹли саби тѹма-гѹамали диркѹти, дуцѹди-кѹти, галгубала кѹялубли вахдаршибти, улкѹайла гѹалабси хѹяриличи кади-ибти чинад-сарил арцурли дакѹибти жибкѹрала хѹнкѹри чедаѳ. Секѹяйдали чѹив-чѹивдикѹлил илди, сакѹубли сари-ургар «ихтилатдикѹтигѹунти» сари, се-сабил кѹиббирули, кѹялиличирад кѹялиличи тѹсдикѹар. Авлахѹла ва шила жибкѹри авлахѹла шуртѹразир декѹардарес кѹиянни бирар. Илди кѹилалра бекѹла чедила кѹерхѹе саби. Кѹакѹари ва хѹябла чедила цѹударти сари, кѹуд-кѹудиличибад, хѹйзибад лихѹилизи бикайчи гѹурша тугѹ саби. Кѹакѹ цѹудара кѹунтрачилси гѹурша рангла саби, партѹ цѹубаличи мешуси – чирик-чирик, чирик-чирик» или далайбикѹар.

Хѹшани баладаяв арцанти сен далайдикѹтил?

Наб гѹанбиркуливан илди далайдикѹти сари разидиубхѹели. Илди хѹул-дикѹли сари дугѹярти бурхѹназиб чили-биалра бергала луга или. Илдала хѹул бартарахѹуси нунира хѹулирад биринж, семечко дурасира, камси мер дѹхѹилизибад умубарили, илди какѹурра. Гѹар мераначирад жибкѹри, хѹанцѹа чякни цаладикиб. Илдазибад бегѹлара цѹакѹсигѹунали, ахѹли чѹивбикѹли, гѹяхѹси бергайчила лебтазилра багѹахѹур. Жибкѹри кѹалабали цаладикиб, чѹив-чѹивдикѹли бизиси беркайчи чедухѹун, бусягѹятал чѹябар умубариб. Бугѹярдешли, марлира, илдала пяхѹли чихѹдизур, дабздиуб, шарикуначи мешудиуб. Тѹсдикѹи. Авлахѹла галгуби дѹхѹили кѹапѹдарибхѹели, хабарлизир кѹяйдали, арцантира гушли ва дѹргѹили дирар.

КЪЯНА

Халаси иштѹхѹличил хѹерикѹли хѹяйраниѳси сурат.

Савли хѹябал дерхѹла юртла мякѹлабси азбарлизи, дила гѹяргѹначи айцѹулра. Чебиулра галгаличи кабиили кѹяна. Илала удир ванзаличир – чѹив-чѹив-дикѹли жибкѹри. Илди дахѹал лерри. Хѹерикѹулрагу, галгаличибси кѹянала кѹялшилизиб кѹацѹла кесек. Ил ишарти аги-кѹяйдаличи жявли бурсибииублири, адамти хѹербирути мер-муса ункѹли далулри. Гѹядатласи кѹяна – гѹямултар, хѹулки, чули биѹунси цархѹилтасра буртѹуси, дебали духуси арцан. Кѹацѹ чѹумали буцили, илизибад биштѹаси кесек кѹиббарили, ванзаличибяхѹ бати-ули саби. Тѹсдикѹти жибкѹрани, чедухѹи биркахѹули, сари-ургар жалтара диркѹули сари кѹацѹла кесек багѹандан. Цацахѹели кѹянали кѹацѹла бутѹа кабиркахѹули саби. Жибкѹри гѹарли-марли кѹалмакѹарлизи гѹеладиркули сари.

Ахирра кѹянали пикрибариб жибкѹри дахес. Чердердили кѹацѹла бутѹни, дирхѹути жибкѹрас чѹйнал лайдакѹиб. Пяхѹланира гѹутѹудикѹли, чус бикибси пай бугулри арцантани. Шайчивад хѹерикѹусилис гѹанбикеслири, кѹянали илди кѹалмакѹарли диркѹахѹес гѹирдирули сари или. Асубирар илкѹяйда бизѳра, амма вирхес дигулра, диштѹати сунела дузбас бируси гѹарли-марси кумек саби или.

Чула ранг хѹясибли кѹянби кѹел кѹукѹяличи дутѹес вирар: цѹудара ва палда рангла. Илди цаладиркур вацѹурбала, унхѹрала, чирхѹанала дубаначи, хѹуркѹбала мякѹларти галгубачи. Гѹамадли бергала бикахѹес виѳсти адамти

хІербирути хуулрала мякълаб яни буркІу. Ил се-дигара бугуси арцан саби. Ил пайдаласи саби дахъалгъунти пайда лугути гъармука арцантани илдала дуркъа пукъни пайдаладирниличибли. Амма арцантала пукъни делхуули, илдала гидгури ва жибхІни дугули, илдани заралра биру.

Нушала анхъла галгубачир илди абзур бархІи къядикІулри. ХІейгахъис гъамси мерличир дучІули. ГъамиубхІели, къядикІули, арцурли ардякъун. Аллагълизи шукру, ил бархІи вайси анцІбукъ хІебиуб. Бурули бираргу, къяна къябикІалли, вайдеш бетарар или. Амма ашкарбиуб, нуша-алав илди къяди-кІути хІязлис хІедиъни: хІярила мякълаб бекІибси жибхІя лебри.

ХІЕРКІЛА ЦІИПА

ТленсерухІ хІеркІла дубла кайилра, дярГІбти шинниси дамсурти къяшми кадатурлира. Гъалар къаршидиркути диштІатира халатира къаркъуби дуйГІули, хІеркІ дучІли саби. ТІинтІбикІуцад, ил сяйбирули саби, къерхІе къаркъубира чедиандиуб, гъарилла мякълаб биштІаси цІуба хъамхъара багъарбулхуули саби. Хапли чебиулра: дила мякълаб, къаркъубала ургаб къяйцІбикІули хІеркІла цІипІа – шинна жибкъяри. Илала къакъ палда ранг-къерхІе рангла къаркъаличи мешули саби, партІ – цІуба. Къакълизибад ил декІарбулхуулри шиннисиб цІуцІбиъниличибли, итара-ишара тІяхІбикІниличибли. Ил шинна бухІна арбякъун ва къаркъаличи мешубикиб. Шиннизирти къаркъуби къяйда къерхІе хъамхъара дурабиркахуули, куртІбирхІули. Хапли шинна чедиб сегъуна-сабил гъармука арцан багъарбиуб, хІеркІла цІипІа бетахъиб. Наб гъанбикиб ил шинна удиб къаркъа бетаурли бургар или. ХІера, шинна бухІнаб къерхІе секІалра вяшбикІули, гъалаб, мурталра къяйдали, биштІаси цІуба хъамхъа. Гъармука арцурли арбякъун. Къаркъа илис хІяжатси ахІенри. Урехи чебарбякъун, цІипІа мицІирбиуб. Илала гІямултаци тамашавиубси нуни архІя даимбарра.

БУХЪУТІА ЧЯКА

Галгубала хъар къамрачир – вахдаршили диштІати арцанти. Иргъули саби бялхъя ва гъалакси далайла тІама. Илди духъутІа чякни сари. Далай къалабаси, амма лехІизес дигеси саби. Рангличибли ил арцан багъес вирар: бекІличибси чухъа цІудара, къакъла чедила ва хуцІруми – духъутІа-шинишаби, партІ ва михърла уди шайчила – цІуба, кІимилчирти пяхІли – цІудара бехІаначилти духъутІти, дуклмазир цІудара тугъи лер. Ил чяка бегІлара жагаси, разиси арцан саби. Далай багъес гъамадси саби: гъалакси, жагаси тІамаличил бехІбирхъур, ил кІинайс зузбитІунси бетарар, далайла ахир биалли «тиу-тиу-ти-тээ» -личи мешубиркур. ЦацахІели галгала хъарличирад иргъули дирар жура-журала тІамри: «тили, цви-цви, пи-пи, чижи, тили-тии» – жалтадиркъути арцанталагъунти дацІти тІамри.

ЧІАКА

Авлахъла чІакни. Илди хІердирули сари Къараногъайла авлахъличир. Хъуми дузахъантас зарал бирути къургу вацнагІир гІяярдашар. Пукъни диру гІяшти къадубачир яра гъумла ахъси бекІаличир.

Щуба кѳимрала чѳакни Терекла ва Сулахъла мякъларти ваѳурбазир, Каспила дубаназир хѳердирули сари. Илдани бялихъуни, куртѳдирхѳути арцанти ва гѳярми дурцу. Пукъни диру галгубачир, камли диру – лусентазир яра шурмазир.

Самурла ваѳурбазир камли ахѳен чѳака-хѳяб икъан, чѳака-биштѳал, чѳака-чѳичѳлуми дуган. Илдала берглуми сари жура-журала чѳичѳлуми, илкъяйдали хѳелхъни.

Дубурла чѳака – халаси ва ѳакъси арцан саби, миѳирси секѳал саби илини бугуси. Чебулхъан диштѳати миѳирагличи. Ил барес илала къямчѳаурти дугати никуби лер. Буѳибси жанивар гъамадли гѳяндбикѳу.

Чедир гъандушибти ва цархѳилти чѳакни камдикѳни сабабли, илди Дагъистан Республикала Хѳунтѳена жузлизиделкѳунти сари. Илди кадуршахъес къадагъабарибси саби.

ВАДВАДИ

Хѳебла бархѳила савлиличибад къанси дугиличи бикайчи далайбикѳуси, тамашавѳеси жагаси арцанна-вадвалила тѳамала аргъибсив хѳушани? Нуша алав дуѳдикѳули сари жура-журала арцанти – гегугуни, вякълякъуни, къибкъъни, чатѳни, жибкъри... абзур дуги-хѳери чула далуйти дучѳули сари. Илди хѳеблизир къяббердниагарли дучѳули, шятѳдикѳули, чѳив-чѳивдикѳули дирар. Сецад арцанти диаллира – илдицад макъамтира. Вадвади биалли илди мераначиб марбарибси музыкант саби.

Хѳябилра тѳагѳямли бирар пукъала мякълаб илала тѳамала бикъес, илала шикъатѳайчи хѳерикѳес. Жибкърала, чатѳнала, къибкънала тяништи тѳамриургаб илала макъам гъамадли багъес вирар. Тамашалати сари илала байрамлагъунти някъиш илди ѳаладикили сари къакъличирти, дуклумазирти ѳудара-ѳуба ва мургъи ранглизирад. Дуклуми тѳинтѳдарибси вадвади ванзаличи лайбакѳибси хъула рангла кѳаналичи мешубиркур. Вадвади хаслира жагасили чебиу хъанѳа закла удиб.

Тѳабигѳятли, къиркъирдеш дакѳухѳедарили, вадвалилис бегѳлара жагати ранг – сунечицун хастиди лишанти пешкешдариб: дурубличи мешуси, ѳиила къямчѳаурси бухъянаси къудкъудили уктемли къутѳбикѳар, бекѳличиб рурхѳуси чукъа пялхъярбикѳахъу. Арцан гѳясибикѳалли, чукъа гъачамхѳели тѳинтѳбирар, гъачамхѳели чукурбирар.

Вадвалила тѳама нуни гъалабра аргъибси саби, амма илцад гъамли ил арцан чебаибси ахѳен. Гъар бархѳи иличи хѳерикѳулра, чидил шайчибад башусил багъес дигулра. Гѳядатли бетаурливан, арцан галгала къялиличиб, хѳяриличиб яра юртла хъалчиб багъарбирар. Бусагѳятал «Воп, воп, воп» яра «уд, уд, уд...» ибти якъинни ахѳенти тѳамри дурадиркахъу. Салам лугухѳеливан арцанни сунела бекѳ гъачамхѳели ахъбурцули, гѳур гѳяшбурцули бирар. Кѳинайс сагадан хѳяйна – «вап-вап-вап».

Бухъутѳа мявала ѳа кесек рурхѳяхъули, берхѳи гѳелабиркули саби. Ил дигѳянбикѳимад, арцантала далуйти тѳашдизур.

ЧАТѳНИ

Пяѳларти-ургаб ѳа гъатѳи арцан леб, сунела жагадешли адамла пикри битѳикѳуси. Дучѳути чатѳни нуша-алав арцурли, жургъдикѳули сари. Нуша дагъардиубли, илала лехѳдеш буунра. Хѳера, илди юртанала бурханазирти, улкъайла мякъларти, бяхѳлизидетяхъибти гѳяблачирти, хутѳла гъимиртачирти пукънази гъаладикѳули. Илдани къяянси мерличир пукъни диру ва илад нушачи, адамтачи дебали гѳяхѳил хѳердикѳар.

ЧатІни даим арцурли дирар. ЧикІни сайтІес кьайгъназирти илди ца секундалра паргъатли хІедуар. ЧатІнала хъали биштІаси сукураличи яра мурхъси сагъраличи мешуси бирар. ГІянжила кьидикъуназибад лушуси саби ил. Дебали дибгІянти цархІилти секІалра пайдаладиру. Пукъа дебали чІумаси бирар. Пукъализи лушутти секІал чатІнани чула шутрачил шинкІадиру, чІумали алкан. Илдачи даим хІерикІули вирус, амма ванзаличи кабиибси чатІа чебаибси ахІен. Чула халасигъуна замана гъаваличиб буркІу. Арцурти, диштІати тІунтІрачи гІяяр дашулицунра ахІи, гъалагси хІеркІкад яра шаракад хІухІдухъи шиннира дужар. Илди ца минутлисван кадирар, хІеркІла мякълабси биштІаси чятла кесек касес.

Лерилра арцантазирад чатІни бегІла гІергъи сари чериргъути. БархІи гІелабикайчи чатІни-нешани чула дурхІнас авлахъличибад бергала биху, дудешунани пукъни умудиру, дурхІни гъармукабазирад мяхІкамдиру.

КЪУТІКЪУТІИ

КъутІкъутІи далайбикІар, саби хІербируси мерличир тІамала лишаналра батес хІебирар, амма къутІкъутІили галгаличиб бяхъибси дамли саби лебниличила балахъу. КъутІбикІнила къалабадеш, къяйда хІясибли, арцантани гъарил къутІкъутІила гІядат бала, илди лишантачирли цали ца дагъахъес имкан бикІахъу.

Студентуначил варх Гъунибла вацІализи вякъунхІели, къутІла тІамала аргъира. Чили-сабил дам бяхъили бургар или гъанбикеслири. ГІяхІил лехІизурра, чебиулра, галгала арличи дебали цапІаки, къутІбикІули къутІкъутІи. Илала тІамали камла духІнарти диштІати жаниварти черсаргъахъули дугулри. Ил галгала уди гъамиубра, удивад чедивяхІ ил дамрухъячи хІеризурра – бамсни хІебалуси арцан. Саби бузес бехІбихъибхІели, селичи-биалра камли пикри бяхІчииу, къутІбикІес даимбирар. КъутІкъутІила душмантти агара. Адамли ахІенси ил гъатІи чили паргъатагарбиру? Ил багъандан арцан даим гъаргли бирар, ахъли чІярбикІар, саби лебниличила гъамли лебтазилра балахъа. «Я вацІапІакъ, я къисла уста ахІен, вацІализиб цаибил хІянчизар саби». – къутІкъутІиличила илдигъунти багъираби лебтанилра дала.

ХІушани балулраив къутІкъутІи урехиагарли, илцад азадли сен бузусил? Илала къяшми цапІалкути, адицІути сари – тІулбачир дугати нукуби сари. Илди галгала камлизи гъамадли алтІан, дебабиубли бузар. Илала кІел тІул гъаладяхІ дакІибти сари. КІел – гІеладяхІ: гъаларти кІиличил жибжирбулхъан, гІеларти кІелра тІуй къаркъала дебали бихІу. Галгаличи хъарихъули саби кІиличил. Илала къудкъуди чІумаси саби, лезми – бухъянси, жявли челкуси, гъамадли ибхІуси. Илала ахирличиб бугаси мукеки саби.

ВЯКЪЛЯКЪИ

Вякълякъила ахъси тІама гъарахълира иргъу. Ил лагъайчиб циила халаси саби. Илала бекІ, михъири, дуклуми, къуйрукъ цІударти сари. ПартІ, михъири, хъуцІрумачирти тугъи цІубаби. Къуйрукъ бухъянси бирар, къасурбасигъуна. Ил вацІала арцан гъаман унхъразира башар, ца къялиличибад итилличи, гІур хІяриличи тясбикІуси жагаси, исбагъи, паргъатдеш агарси арцан сахъдеш

агарси кьутКьутИличи сеналра мешуси ахІен. Ил цацабахІ дурхІнани сурату-назиб, телевизортазиб чебиу, бала, багъирабазиб биалли лебтанилра бала.

Савли анхълизи дякъунхІели чула жагати тІамрачил гъундаиб вякъля-къуни, хъанцІа чякни, къянби.

Паргъатдешагарти вякълякъуни нушачи хасли разилири. Ишар бягІли, жия дугулицун ахІи, сагати вякъначиб, дикъурти пастІантациб кеп кайсу. ЦацахІели анхъла улелъала къадала удира адицІур. Нуша дякъунхІели илдала берглумира дахъдиур. Садерхурли хІярила ца къяйчирад итилличи пархдикІули, нушала столличи гъамдирар, къайхІедикили дучІули, чула сагати хабурти дурес гъа-лактиван, гІямрула хІерличил хІердикІули, багълали нушачи гъамдирар, урехи гъанаалли, бусягІятал тйидидирар. Чили хІергъибтив вякълякъила мягІниа-гарти тІама-гъама? Дахълал гъай дируси адамлис бурули бирар: «Вякълякъи къяйда паркьагарта угъули сай». Ил арцан дебали мяхІкамси, сакІубси саби. Сунечи чилра гъамхІейрахъу, ахъси, цІиркІси тІамалибиркъули, унрубира махбиру, илдази балахъа.

Нушани биштІаси цІа бикъурра, шинна ружер бакІахъира, бизити чяй дарира. ГІяхІси гъавличир дубдатурра. Гъарил сунела бузерила маргълочи арякъун. Нуша дубдатурли гІергъи, столличир кам-гъамти берк-берж калун: хІябал гидгари, бергурси чакар, къацІла чумал кесек. Къарауьчирти вякъля-къуни чекадизурли нушачи хІердикІулри, столла гІеларад адизурмад, чумал арцан хІяриличирад арцур. КъалабахІедикІули диштІати гунзрачил, дукар-кІесли ца шайчирад итилличи дулкІули, цацахІели къалабали тясдикІули, чула духъанти къуйрукъунира датаили, багълали, амма умутличил, нушала столличи гъамдиуб. «Вякълякъи къяйда тясикІули сай» – иру халкъли вайтІа улхъусилис.

Таманси азаддеш гъанаурли, гъарра шайчибад нушала стол алавбуциб. Авара агарли вякълякъуни гІелар калунти нушала берклумани къалабали дугес дехІдихъиб. Столличир азадли дугути жихІедарибти гІяхІли чедаили, нуни къасбарира илди гъадяхъес. Арцанти ардякъи гІергъи, нушала берклума-зирад калири столла удибси байхъала бергунси гидгари, гІурилти кІел-хІерзи агарли детахъилри. ХІязлис ахІен «вякълякъи – хълки саби» или адамтани бурси.

ГЕГУГ

ВацІаличи гъамиубхІели цІикІси, цІакъси, къяржаси гягІли бурсидеш агарси бекІ изесбяхІяхъиб. Ну Хайдакълизив, бархъли буралли, Къулижала ва-цІурбазив сайри. Вавнани вахбаршибси ахъдешличиб бучІули гегуг чебиулри. Ил далайбикІахъес акІахъубсигъуна саби. Иличила мехІур хабуртира дурули дирар. Илини сунес пукъа хІебиру, гидгури дирхІедиру – дигІи цархІилтас дедлуга. ДурхІни хІедалха, хІерхІедиру. ДуцІрумла замана вацІакад урцар, гІебшни биалли «курортличи» аркъян – гъарахъси Африкализе. Илини дахълал заралла диштІати цІицІимкули дуга. Чула дурхІни далхуси манзиллизир къибкънани кІидарш азирличир камли ахІи. ЧІянкІли майла тусахІярибицун агардиру – вацІала заралчиби. Илди агарти диалри жанивартани жявилл ванза «къяри». Илди арцантас багъирабазиб бурибси дугІласи ахІен. «Нушала душма душман – нушала гълмагъ».

Ца арцан дусла деклар-декларти манзилтазиб гъачамхели пайдаласили, гур зараласили биэс асубирар. Масала, къянали дуцрум ва глебшни унхърас, огородунас, авлахълис зарал биру, амма хлеблизир диштлати жаниварта чула дурхИни далха. Илкъяйдали лугИлашал дахъал заралчиби агардиру.

* * *

Зараллати диштлати жанивартачи ва илдала дурхИначи къаршили дурадуркути далдуцунас кумекчиби сари арцанти. Къибкънани, хъанца чякнани, къуткъутИбани, цудара къянбани хъумала, вацлала, анхъла, огородла миллионти заралчиби агардиру, хъанца къянби, хъирхъни – арцанти санитарти сари. Гела-гъаладиклуми дукули, илдани ванза умубиру.

Арцантала далуйтала тамашала тламри хедиаллири, гъанбикексли саби тлабигИят цунни саби или. Арцантани тлабигИятлизиб сихИрула жагадеш алклахъу, марлира, илала дамсхедумсути ва сабурла хИянчизарти сари илди. Адамла гИямрулизиб арцантала культурала-гИямрула жагадешла къадри леб.


Нушала вацIурбазирти, авлахъуначирти, шиннизирти дугIла дахъал мицIираг-ургар тамашала, адамтала пикри чучи битИикIути, жагати жан сари арцанти. Илди хъярхъли урцнили, диштлати, гъалакти вяшатIай, жагати ранганани, музыкалагъунти тламрани, дигалра хейгалра, мицIирси тлабигИятличи камсилра диги лебси гъарилла пикри чучи битИикIу.

Дуклумартала садерхурти, къалабати жинсанани, макъам каибти илдала тлама-гъамали, давлуйтани къяйда селилра жигархедидиру аваданти ва ца журала авлахъуни, яра хумарти вацIурби. Лебтасалра тIягIямла «ВацIала макъамти», дунъяла чебяхIти композитортира поэтунира уркИчеббириули даршани дусмазир къуллукъличи кадизурли, гъаннара илдас разидеш бихули саби. Илди макъамтани галгубала клапИрира гъайдулхъахъули, зайдулхъахъули сари: арцантала чивъала, вацIала арцанна шятIахъилагъуна тлама, булбул чатIала кларкарбикIуси тлама, гегугла аргъес тIягIямла гегугбикIни. Музыкала произведениебазир арцантала далуйти пайдаладирути хIязлис ахIен: арцантала тламри аргъес вирар халаси оперализир, симфонияла макъамтазир ва машгурти композитортала романсуназир. Хердизирая чула пергер хабуртазиб, пикрумазиб, нушала адамтани секъяйда арцантачила гъаман бурулил. Арцантани гъаман пикри битИикIули саби поэтуналара композиторталара.

Арцантани тлабигИят мицIирбиру, жагабиру. Ил багъандан сари дяркъяхъес жавхейчибадала адамтала пикри чучи бяхIчиахъусира. Арцантачи азадли хIерикIес, къараулбирес вирар. БиштIатазира халатазира тлабигИятличи диги гIерисахъес, хIялумцIнила хIянчиллизир баркъудилати сагадешуни гъаргдирахъес диги адикъес вирар. ТлабигИятла давлуми мяхIкамдирес, илди балули пайдаладирулицун ахIи, челябкълализирра дахъдикIахъес ибси масъала тлашбизурли саби нушала гъала. Лерилра илди дархдасунти сари нушала арцантала гИямруличил. Нушаб гъаланачи гъанбиркусиличиб халкъла хозяйстволис илдала къадри мекелли халаси саби.



Назмурти



МяхІяммад
КЪАРАТОВ

НАБ ХІЕРІЭС ДІГУЛРА

ХІЕЧИ ХІЕРЛИ КАЛУНРА

ВягІдаладиубтири
Анхълизир къаршидикес.
ХІекъли заманаличир
Риради музарулхъес.

ГПергъиси замана хІу
ХІерашескарири.
Ну биалли вашира,
ХІу раклесгу викІули.

ХІечи хІерли уира
Анхълизив ну ца вахъІи,
Кепекуні къяйдали
Минутуни дуйгІули.

Баягъи ит анхълизив
Левра нуцун кайили,
Ишар деркІиб дугурби
Гъандиркули, дуйгІули.

Дайхъала гІямру нуни
ДеркІира хІечи хІерли.

Ну хІерли кайрахъули,
ХІу хІерашанриубри.

Сабаб бурахъес хІечи
ХІейзурра нура дугъа,
Чизилра иличила
БушІебушира гъанра.

ХІела буцІарси уркІи
БяргІили бурги набчи,
ХІу гъимрукІахъес селра
ХІебарира виасра.

Гъалав къяйда анхълизи
ХІейрулра гъанна вашес.
ХІу хІерашул мерличи
Се бариша вашули?

ЦацахІели биалли,
Аркулра ила къяшма:
Кадируси мерличи
ХІеръили, арашулра.

ХІЕЙГИ ГІУРРА ДУКІ БАРШЕС

Масхарала

– Сен илцад вахъІи цунни
Уусирив хІу? – бикІар. –
ХІякъусив хІед ца гъариб
«Ванайрури» рикІули?

Набзи узи-уршира,
Юлдаш-тянишунира
Гъаман саби бикІули:
«Язихъилзулри нушаб!»

Бархъси саби, ГяѠцадхѠи
 Виублира цуннира.
 «Агарли чилра мякълав
 Абдалируд хѠу,- бикѠар, –
 Къадала ухѠнав хѠуцун».
 Чердеририрая хѠуша,
 Набчи къакъадикѠути,
 Абдалиэс ибси къас
 Агара дила бекѠлил.
 «Къадала ухѠнав хѠуцун
 ШайтѠунтази виркудгу», –
 ХѠейги, хѠебирис гъанна,
 Чи сейкѠалра, нуни мекъ.
 Ухънаваили или,
 АхѠен хѠебирусил.
 Азадлира веѠал дус.
 Агарли «хъябличиб дукѠ!»
 ХѠял багъурлира нуни
 Азадли хѠерирнила.
 Агара набзи чилра
 «Эй!» викѠул, я «жей!» викѠул:
 Нуцун азадли сайра,
 Наб дигута виркъули,
 Чина укъес дигасра,
 Я къадагъа агара!
 Дигасли, хъули вашус,
 ХѠейгасли – дурав уус.
 «Чинав калунри?» или,
 Хъар-хъарикѠул агара.
 ХѠейгулра наб гъатѠира

Хъяб дукѠлиуб биахъес,
 Багъурлирану мягѠини
 КѠел журала гѠямрула:
 Марли, дукѠгъуна сари
 УркѠи хѠергъибси хъунул:
 ХѠед дигул хѠебирахъу,
 Даим къиж камхѠейрахъу.
 Цедешли бухъули саб
 Юртла мякълаб анхъ дила.
 Леб дила чумал дурхѠя,
 ДурхѠнала дурхѠнира леб.
 Се саби хѠебиуси,
 Бураягу, гъаннна наб?
 Хъябличи дукѠ баршили,
 Сен дигутира хѠушаб?
 Се рариша гъатѠи наб,
 Бурая, гѠурра хъунул,
 Лерсира гъаряхъили,
 КайибхѠели паргъатли?
 Иш нугъунти цунтала
 АлкѠахъисра партия.
 Керхес дигути леррав?
 Дируда белкѠес гѠярза!
 Лерилра гамъа муйла,
 ДирехѠегу акѠахъес
 Думалис фракция.
 Жириновский катес
 ИлхѠели дишагу:
 Ара-сагъли батахъес
 Улкала лебил хъунри!

ХѠЯБИЛРА ДИГАХЪАСИ

Я давла хѠейгахъаси
 Хъям-къаѠличил бучибси,
 ИшхѠелла хѠякимдешра –
 Рушбатунас исути.

Дигахъаси даимал
 Дунъа даршули кали,
 Дургъбира къалмакъарра
 Се сарил хѠедалули.

Дигахъира Дагъистан
 Даршули хѠербирули,
 Дубуртазиб, Даргазиб
 Далайцун зайбикѠули.

Дигахъаси хъумачир
 Даим ризкъи духъули,
 Дунъяличир гашила
 Хабурти хѠедикъули.

Дигахъира дигули
 Адамтира цалис ца,
 Разидешличи гъаман
 Учибиркули лебил.

Дигахъаси Даргазиб
 Гъубзни камхѠебикѠули,
 Гъарил акѠубси урши
 ГяѠгъабза ветарули.

Дигахъаси гъарилла
ГІяхІси яшав биубли,
Хъулкидеш ва хъямхІядеш
Се сарил хІедалули.

ХІейгахъира гъаннаван
Цаличи ца гъмили,
Дахъ вайти пикрумани
УркІби къацІхІедуцили.

Диги дурхІни алкІули,
ХІулкІули хІербирули,

Цаличи ца лебилра
Буркъунзара башули.

Дигахъира жагъилта
Чула талихІ бургули.
Саби-ургаб балгунни
Хъалибарг абилкъули.

ГъатІи дигахъаси
Чула нешана дурхІни
Михъирла абурцули,
Сирила кабиркъули.

ЯНКИЛА КЪАС

ХІейгахъис наб пахруми,
Илкъяйдали гапъала.
Амма пахрубирулра
АкІниличичи ну ЦІухтав.

ХІейрус пахру хІебарес
Неш мухІен риъниличичи,
УркІби далгун мухІенти
Сабну пергер адамти.

Дила цІухтакунтличи
ХІейрус пахру хІебирес,
ХІялал бузериличил
Яшав эркинбирути.

Дила ахІер мухІенти,
Дила нешла тухумти,
ХІуша илдицад лерни
Къаниванри багъурси.

ЦІухтакунт, дила шанти,
ГІямру шадли дуркІути,

Къияндикиб мерличиб
Кумекла някъ лугути.

МухІенти – пагъмукарти,
БелчІудиличи гъаргъти,
ХІушала гІялимтала
Дерхурли сари хабар.

ЦІухтакунт – буриб устни
Набадури дашахъес,
Хайрумачил гъарил дус
Кисми арцли дирцІахъес.

ЦІухта ва МухІи сари
КІелра ши наб ахІерти.
КІел райо дазуличир
Сари гІинтІкадиубти.

Цаван дурхъати саби
КІелра шила шантира,
Цагъунти хІедиалра
ГІядатунни илдала.

ХІЕБЛА ШАЛА

ХІебла шаладикалли,
Сагабирар ургуба,
Шиниш къарли ва вавна
Бирахъу хІекъли жага.

ХІябра гІагІямли бирар
Илгъуна бархІи савли
Къунзухъес ургубакад,
ГІьигъбарес зярхІси гъава.

Гъавала бизидешли
Гъавра ахъкабирахъу,
ХІулбира думсхІедумсар
ХІердикІес алавчарли.

ХІебла шалали нура
УркІичевирахъулра,
Булхъуси уркІиличил
Алавчар хІерикІулра.

ДУНЪЯ БАТЛИ КАЛАХЪЕС

Хажакан ХІяпизлис

Дерхъаб хІела гІямрура,
ХІед дигул хъалибаргра,
Бахъбааб хІу дигути
ХІела гьалмагъунира.

Духъаб хІела унхърира
Халкъ цІедешли балхахъес.
БекІлил къарли мабакІаб
ХІечи башул гъунира.

Игъбарли, разидешли
Вархъматаби цайнабра:
Илди хІечил дарх дираб
ГІямрулизир мургалра.

Лерилра гІяхІти ибти
Хъурадирабгу хІечи.
Лерилра вайти ибти –
КІухбикІул варачайчи.

ХІела шинкъан букъахъес
Каммадиаб ризкъира,

Бизили гІемдикІути
БетІули пухІбикІахъес.

Мискин-пакъир адамтас
ХІела сахаватдешла
Чум-чумилра мерличир
Аргъилра хабуртира.

Чедивси Аллагъли хІед
Каммабараб баракат,
Хъябхъялира хІела анхъ
Мабарабгу палакат.

Иш бархисси замана
Бахъал леб паркъагарти,
Дунъя батли калахъес
Бахъбаабгу хІугъунти.

Аллагъли алжанаван,
ХІуни дунъя жагабаркъ,
Идбаглагъуна сабгу,
Юлдаш, хІела гъарил баркъ.

ГІЯХІСИ ГІЯДАТ САБИВ ИЛ?

Сунела левал левси
Вахъ ахІерси уршилис
Дигулиахъиб нешлис
Кариэс гъамси рурси.

Уршилис дигХІейгулри
Сунес нешли раргисси,
Илала рархкъя рурси
СархІели гІяхІризурси.

ТиладиикІулихъар
Уршила уркІи аргъес
ХІейгулри рарскъа нешлис:
«ЦархІил хІекис», – рикІулри.

Зулму бариб иличи
Нешлира дудешлира.

Дудешлира гІявхІевциб
Сунела марзла урши.

Сунес сецад хІейгалра,
БегІтани ибси бариб:
Рузи къяйда ригуси
Ца рузикъар карииб.

Рурсила бегІтанира
МехІур сабри барисси:
«Узи сайгу ил дила!» –
РикІахъули, гужбариб.

БегІти разили сабри
ДурхІни ибгира или,
Жагъил хъалибарг сабри
Ургар диги агарли.

Дусла гІергъи илдала
АкІубгу марзла урши,
Амма уршили илдас
Гъеч, хибІехиб разидеш.

Илдала урши акІуб
Някъби-къяшмазив чулахъ,
Вахъ хъярхъли арякъун ил
ГІямрулизивад ветяхъ.

Ил анцІбукъли жагъилти
Пикрибухъахъун хІекъли,
Саби-ургаб разили,
Бехъуб илдани хъали.

ГІур алкІути дурхІнира
АлкІан или сакъатти,
БегІтачи лехІебизур
ТанбихІлизи бикибти.

Маллубира къаднира,
Сен дирхъутив хІушани

Узикъар-рузикъарлис
Хъа бирахъес магъурти?!

ХІушала табтуртази
ХІеръаягу цагІяхІил,
Илгъуна хІебирахъес
ХІебургидал къадагъа.

Унраличиб чеченти
Сабигу бусурманти,
Амма илаб агара
Ишабван буркъа гІядат.

ГІяхІти гІядатуначи
Ну къаршили ахІенра,
Амма чедиб бурибси
Бузахъули хІейгулра.

Гъамти-ургарти гъамдеш
Динни къабулдиралра,
ХъалицІа лушул хъулчи
Дигай сари мурталра.

УХЪНАДЕШЛА ЛИШАНТИ

ХІулби сар шявдирули,
Набт кархуси чирагъван,
Илцад жявли шявдиэс
Селис гъалакдиубти?

УркІи саб тимхъбикІули
Ца гІяжаиб тяхІярли.
Лебил михъири саби
Илини бумкъахъули.

Мирхъила гІакъа къяйда,
БекІра саби бучІули,
КІебалра се кІебсира
Илцад вах или бучІес?

БекІличирти гъез сари
АмчІурли кадиркули,
«Абдал бекІ хІейги» или,
Саривара дубшули?

МуцІурра саби хІянни,
Каспила ругертиван,

Ил сегъуна биалра,
Авара агара наб.

Някъби сари руржули,
ХІянчи барес хІейрули,
Къукъубира сари тяп
Сигдиубтин дучІули.

ДухІнарти дарг-махла хІял
ХІебураллира буэс,
Абзур бархІи угъести
ЗугІлуми иларра лер.

Ну жагъли вирухІели,
ХІедири илди цалра.
Илди сарни балулра
Ухънадешла авара.

Гъанна хІейрулра или,
АхІенра цІумикІули,
АгъикІули вебкІалра,
Балулра гІяхІдеш агни.

Жагаси дунъяличир
ГІяхІцад гІямру гибнилис,
Даим баркалла викІус
Чевси Къудратла вегІлис.

ГІурра лугалра сайсис,
ХІейкІусра хІейги или,
ИмцІадарара хІейкІус,
Балас имцІахІедирни.

КІЕЛ ЖУРАЛА ГЪУБЗНИ

Гъубзни леб кІел журала:
ГІяхІгъубзни ва вайгъубзни,
ВегІлис къаршибяхъйчи
Багъес хІейрар гъамадли.

Къияйзи викибхІели,
Мякълаб къаршибикалли,
Багъес вирар гъамадли
Сегъуна гъабза саял.

Къияйзи викибсилис
Къаршибиркаб гІяхІгъубзни,
Илдигъунта вархъхІелта
Кумек хІяжатси гъабза.

Я илхІели чисалра
Къаршимайкаб вайгъабза,
Кумек бирулра или,
Биру хІу велтІес къайгъи.

КІелра журала гъубзни
Къаршибяхъиб набчира,
Аммаки гІяхІти гъубзни
Цугбиркули саб камли.



Ибрагъм
ИБРАГЪИМОВ



ЦАЛИЗИБ ВА ХИЛИЗИБ

(Тарихла роман)

ГЪАЛАГЪАЙ

Дунъя акЉубхІейчибад ва дунъяличи адам дакЉуварибхІейчибад ванза дурхъаси бетаурси саби, иличи адамла гъаргъдеш, хІясратдеш ахир-дазу агарти сари. Инсан, сецад мулка ари сунезиб леблихъар, гЉурра ил имцІабарес, бягЉубарес, сунесбарес хъуликЉули сай. ИлхІелира ванзаличив хІерируси цархІил сайгъуна инсан дугІаили, язихъварили, сунечив цІакъагарси ганзварили, кавшили, илала лебдеш цІакъсили кебисули сай.

Дунъяличир сецад дургъби детаур диалра, илдас хъулчилибиубси сабаб ца сабри – ванза.

Адамлис пикриухъеси гІибрат саби ца ишгъуна мисалра. Дунъяличив цаибси инсан Адам идбаг Аллагъли ванзаличив дакЉуварибхІели, илис гІямру даимдарахъес ХІява редибхІели, гЉур илдас хІербилахъес багъандан ванза бузахъес ихтиярра барили сай. Се бирули Адам идбагли?

Унцира дабгили, дуразли цаибси гъарш кайули сай. Дикули сай илини унци гъаладахІ, дикули сай, балцули сай ванза, балцули, юх, гІашилзули ахІен.

«Я, Къудратла вегІ Аллагъ, се бируси? Адам идбагли гъаршлизир унци дубкІахъу. Асубирару ил гІашизахъес?» - дугъаизурли сай ЧевяхІсиличи Жабраил малаик.

«Укъенну, гъанна хъу барес хІед ил ванза биур или, гІашизахъа», - амру бакІили саби ЧевяхІсила шайзибад.

Ил амру иргъахъули, Жабраил малаик вякъи Адам идбагла унцас гъала кайзурли сай.

ИлхІели Адам идбаг илизи викЉули сай: «Гъаригу, ит дубурла гІела вета-айчи ватаба хъу бацахъес...»

«АсухІебирар. Къудратла вегІла амру илгъуна саби...»

ХІера, илди ванзаличи адамлизи жявти замунтазирал миканадииубти, ишбархІира тядихІедиркути гъаргъдеш.

«Инсан хІябла гІянжили уцайчи ванзаличив хІелукъан», - бурули бирар хала бегІтани. Ил бурала чуйна марбариба гІямрула хІекъти анцІбукъуна-ни?..

ЦАИБИЛ БЕКИ

1705-ибил дус.

Гъзагала ши. ГЯлила Шурличи хала бегІтани жяв замана белшунси, букІунна къапІагъуна. Илала алавчар урчІемал декІлацад ахъси къаркъала бару саби. Удир Адамла къадала гявгяв лусенти сари. Шилизи чебяхІихъуси цайли ца уркурла гъуни леб. Гъалли ил гачбиркуси шила бару-лацлизир мигла халати къапурла лер. ГГур я шилизибад дура я дурабад шилизи бихуси къяшла дякъра агара. Барула къарауй къапу савли-жявли ибхъутири ва къанни бархІехъ гІейкІутири. Къаркъала гІенба ва духъутІа гІянжили кІапІкадарибти диштІати хъулри, цаличи ца мурдакадиибтиван, лагдяхІ ганзухъуни детаурли сари.

Дай шилизиб цацун кІидерхІла юртра леб. Къисла къаркъализибад барибси, авхІулантис улкъайтачил сунела удирти назикти хъулрачи, рягІят халкъличи тахличивад талхъанван, уктемли хІеркабикІуси. Ил Гъзагала талхъан Чамсудинна юрт сабри. Илала някълиур сарри лебилра гъзагантра, шиличирад цагІяхІил гъарахъти, ил алавбарибти ЦІурмигІя, ЦІуриша, Бурца БехІ, Иркниша, Шумралла ГІяя махъурбира. ХІули игна тІинтІкабиубси лебилра мулк Чамсудинна сабри. Хъубзурала саби бегІси хъат кабихъесцадра ванза аги, илди талхъайс ва илала къамлис бузутири, сархибси сабухъ хІясибли, илдала хъалибаргуни гаша хІедебкІахъес напакъа бедлугусири. ЧІянкІли Халал ГІяя махъи, сунесра азадси уздан ГІябдулмажидли бекІдеш дируси, гъачамлис сунела саби ариндешлизиб сабри, талхъайчи хъархІерагарли сабри. Илис ГІядлу-зегъа Хайдакъ-Даргала уцумини кадизахъуртири. ЦархІилти махъурбала ва гІяябала вегІбекІуни Гъзагала талхъай биркІутири, гъайгъай, илдани гъар дус ризкъила, мицІирагла, цархІил лебдешла пай бурчусири ва талхъа урдализи биахъусири.

Гъзагала талхъан Чамсудин, гІямрула лагра ахъили, катра кабурухуси манзилличи ваилри: духънакадаибти лига-къякъя вящдарес къиянни биънили, ил имцІаси замана байхъала тавхана буцибси, назбалишунис тІинтІдарибси тахличив сайри. Назикбиубси къаркъайчиб халаси бекІ берхъибси хІяна муцІурлира, пискъапІала удибад гъаргбулхъуси чІучІбалхунар бягІуси андалира бекІлил балхІебикибсиван декІарбулхъахъулри. Илала халаси хъалибарглизив къапІа бихан цацун урши Сайдухан сайри. Дудешла юртлизив хІерируси, талхъа амру-насаб дихуси, хъарбаркъуни тамандируси. Ил Уркухъла хужаим ХІяжимаммала рурсиличи хъайчикайибсири, урши-русила дудеш ветаурлири. Сай дудеш виалра, гъачамлис Гъзагала талхъандеш иличи даили ахІенри: илбагъандан ил зягІипси дудешла къаклабад дурабурухуси гъарил гъайла ва амрула асарлиув сайри.


Чамсудинна шелра рурси шилизибти ва махъурбазибти мадар-мадарла яшавла бегІти уздантала уршбас хъаллабарибтири, чула саби хъалибаргуначил хІеркабирулри. Гъайгъай, илдани дудешличи зума-зумали гІяхІлад гъаббикІесра хъумуртули ахІенри: талхъайкІун гъачамалра рурсеби яра илдала никІаби дацІ някъбачил гІелабяхІ хІебархъиб...

Чамсудинна аги вайтІа хІебири, мякълар илала хабчаб Хулаба лерхІели, сепайда, Къудратла вегІли ил кІел дус гъалар ахиратлизи аррукилри. Талхъан цунухъахъири. Ил анцІбукъ Чамсудинни ихтилатлизиб иргъахъули вири:

«Дила кѐл някъ лерри, ца калун; кѐл къяш лерри, ца калун; ца уркѐи лебри, гъанна илра байхъала саби дила михъирлизиб калунси...»

Гъзагала талхъа гѐргъиси замана таманни гъанкѐ бемѐурлири, бекѐли-зир пикруми къадализир ѐиѐимкуливан жургъдикѐулири: «Вирхаѐс дигули ахѐнра, марли, наб иш шалал дунъя бархъбатес чевкъусив, хала бегѐтала аманат таманхѐбарили? Илди у дунъяличиб сен-сен наб гъунибиура? Чула хъарбаркъ таманхѐбарни багъандан, уркѐѐѐихѐбиру набчи, чула къушлизи хъурахѐйрахъура, ну илдани бегѐла ѐѐа бемжурси жагъаннаблизи вархъахъ-ес маслигѐтбиру... Юх, юх, гъанна дила калунти гъайцун сари, гъунар-бяхѐ агара, селра барес ахъри агара. Гъанна дила урши Сайдуханни хала бегѐтала аманат хъараахъес гѐягѐнибиркур. Илизи иличила чуйнал гъанбушилрагу, гѐян-ѐдирхъули сай. Илкъяйда асухѐбираргу? Замана баили саби талхъандешла ургъурра уршила някъбази бедес, сепайда гъатѐи, гъачамлис илала гѐабигѐят-лизир Чамсудинхъала талхъунтала къамла чѐумадеш дикъурли кадизурли ахѐн, хѐятта кѐл дурхѐяла дудеш ветаурли виалра. Илкъяйда асухѐбирар! Асухѐбирар! Асухѐбирар гѐур иши кѐиуркѐли наб калунти гѐямрула бурхѐни ца-цали дуйгѐс, гѐизраил малаик рухѐ ардухес вакѐайчи хѐрли кайѐс. Васва-съала гъарахъдарес, бегѐ гѐргъиси архѐяличи аркъухѐлира, паргъатли хѐулби къяпѐдарес дигула наб...»

Чамсудинни балуй някъ назбалишличи чесабаибси уталичи гъабатур, илабад дубсила хѐунтѐндеш бараван чейуси занкъарай касиб. Зингъбухъ-ахъун.



Илмадан тавханала унза гъаргдиуб. Жагъти гъямрула цудара декъали бекъра хулби ахенти мухли-дяхъра къапарибси къараваш рурси рухнарухъун. Икрамбариб.

– Хела амру, дила талхъан?

– Живара набчи Сайдухан!

Дубхехъили сагали икрамра барили, къараваш рурси геламгъарли тавханализирад дурурухъун.

* * *

– Балулрив, урши, селис живарибсирил? – тахличивад бараван ахъирули ва чурха нудбаувад разиагарли херилзули, хъарбаиб талхъай.

Тахла гъала къукъубачи кайзурси Сайдуханни чубкран цуба мукъарла къапа чебасиб, дудешличи дяхъ ахъдуциб. Илдазиб талхъа дяхълизибад декъарбулхъуси цацун лишан сабри: илди цудара гъезли держъили диъни. Гъянжила рангла хулбазиб жаниварлагъуна лямцъ лебри, аммаки ил лямцълизиб дудеш-талхъа гъалаб мукъурдешла лишанра гъячихъли чебаэслири.

– Хела амру багъес дигахъира, хурматла талхъан? - иб гъанна бикайчи лехкъахъибси Сайдуханни.

– Урши, ишар имцъякъ лихъби агара, ху набзи талхъан хейкули, дудеш викъадлира, асубирар.

– Хед дигуси барес хядурлира, дудеш.

– «Хядурлира» викъулри, баркъуди чебиули ахенра. Чамсудинхъала талхъунтала мулк ца бутла кабердибси хамирличи мешубикили саби. Сецадхъи ил куцличиб кавлуси? Мурт цахънабирхъуси хебиуси бутла? Яра ну ахиратлизи арукъяйчи херли уулрив?

– Иргъула, дудеш, иргъула, - иш гъакълис Сайдуханна гъама кар-карбухъун, ахъбуцибси бекъра саби-сабил гъяшбиуб. Дудешла уркъи бареси илала цархил маслигъат аги, мукъурли лехъизни ахенси.

– Сейкули Халал Гъяла бекъ Гъябдулмажид? Иличил гъай бетхейуру?

– Бетаур, дудеш, чуйнара бетаур. Юх, иргъули ахен, иргъули ахен илини... Къабулхейкиб...

– Бацъ мухли чъямхейкибар. Бехъсур селра гъалахейбихъирив?

– Тъп ит хуни пурбанбарибси Мизилбакъи хъябагъриличибси мулкличила гъанбушира.

– Гъатъи?

– Гъеч, къабулхейкиб.

– Гур се дигули ил варскъа Гъябдулмажидлис?

– Селра дигули ахен, дудеш, Халал Гъялизивад дуравхъес илала пикрира агара.

– Чебиулрив се бетарулил? Гъар-ур талхъа къяшми лезмили ижутани хурматхейбируси манзил бакъили саби. Ахену?

– ?

– Хед бурес хейгулихъар, жаваб нуни балулра. Нуша илгъуна даражаличи детикни децъигули саби.

– Дудеш, къакъамайкуд, талхъандешличи тудяхъяхъес нушани цалра узден хелтехе.

– Биалри илкъяйда...

Чамсудинна михъирлизибад декІси гъигъ дураберхур: къакъадешла ва рагиагардешла лишан сабри ил. Къукъубачи кабихъибси баки касиб, чумал мачи садяхъиб.

– хІебиалли, ил халахарлис дила гъайла асар агарли балан?

– Дудеш, аги илгъуна саби. Гъачам гъатІи ГІябдулмажидличил ихтиалтбарес дигусиригу, жумягІла дяхІибайчив ил аги.

– ЖамигІятличил барх ЧевяхІси Аллагълис тІягІят баресра илис хІейгули валан?

– Дудеш, лерил махъурбала агъулисра ашкарси саби бусурман динничивад ил гъачамлис гъарахъли виъни. ДяхІибалара, бикІар, ишди набчирад чердикаб или сари дирути.

– ХІерагу ца, илкІун левгІев гІявамси адам кали сай. ДяхІибала хІедируси, бусурмантачивад гъарахъси, капуртала лугІилизив калес дигуси... Балуси саби ил къам, урши. Мякъи-мякъили илдала адамти мурталра жалтазиб бири, ахиратличила пикрихІебулхъи. ХІязлис ахІен къалли жагъхІели цІедеш хІелугуси галгали бухънабаибхІелира, сецад шинни балхулихъар, цІедеш хІелуга бикІути. Илдигъунти адамтира лебти саби.

– ХІу шямван вархълири, дила дудеш.


Талхъай, пикриулхъули, пискъапІара ахъбуцили, бекІ хъарсбариб.

– Ягъари, АбулхІянапини ил узданничила селра хІебалулрив?

– Ашкарли, балули хІерги, хІурматла дудеш. Эгер илини илгъуна агиличила аргъибси виалри, Халал ГІяялизи сунела хІуребаличил гъавхІекІили хІевъи. АбулхІянапи, бусурман дин чІумабирули, сунела хІуребаличил гъарахъти шимазив сапарличив сай. ХІябэсил дус нушала миналичив дакІуухъи ахІен.

– Лявкъян АбулхІянапи, лявкъян... Биалра, иличи хІерли нушаб диаркадиэс асухІебирар. АбулхІянапила дягІват динна шайчибси саби, нушала мурад цархІил саби...

Гъазагала талхъа «нушала мулк ца бутІа кабердибси хамирличи мешули саби» ибти дугъбала мягІна аргъесири. Гъазагала талхъандешлизи кадурхути урегал махъилизибад Халал ГІяя хъар-хІерагарли калири. Илала ризкъила давлачерти сабухъуни лугуси ванза я дахъал дусмас гъалаб я гъанна талхъа арилиуб ахІенри, хІятта цархІилти махъурбала уздантаниван, ГІябдулмажидлира гъар дусла гІебшнилизиб, сабухъ бучибхІели, талхъайс савгъатван пай – шуцІали барха ризкъила – биахъуси биалра. Чамсудиннис ил хІебиулри. Я баэс хІебири, сенкІун илис дигулри Халал ГІяяла делгІути лерилра хъуми сунела арилиур диубли. Илгъуна хъул илала дудеш Къундаханнара лебсиригу, бетхІеберхур. Я тиладлуми-бусравтани, я урехили, я зулмуртани Халал ГІяяла узданти, ГІябдулмажидла хала бегІли, мукІурбакІахъес хІедиуб. Илди чула мулкличиб азадли сабри, чІянкІли Къара-Хайдакъла уцуми Айдамирханничи сабри лехІихъути. Чумал дус гъалав Чамсудин, уцуми Айдамирхан вебкІили, илала мерлав урши РяхІимхан виъни аргъибхІели, илала урдализи ваиб. Сунела челукъусиличила жагъил уцумизи аргъахъиб. Сепайда, хайдакълан уцуми, жагъли виалра, дахъал далуси ва гІякълучевси гІулухъали увухъун. Илала жаваблизиб илис селрацад маслигІят аги: «Эй, Гъазагала талхъан Чамсудин! ХІуни багъи, Халал ГІяяла хужаим Мухтасар азадси узден сай. Иличи гужбарес асухІебирар, хІятта дила шайзибадра. ХІуни иличил гъай дарга...»



Гъар секІал аргъибси Чамсудинни убяхІси баркъуди пикрибариб: шадлихъличи живарибси ГІябдулмажидла дудеш Мухтасарлизи агъулабарибси гъарушла умеГ бержахъибсири. Илис гъанбиркулри, варскъа Мухтасар агарварасли, илала белхаагар урши ГІябдулмажидличил ванзала масъала къияндеш агарли гъунчибушес вирар или. Юх, Мухтасар бегІ гІергъиси гъигълизив ухъала мякълав тІашси ва нургъба чяхІкІуси уршиличи дугъаизурсири: «Вари, урши, Гъазагала талхъайс мукІурмайкІуд... Халал ГІяя мяхІкамбара, илди вайнукъябази мабиркахъид. Ил нушала минала мулк саби. Ил агарли, нушала къамла адамтани гІямру даимдарес хІебирар...»

Мухтасар агарварилихъар, сунела мурад бетхІебурхни аргъиб Чамсудинни. Гъанбикиб илис дудеш Къундаханна васиятра. Сунези талхъандешла ишарат – гІярабла хІурпрачил «Гъазага» чебелкІунси цІуб арцла мугъур – аманатбирули, дудешли бурибсири: «Ну хатІаикира, дила урши: Халал ГІяяла уздантани гъамадли ванза нушала арилизи хІебиркахъу. Илди бебкІализибадра урухбирули ахІен, илдачил цархІил тяхІяр балбуцес гІягІнибиркур. Пикриухъен, хъуммартид иличила...»

Чамсудин талхъай, гъайгъай, хъумхІертур дудешла аманат, сепайда, илинира хъараахъес хІейуб: Мухтасарла урши ГІябдулмажидра варскъа увухъун. Иличи я гІяхІти я вайти далилти, нерхли дакибти къачалайла дабрумачи чятван, чеалкули ахІенри. ГъатІи се пикрибирисил хІебалули, сецад лебдешла ари сунезиб биалра, куцІул дубха нергълизибван хІерирули виалра, цалра дуги паргъатли гъанкІ хІехъиб. Я илини селрацад мяштІбиеси гІур пикрибарес хІейуб, хІятта муэртазив сай гъаман, цІуба юргъачи мурдали, Халал ГІяяла ургубакад хамли къунзикІули чейули виалра. МуэркІун хІуруцІличи мургалра шурхІебулхъан. Дунъяличибси илала гІямрула чирагъ биалли, набт кадерхурли липІ-липІбикІулри, бишес хІядурбиублири. Илгъуна хІяйчивси талхъайс вебкІесра гъамадли ахІенри.

Гякьлу анар-ханарбирути гъанбикуназив кягъибси талхъан Чамсудинна ахирра ахир гякьлу чарбухъун, дурусбиуб: хГулбала хЕр тахла гъалав сабур-личил кьукьубачи кайзурси уршиличи бархъбизур. Сабирхъуси баки сагали кьукьубачи кабихъиб.

– Дила урши Сайдухан, Гъазагала талхъа мугъур гъанна хЕла някъбази баахъес замана баили саби. ХГу хГядурлирив ил къабулбарес?

– Дудеш, хГу къалабамайкГуд талхъандеш набчи даахъес. ХЕлагъуна хГурмат...

– ХГурмат хЕлара бирар, рахли барахъадли: талхъунтира нешли биркьути ахЕн, бетарути саби.

– Дила устадеш даэсара?

– Даахъа, агарти дарга. Гъанна бикайчи хГу дила мякълав сайри. ХГуни чехЕбаибси се лебри?

– Дудеш, хГу вархълири.

– БекГлибиубси – хъуммартид хГу талхъан виъниличила. ХЕрбара уз-дантачилра рягГят адамтачилра хЕла дазу. Илдази чула мер балахъен, хЕд Мисрила шандангъунти ЧГумадеш хГяжатдиркур. Я чисалра гГяхГси ветаэс къасмабирид. ГГяхГдешра малхГямдешра лебтанилра цаван иргъути ахЕн: хЕла хъябличи мурдакабиэстира камхЕбирар. Хъуммартид замана-замана ургъур хГярхГбалтесра: илхЕли хЕд бируси къуллукъ адамтани пикрибиру, имцГабарес къасбиру. ХЕбалхуси хяли букГунала маза-мас хЕдалтахъа, би-кГар. Бусурман динничивадра гъарахъмаркуд, дин хЕбузахъуси талхъан чяхГла маркаван къантГси заманала вирар. Тахличив вахъхГи кахЕвлан... Дурести дахъал ГГурра лер, сгГят сабаибхЕли, гъайкадулхъехЕ...

– Баркалла, дудеш, хГу араираби. ХГу багъандан жан кьурбандарес хГядурлира. ХГуни набчи бихъибси игъдибар марбарес хЕла гъалаб, Гъазагала талхъа гъалаб, хъя бирулра.

– Ил гГяхГси саби... ХГу, урши, къасчевлири. ЧГумаси къасла вегГ адамли гГямрулизиб сунела мурад бетурхахъу, – талхъан тГашизур, декГли чуйнарил гъигъраухъи, гГур даимиуб: – Гъазагала талхъа мугъур хЕла някъбази биур, урши. ЧГянкГли дила ца тГалабра леб: хГуни наб бекГали хГулби къяпГдарайчи ца дурхъаси савгъат барили дигулра. Гъай сегъуна савгъатличила сарил, дила пикрили, хГу шакГикГулри.

– Балулра, хГурматла дудеш, хГу викГуси савгъат бирар, – жаваб чарбарес хъярхъикиб Сайдухан.

– Баркалла гъайлисра, дила урши, бегГтани цали цала хЕргъалли, урхГли сен-сен иргъуси? Гъанна ну вамсурлирану, укъен, пикриухъен... Ну хГечи хЕрли вирус...

Сайдухан айзур, ириличибси ханжал балбариб, къапГара ца някълизи цГабарили, икрамра барили, дудешла тавханализивад дуравхъун.

«Дудешлис – савгъат, наб – Гъазагала талхъандеш... Савгъат, савгъат... Балулра дудешлис сегъуна савгъат бирусил, ил биахъес нуни селра ва чилра мяштхЕдирис, сенахЕнну ил савгъатра гъамси челябкълазиб дила бетаруси саби...»

* * *

Глебшила бархи херейчи гьамбиклури. Дуцрумван гьава лагьбиклули хебиалра, баари ванадеш лебри: гьагулти чина-сарил гьадяхьибхеливан, зак умулири, берхили сахаватли нур чекьурлири, сунелагьунти мургь-ранг дуньяла гьарил жаннис чертес къаслизиб сабри. Ил биклусигьунари: «Эй, адамти! Эй, мицираг! Эй, арцанти! Эй, гьарил къарла чи! Эй, лерилра мицир жан! Хьярхьдикирая дила нур касес, хлушази хьурадарес. Ну ишкьяйда сахаватли хлушачи хербиклес бахьхи хебирус. Жягял-царахел чедулхан набчи гьагулти, чахьбулхан муси дирихь, дяргибти забли дила нурра дилшахьа, дуньяличиб дила сапарла бархира къанткабирар. Юх, ну хлушачибад даимлис ахенра гьарахьбиркуси, ну хлушачи янилизибра гяхлад башус. Гьалабван цали ламхебикласра, хлушала дял-някъ ванадарес къасбирис. Илгьуна хьарбаркъ набчи Аллагьли бархьибси саби. Хьуммартидая хлушанира хлушала хьарбаркъуначила...»

Халал Гяя махьиличи гьалли бяхчиси Кьубати Саниб хьубзури гьазализибри. Хьубзури эс хьубзурира илаб бахьал аги: шудехл унци гьайдарилри, сай махьила халал виалра, Гябдулмажидли гьаларти унцачил гьарш башахьулри, илис гелабад виштгал узи Мусапир, рурсила мурул Хияжибег ва клел рягят хьубзара гьайбиклури. Кьадаличи чекабаибси бегла халаси вецал бархала хьу илдани, дурзмачил балцули, Глебшила дегнубас хядурбиурли. Хьула дублаб хьярла цацун галгара лебри. Гяш-гяшси, чирхьдизурти къялуби дугла хьярбачил ва духьул-рангдиубти клара вахбаршибси. Илала удибси хьабхьси къялиличир сурдухьиб берклумала таврара шинни бицибси тагьара лерри.

- Гьай, арадаркъарти!
- Гьайка, Бяхцла!
- Кьел буца, Кьанцла!
- Яхбарая, гьамли бамсриихьидаяну...
- Хьумхертехе милиги ахьахьесра!

Гер-гералгьулри ургубалар хьубзурала тама-гьама. Унцира, дусмадли чузи дурути цадехл гьай иргьули, ибта диркьулри, кьуйрукьунира силтидирули, гьаршаникад царугли гьаладахл дашулри.

Хера, магьдарили унцира, сагали хьярла галгаличи гьамбиубхели, Гябдулмажид ташизур. «Во-о-гьа!» ибси илала буйрухь аргьибмад, унци лерси мерличир ташдизур. Гелабад гьайбиклули баткабихьибтира ташбизур.

- Чям-къацдикес замана баили ахенара? – шуряхьиб ил хьубзурачи.
- Баили саби, хурматла Гябдулмажид, дялхиба вахтра гьамбиубли саби.

- Гягятличилара хьумартес асuxeбирар.
- Унцира дамсурли сари, Гябдулмажид-ази, дуканазирад урдатежелри, гяхсири, – херизур иличи рурсила мурул Хияжибег, бараван супел вьшбухьунси назик-назикси гулухьа.

- Сари, валлагь, баркабантани ишбархи халаси хянчи бариб.
- Нуни шинни дахес херкличи аркис, хлуша галгала дялцилиу чукурдирая, – чеhib Гябдулмажидла узи Мусапирла тамара.

Келра рягят хьубзарли – чедила куц-бекличичи херьибхели, дудешра уршира биъни балахьулри – селра хебуриб, илдани унцачирад гьардуцуни

черасиб, «гъай, баркабанти» или, хъула ца дубларад къадала убяхIихъуси гъярца дякъличирад дархъаиб.

Галгала удибси диркъбикличиб хъубзури букес журугбиубхIели, шинни дахунти унцира гIеладяхI кили, Мусапирра чарухъун. Гушдиубти унци хъула хIярлизи, беръэс хIядурбиубси къарлизи къябдикIули, гIяйкадиуб.

Ургубалав хъу балцули вамсурси ва гушкайубси хъубзарасван къацI гIур цалра цархIиллис бизили хIебирар: илис нусила кесекра шинкъанир делкъунти декъла палдалиуб берцIибси хамирра хIябилра тIягIямла дирар. Я ил беркала илини шанг гIявал давлачевла диъла чудни-хIинкIас бехIсурхIебири. ГIябдулмажидли таврализирад хамиртала ва буртли бицIибси шангла дураб делхъунти диъбани бицIибси халаси вахъра дурасиб.

«Бисмиллагъи рряхIмани рряхIим» или, лебилра букес бехIибхъиб.

– Хъуми дацес бекIдиубмад, анкIурби дегIес дехIдирхъехIе: бажардихIедикес асубирар...



– Ге, дила узи ГЯбдулмажид, илкьяйда бирехе. Гебшнила марка-заб дехИдихьалли, авлахь дяхИли кIапIбарайчи тIашхИедилзан.

– Маркализирад къалли уруххИедирехе. Гебшнила дегИнуби, бурули бири хала бегИтани, гьаршлизиб хIеркI гIергьибашаллира, делгIути сари. БекIлиби-убси – улакьхИедиъни.

– Адавзи ГЯбдулмажид, или ибси се ибси? – хьарбаиб ХИяжибегли.

– «Улакьдиубли» бикIар заманаличир дегИнуби ванзализирад дурадухьес бажардихИедикалли. ГЯй, заб имцIадиубли, гIяй, хьянибиубли, гIяй, берхИила шала камкабиубли, ризкъи дурадехьес бажардихИедикалли, илди улакьдирар, челярхИакьян.

ГЯбдулмажид камси манзиллис пикриухьун, гIур вяхИчили къукьубачи гугиибси гьести гIямрула рягIят хьубзара Муслим-азичи хIеризур:

– Муслим-ази, хIуни нушала дудешлиса къуллукьбарибси саби, гьанна уршира хIечил варх нушаб узули сай... Баркалла биаб, дусмадли нушала хьалибарглис марси къуллукь барири. Нуни пикрибарира, хIед цакамси белгIуси ванза гес. Тяп икI – илини Кьубати Санила чедибси къасигьуна гьярцIа ибуйчи някъ гьабатур – Кьяцала Муза хIед хьу барадли... Ну викIуси бархьси ахIену, узи Мусапир? ХIу сейкIуда?

– Ну разилира, дила узи, рягIят хьубзара виалра, нушала Муслим-ази илгьуна пайличи лайикьли сай.

– Илала пикри буриб ХИяжибеглира. – Илала урши Батирлира нушала хьулирти лерил хIянчи дирули сай. Саби бегIси ванза бетаалли, илдани нушаб гьатIира уркIичебли къуллукь гIеббурцу.

РягIят хьубзара Муслимли, хужаимла ва илала тухумла гьай аргьибмад, бисмиллагьи или бара кабердес хIядурбарибси хамир къарла къумурличи кабихьиб. Дулгьуби дурдибси хIябсурлизирад дайхьу гьаргли чейути, гамса халати някъби къукьубачи кадихьиб. Гьай детахьибсиван, сунечи хIербикIутира гIяжаиббиахьубли, лехIкахьиб. Мер-мерличир хIяндешли къалайдарибти нудбаур хIулбира гьявдешлизир сунела гьала вякъкадизур. Рахли илдазирад кIел нергь дурадехур ва гьезли дерхьибти ляжубикад гердухьун.

– Баркалла биаб, хIурматла ГЯбдулмажид, – ахирра шивкIивбариб илини.

– Паргьатии, Муслим-ази, ну уркIи-уркIилавад сайра викIуси, – хужаимли хьубзарала хьуцIарличи някъ кабихьиб. – Нушаб баари ва гIелакабухьесцад нушала ванза леб: дила ва узила хьалибаргунас, илдала баркъибтас, гьанна нушала ветаурси рурсила мурул ХИяжибеглис, гьачамлис сирилавси дила ХИямзатлис бархли биур. ГIур се бируси лебдеш? Я нушала хала бегИтани мулк хIябла архIебухиб, я нушани архуси ахIен.

– Балулра, азир баркалла диаб! Аммаки наб ванза се бариша?

– ХIу-вегIси хьу бирид, хIела хьалибарглис бузахьид. Илабад сархибси лебил сабухьра хIела бирар. Иргьулрив?

Муслимли къатавтар хьутра хIулби хIяршдариб.

– ХIурматла ГЯбдулмажид, я нуни я дила хьалибаргли хIела чебла ахьес хIебирар.

– Сегьуна чебла?

– Ванзала.

– Агь, хIела жан арадаркъ! ХIуни хIергьири дила гьайла: нуни хIезибад хIекь тIалаббинули ахIенра, матьал лугулра. Матьал викIулихьар, матьалра

бетарули ахѐн, дусмадли хѐунира хѐла хъалибарглира кабиxъибси къиян саби. Хѐлал-залалси, уркѐи гѐргъихѐбулхъуси... Къяцала Музаличибси хъу. Нушала белгѐуси мулк, хѐунира балуливан, баари леб, ил бекѐбаресра бажардидиркули ахѐнра. Вари, вари, хѐу къакъамайкѐуд: ил чеблали биѐс хѐбирар, азирна хѐуни гъаршанадбарибси, убил-чебарибси, нушаб сабухъ сархуси хъу гъанна хѐушала биѐсра лайикъли саби.

– Юх, чевверхи, илгъуна савгъат къабулбарес хѐйрус. Се бариша наб ванза? Ил бацес дила унци агара, бегѐес ризкъи агара... Баркалла, хѐйрус къабулбарес, хѐурматла Гѐябдулмажид.

– Паргъатии, паргъатии, адавзи, пикриухъен.

– Неш къалли разирири, ил мурталра нушала камси хъу биахъес хъул-рикѐуси сари, – ил манзил чехиб гѐяш-гѐяшси тѐама илала урши Батирла. Гъанагарси хабарли илала жагъти хѐулбазиб мурткѐлал хѐбиубси харидешла лямцѐ дакѐубарилри.

– Хѐла урши вархъли викѐули сай.

Хѐра, Муслим уршиличи хѐеризур:

– Нушала камси агара, дила Батир. Берхѐи дугели шалахѐебикѐар. Хъулани пикрумазир гѐяхѐти дирар.

– Дудеш, нушала хъулир урбешра кам-гъамти хѐяжланкѐира лер, илди дегѐес дирехѐери...

– Паргъатии. Яра нуни буруси хѐергъулрив?

– Неш къалли разирири, - иш гъакѐлис сунес сунени гѐурра тикрарбариб Батирли.

– Муслим-ази, нуни гъачам бурибси гъай уббирхъуси ахѐн. Нукѐун хѐла хужаим сайра? Ахѐнрав? Хѐебиалли, бирар илкъяйда!

– Аллагъличира, ил секѐл нунира дила хъалибарглира гѐямру керхайчи хъумуртуси ахѐн, хѐурматла Гѐябдулмажид, - хапли Муслимли сунела вегѐбекѐла някъ кѐелра някъли цѐацѐабариб, гѐяшиубли иличи уммайдариб.

– Гъу, диур, диур, паргъатии! Наб илди пишни хѐейгахъис, - иб вегѐбекѐли, рягѐят хъубзарализибад някъ къяббириули.

Ил анцѐбукъ леблисалра тамашадеш сабри. Илкъяйда хѐебирару гъатѐи, рягѐят хъубзарас хужаимли сунела мулклизиад ванза пешкешбириули виалли? Цархѐилти вегѐбекѐунани рягѐят хъубзурази чула ери-юртла унабурхѐира ихъ-ахъуси хѐебири. Гъанагарси талихѐи, илгъуна барседеш дунъя багъурхѐейчибад сунени хѐергъибси ва хѐебагъурси ухъна Муслимлисра къабулбарес гъамадли ахѐнри. Биалра, хужаим Гѐябдулмажидли ца ити гъай хѐебуру, бурибу – гѐе-лабяхѐи ласхѐебири...

Ил хѐякси манзил Къубати Сани чебяхѐихъуси дякъличирад чехибти урчила гудуръай барсбариб. Лебилра илабяхѐи шурбяхъиб. Къячѐикѐла гѐелабад, хъасара ахъдиахъубли, рябхъдарибти ябначиб хѐябал мурда багъарбиуб. Илди чебаибмад, хъубзурала разиси гъав кѐунбацѐиб, Гѐябдулмажидла уркѐилизи биалли ханжал бурхѐубхѐеливан бетаур.

Урчила мурдаби дигести гѐяхѐли ахѐнри, Гъазагала талхъан Чамсудинна халахар урши Сайдуханра илис гѐергъи дяхѐцѐиван камхѐебирути кѐел нукерра сабри.

* * *

Гялли хъула дубла баили, мурдабани урчи тIашаиб. Илдазивад ца, алаша-алаша дягIути хъуцIрумар нукер Герейхан, урчиличивад кацIиб, гIярчумагра хурумла чакмала хъарлизи къузбарили, хъубзурачивяхI ватихьиб.

Дубурлантала гIядат бузахъули, хъубзури, бархъбатурли хIерикунра, лъвкъусилис гъунибаэс ахъбиуб. Халал ГIяяла хужаим жихIерибси гIяхIяйчивяхI ганзухъун.

Герейханни, саламра бедили, ГIябдулмажидла някъ цIацIабариб, гIур иб:

– ХIурматла ГIябдулмажид, дила хужаим Сайдуханнис хIечил гъайкавхъес дигули сай. ХIела шайзибад жаваб сегъуна бирара?

– ХIела хужаим набчи гъамиубси виалрира, ванзали къярхIейи. Нагагъ илис илкъяйда дигули виалли, талхъа уршиличил нура гъайкавхъес хIядурлира, – иб паргъатли ГIябдулмажидли.

Нукерли гIур дубхIехъиб. Ласяхъили, ил сунечи хIерти бархкъябачи ватихьиб. Илис гIелавад, хъутрира цализи ца суркдирули, – ГIябдулмажидра.

Уздан сунечи гъамиубхIелира, Сайдухан урчиличивад кахIецIиб, гIядат-лисван илала саламлис бекI гъакIбариб: илцадра илхамли сайри, Гъазагала талхъанна урши виъни багъандан, сунела ихтиюртазивси ГIябдулмажидла гъалавра сай чевяхIси виъни чебаахъес дигни багъеслири.

– Халал ГIяяла уздан Мухтасарла урши ГIябдулмажид, хIуни балулрив ну иша вакIнила мурад? – ахъ-ахъси тIамаличил хъарбаиб Сайдуханни.

– Асубирар балули виэсра, бурадли, гIурра гIяхIси бирар, – гIячихъси жаваб чарбариб ГIябдулмажидли.

– Къубати Санила хъуми далцули, хIязлис къиян камабирхъид: ишбархIиличибад ил мулк хIела ахIен.

– Дила хала бегIтачибад букъурли баибси мулк гIур чила бируси?

– Гъазагала талхъан Чамсудинна саби.

– ХIурматла талхъайс сунела ванзурби хIедиулив?

– Ил хIела къуллукъ ахIен!

– Ил дила къуллукъ хIебиалра, Халал ГIяя дила мулк саби. Мина-мина-личичадад букъурли баибси.

– Нуни ирагу, ишбархIиличибад хIела ахIен.

– Нагагъ хIу викIуси биалли, бура набзи, нуни се бирусил? Дила къамла адамтачил хIяри керхес замана баилив? Ванзаличирти дила бурхIни кадер-хурлив?

– ХIедра хIела къамла адамтасра Гъазагала талхъай МизилбакIи хъяба-гъриличиб ванза чебаахъили сай.

– ХIерагу, талхъан секъяйда набчила къайгъилизиикилил? Се бируси нуни МизилбакIи хъябагъриличиб? ВацIа-къадала тIялурбазив жаниварван хIеришав?

– Илаб урдубяхъя, ери-юрт дара, сага аберда, хъуми дара, мицIираг адил-къен... ХIериеэс дигули виадли...

– Нура дила адамтира къалли ила гечдиинша, чина духиша итди Халал ГIяялизирти бегIтала дурхъати хIябри? Илдира гечдирутив?

– Ил хIела къуллукъ саби.

– Юх, ил дила къуллукъ ахIен, мулкличир хIулби хIелукъуси хIела дудеш Чамсудинна къуллукъ саби. Гъу, талхъа илгъуна амруличил хIу набчи вакIибси



виадли, гелавяхІ чарухъес вируд. Буха дудешличи дила шайзибад жавабра: ардухая МизилбакІи хъябагъриличи гъала-гъала бегІгала лерил хІябри, мер-ладарая ила илдала рухІ, илхІели нунира се-биалра маслиГятла пикрибаршану... ЦархІил жаваб агара: Аллагъли дилара дила къамла адамталара жан иш мулкличир, Халал Гяяла ванзаличир, айсути сари!

Илди гъайла аргъибмад, Сайдуханна итира гамса дяхІ цІудара галичи шурдучъунсиван бетаур. Илини хІятта вайлиубад сурбухъунси тургъуна ханжайчи някъра арбухибгу, илала гъалав ярагъ агарси хъубзара адам тІашли сайри. Илгъуна цахси баркъуди сунес марти кІелра нукерлира къабулхІебири. ГІясидешла ружери чебарбъкъунхІели, илини иб:

– ХІебиалли, хІу Хайдакъ-Даргала уцуми РяхІимханничира лехІхІейхъули валанри?

– РяхІимханна шайзибад набчи илгъуна амру баибси ахІен.

ИлхІели Сайдуханни бирцІлумар дарайла чаргас хІевала шалкІу някъ арбухиб. Илабад цІуба суранна хъатгъуна бутІа дурасиб.

– Ма, РяхІимханни хІечи бархъибси саби!

Гъамиубли ГІябдулмажидли суранна кагъар касиб, илабси гІярабла белкІ къалаба-къалабали чедибъхъиб, удибван уцумила мугъурра лебри. Ил кагъар белчІунхІели, камси манзиллис ГІябдулмажидлара паргъатдеш буунсиван бетаур: дяхІлизив варсиуб. ВасвасиукІули уцумила шайзибадси кагъар сагали белчІун, суранна бутІа убил-чебарили хІербариб. Гъар секІал аргъили, суранна бутІа Сайдуханнизи чарбариб.

– ХІурматла РяхІимханни ишгъуна кагъар хІебурхъу.

– Иличира вирххІерули валанри?! - гІясидешли чІяргъуна гІама дурабикиб Сайдуханна.

– Вирхаэси ахІен, илкъяйда биэс хІебирар... РяхІимханничил дилара их-тилат бетаурси саби.

– Нушала бекІ талхъан уцумила кагъарличи вирххІеъни - иличи кършили кайзни саби. Иргъулрив?

– Ну бекІ талхъан уцумичи кършили калзуси ахІенра... Нуни ахтардибирис.

– Се саби ахтардибириси?

– Ил хІела някъбазибси кагъарла хІекъдеш.

Сайдуханни гъанна бикайчи сабурли гІашкабизурси урчила ургъур тямхъбариб. Ил пурхбухъун, циила гІенлабяхІ хихбиуб: сунела вегІла хъарбаркъ сегъуна сабил гъачамлис илини иргъули ахІенри, ласбухъи бакІибси гъунчибад гІелабяхІ аварахъбулхъусирил, ахІи, гъалакайзурси урхІла адамра вячІи, ургубакад гъалабяхІ дуцІбулхъусирил. Сайдуханни гІурра ургъур тямхъбариб, ва урчи, къяцалангбизурли, гІелабяхІ ласбяхъиб. Цуг-цугли кІелра нукерлира чула ябни хужаимла шайчидяхІ шурдатур.

Селрацад гъарахъІейкили левай Сайдухан Халал ГІяяла уздан ГІябдулмажидличи шуряхъиб:

– РяхІимханничи ваэс хъулмайкІуд: бетхІерар!

ЧІянкІли урчила мурдаби хъула дублабад бегъубхІели ва урчала гудуръала къайдикибхІели, ГІябдулмажидли сунези сунени шивкІивбариб: «Тамаша хІебиалли?! Хайдакъла уцумичи сен гъатІи ну гъаввакІес хІейрусира? Дилара лебсигу дурхъиб къяшми кункси тйй урчи...»

(Хъарахъуд бирар)



Проза

БяхИяммад ХИЯЖИЕВ



МАРТИ ДИГАЙ

Бурала

Дубуртазиб хЕбла каникултала замана дурхИни картошка делхъес, ша-диб-гъуни барес ургубала къараултаци дугели башутири. Гьалар гьаннаван хутІла шалмира телевизортира дирути ахІенри. ХІера илкьяйда нушани, чумал дурхІяли, колхозла картошкала къараул Ацци БяхІяндличил дугурби дуркІутири.

Ацци БяхІяндли, гьаннаван пенсияби агни багъандан, сунени вируси хІянчи хъарабуцили, къараулла хІянчи бузахъусири. Нуша сунечи дякъунти дугурбазив дебали разира вирусире. Илини сунечи дакІибти, сунела дудешли дурибти хабурти нушаб дурули вири.

ХІера, илини ца дуги нушаб бурибси хабар лукІула. Гъайгъайра, иш анцІбукъ бетаурсил, бетхІеурсил бурес хІейрар. Амма, Ацци БяхІяндли иш анцІбукъ бетаъни чІумали кабилзахъулри.

Жявти замунтазиб дудешуна бурули бири: нушала шилизи вабаъла изала дикили, бахъал халкъ бекІибтири или. Ит замана тухтурти агни багъандан, изала хъачлизи дикиб цІаван гІяйбикІусири. Вабаъ гІяйхІедиахъес багъандан, жамигІятли зягІипти шилизибад арбикутири. ЗягІипти берк-бержличил шила жамигІятли гІеббурцулри. Беркала бухили ца адам ила вашусири. Илав вебкІибси яра сагъиубси левни балусири.

Илди дусмазиб бахъалгъунти уршби, рурсби цІуръабиубли давлачебтала уркІецилиу бикиб. ХІера, илгъуна къяндешлизив акІубси сай иш хабарла бутІакъянчи Жалилра.

Жалил, неш-дудеш агарли беркесилисра, чарх кІапІбарес палтарлисра вштІахІейчивад шилизив бегІла давлачевси Наиб-ХІяжис къзакъли узусири. Сунела дяхІла сипатра чархла арадешра вава-къарли бяхъибси ургубаван жагати детаур. ГІямрула зилантацил цугуцибхІели, цалра дурхІя иличил жагадешла-шал я гъунарлашал цугхІерки.

Сунес анцІхІебукъахъес Жалилли шятІихъ бариб. Дубурла бяхІлизи маза гІяйдиубхІели, шятІихъ уфбирули, багъла-багълали гІяхІси устара ветаур. Жалилла шятІихъла тІамалиур мазала мас багълакадири, арцанти биалли, илала макъамти гІердуцибтиван, дучІули дири.

Жалилли дирхъути макъамти Наиб-ХІяжила рурси Маржанатлис багъи-шладири.

Маржанатличи дихъибти дигайличила шилизибтани балуси ахӀенри. Я сунени чизилра бурес вирули ахӀенри. СенахӀенну илини балулри, илгъуна хабар бакъалли, Наиб-ХӀяжини ахӀенну шантанира дукелциличи вирхъни.

Жалил, ятим виалра, илала серхурдешличи, жагаси сипатличи Маржанат хӀеррикӀулри. ДиштӀати хӀуркӀби цаладиркули халабиуси хӀеркӀван, дигайла ца цакъбиубли, варачанничи шурбулхъулри. Жалилла шятӀихъла тӀамала бакъибхӀели, ил Жалилличи арцес хӀядурли сарри.

Килалра уркӀбачир дигай дургъули диалра, цализи цали гъаргдарес бет-хӀерулри.

Маржанатли сунела дудешла пикри балули хӀериши, дудешлира Маржанатла пикри балули ахӀенри. Наиб-ХӀяжила сунела цайли цаси рурси сайгъуна давлачевлис редес пикри сабри.

Жалилла шятӀихъла тӀамала бакъибхӀели, Маржанат, къянарра касили, шинничи дурарухъун. Ил бархӀи илала къас сабри Жалиллизиди гъар-секӀал дурили мукӀурракӀес. Маржанат гӀинизличи гъамрирухӀели, Жалил гӀинизла мякъла кайилри.

– ГӀяйдикӀулив, Жалил?

– ХӀура ляркъулрив?

– Цакъли мяхӀтарли кайилригу? Се бетаурлив?

– УркӀиличирти дахъ-дахъал пикрумазив се бирусил балули ахӀенра.

– Се пикруми дирутив хӀела?

– ХӀуни дила уркӀиличирти пикруми дагъес хӀерируд, я илди хӀези дурес вирхӀейрус.

– Сен дурес хӀейрусирив?

– ХӀезивад урузкӀулра. ХӀу мякълар агархӀели, хӀу цугрикибхӀели дурес ибти гъай хӀядурдарасра, хӀу чераибхӀели лерилра хъумкартулра. ХӀу мякълар лералцадхӀи гъандиркули ахӀен.

– Сен хӀу набзивад урузкӀусири? ХӀукӀун урши сайри? Рурсби бирар урузкӀути.

– Сен сабил, ну урузкӀулра.

Жалил гъайикӀухӀели, Маржанатличи хӀерэс вирули ахӀенри. ВяхӀличибад майгала хӀеркӀ кабухъири. Къаклабад дурабиркуси гъайра сунезибад ихтияр агарли дурабиркусиван сабри. ШятӀахъи буцибси някъ галгаличиб биризла кӀаван руржулри.

– ХӀябилра урузкӀуси леври.

– Мурталра нуцун хӀерирухӀели ургус урузкӀуси.

– Илкъяйда хӀуцун калес къас хӀебиэс хӀела?

– ГӀур се биру? Наб ригуси хӀерикалли, калес чебиркур.

– Чи сарив хӀед дигуси? Бура набзи, велики, нуни хӀед кумекбариша?

– Илкъяйдали бетаруси биалри, хӀябилра гӀяхӀси бииши.

– Сен бетхӀерусив?

– ХӀела дудеш разихӀеркур, дила уркӀили балули саби.

– Нуни бурасли балулра, дудешли хӀед кумекбиру. ХӀу илала гъалав халаваибсиригу. Сен кумекхӀебирусив?

– Дудешла мерличирра хӀу ретаруси риадри, гъар секӀал цугдиркутири. Амма ил нушазибад бетарули ахӀен. Дудеш биалли хӀура нураван пикрииӀули ахӀенну, гӀурра давла имцабарес пикрилизив сай. Наб хӀу ригни багъалли, сегъунти къалмагъар дирарал хӀуни пикрихӀебирули рургуд.

Урузриубси Маржанатли бекI гIяшбуциб биалра уркIи разидешли дура-
бикесван тимхъбикIулри.

– Нуни бурирагу, я хIуни я хIела дудешли дила дигайлис кумекбарес хIе-
бирар или. ХIу рирххIерирхулрив?

– Гъанналис хIуни дила хIял хIебалад.

– Се барес къаса хIела?

– БарибхIели балад.

– ХIед эргъи хIела баркъуди нунира тикрарбирис. ВегIлис ригул хIерикили,
цараллис рикалли, гIямрура гIягIнити ахIен. ВебкIни гъалаб чебиулра.

– Дудешли наб дигуси хIебаралли, сай нуни пашманирис.

Сунела уркIи бурес бикибси Маржанат, шинра касили, разили хъули
ратрихъиб.

Жалил биалли, мазала хIенкъра чарбарили, шилизи бихуси гъуни чебиъ-
на хIерикIулри. Илала уркIи ишбархIи лебгIебал шадлири. Шилизи бихуси
гъунчир Маржанат сарицун чериулри.

Шила дублаб цугбикибти рурсбачил ца камси замана гIашризури, Мар-
жанат шилизи рухIнарухъун.

Дубурличибад гIелабиркуси берхIили мер-мераначирти гъагулти хIили
дясунтиван хIунтIендарилри. ХIунтIендеш цIябдешличичи шурдулхъулри.
Арцанталара макъамти гъаларал гIашдизурлири. Шила къакъурбазибти
биштIатала хIяз-хIуз гъанналис демжурли лералри.

ГIинизла мякълаб бетаурси ихтилатличичи дебали разилири. Амма кIел ур-
кIи цадиубли диалра, сепайда, илдала ургабад кабухъунси варачан лебгIеб
цIакълири. Сунела гъалаб цугбикибси уркIецIагарли арбухес хIядурлири.

Маржанатла дудеш Наиб-ХIяжи биалли, рурси хъархIераили, ЦирцIу
талхъа урши Анварбеглис шери редес вархилри.

Дудешла пишни хIедалуси Маржанат Жалилличила пикририкIулри. Жа-
лил чеваэс гъалаклири. Хаслира дудешла пикруми дагъурли гIергъи, илала
чархла паргъатдеш буири.

Рахли Маржанатли гIинизла бяхIлизир маза чедаибхIели, къудкъара
касили, шинничичи дурарухъун. ИлхIели Жалил шилизибад бихуси гъуйчи
хIерикIули кайилри. Шила дубла карайбси Маржанат рагъурли, илала уркIи
разибиуб.

Маржанат, гIелара ласряхъили, чилра агниличичи умут бихъили, Жалил
кайибси мерличичи гъамриуб.

– Кайилрив, Жалил?

– ХIура ракIирив? Се бетаурли, пашмансиван сарригу?

– Дудешли ну цариллис редес къасбарили сай. Ваши гъардулхъехIе.

– ХIу се рикIулри, Маржанат? ХIела дудешли хIед дигуси барес гIягI-
нисигу, хIу илала ца рурси риадли. Нуша гъардухъихъар, илис нуша даргес
гъамадли саби. Гъар-чинабалра илала балу-бирхутира юлдашунира саби.
Нушаб биалли чинилра кумек хIебиру.

– ХIед ну ригахъули хIергуд, виадлири, ну рикIуси биради. Ванза халаси
саби, кумекбириси камхIейрар, цала уркIецIи хIедухъалли, итилла уркIецIи-
духъи кумекбиру.

– КъалабахIеркехIе, Маржанат. ХIела дудешлизи, тиладибирис. РазихIей-
калли, гIур хIердикIехIе.

Пикрума рицѣбси Маржанат хъули чаррухъун. Жалил биалли бархѣи ахъ-айчи Маржанатла дудешлизи дурести пикридирули сунези сай гъайѣулри. Бархѣи ахъибхѣели, дурзамра чялилизи каили, Наиб-Хѣяжичи дураухъун.

– Хѣурматла Наиб-Хѣяжи, нуни хѣед вецѣал дус хѣянчи барилра, я хѣезибад селра тѣлалахѣебарира. Тиладибирулра рурси сунес хѣейгусилис малугад. Ил барадли хѣуни хѣела рурси карушни саби. Хѣед гѣямрулизиб гъанхѣебиркуси анцѣбукъ бетарар. Ил секѣайчила хѣу пикриухъес гѣягѣнисири.

– Хѣу наб гѣякълу бурес вакѣили валанри! Хѣуни ну мехѣурлизи хал-секѣал вирули хѣейиши? Дила мазала мас хъулкнастра буцѣасра датурли, наб гѣякълу бурес вакѣилрив? Камбиубси маслис кѣиркали ахъри бирахъис. Хѣуни дила рурсилис гѣяхѣси мер балули калири. Хѣед ригули секѣал хѣейиши? Къянчикъ? Эй! Авдай, Бавдай, гъари иш кецѣала дурхѣялис гѣеббурая! Иш эмхѣела бекѣ духубарес чебиркур. Нажас! Хѣела бекѣ духули биалри, хѣу нуван давлачевли кайради!

Наибла жилис унза гъаргдариб, хъули кѣел бабза жагъил абацѣиб.

– Наиб, къуллукъ-мурад, се бетаурли?

– Иш кецѣас мехѣе дедес гѣягѣнибиркур!

– Бусягѣят, иш нушани валуршехѣе.

Илдани жалил уцили дуравшиб. Гъаргалав къяшма ларбикѣули, хункѣа пяхъбикѣули витиб.

Жалил хѣилхѣи сунела къушлизи чарухъун. Чархла биркѣантала изудешли айзес вирули ахѣенри. Хъачла бурушлизивад ласвахъили хѣулби къяпѣдариб. Пикрумани бицѣибси бекѣ, баргбердес хѣядурлири. Лерилра маза дебкѣаллира, илала пикри аги.

– Хѣераягу ишичи, набчи къаршили кайзурли, маза дурайули ахѣен. Ишис дирхъути гѣяхѣдизурли диэс.

Гѣурра ита-иша хѣеръили Наиб къунзухъун, гѣяйни кацѣили Авдайра Бавдайра баргиб.

– Хѣушани букѣуннис се баррав? Маза дурайули ахѣенгу.

– Сагъли, мехѣе кадакѣира.

– Хѣебиалли, сен дурзам дурахѣейусив? Хѣянчиличи хѣеръили, къиматра лугуси бирар. Авдай, хѣу гъаввакѣили, сен хѣенкъ дурахѣейулил багъи. Рахли гѣягѣнибикалли, бурсивара, амма гуж хѣебарили...

Наиб-Хѣяжила буйрухъ таманбарес, Авдай махъилизивяхѣи ватихъиб. Ил хѣели Жалил айзурли, бара дяргѣиб шинни дяхѣи-някъ дирцилри. Анкъила цѣа бикъес вализурлири. Ил замана Авдай Жалилличичи ацѣиб. Виругѣев вявикѣес вехѣихъиб!

– Кецѣала дурхѣя, сен хѣуни хѣенкъ дурахѣейусив!

– Жалилли Авдайчи гѣясили хѣеръиб.

– Наб дигуси барес набзибра ихтияр лебси саби.

– Хѣезиб се ихтияр лебсил чехѣебаахъили лебай, дурзам дураберкѣа!

– Хѣу сейкѣулрил хѣергъилрану, тикрарбара.

– Хѣези нуни иргъахъис! – или, Жалилличичи ветухъун, гѣясиси Жалилра харчизур, виругѣев Авдайла михъирлизи хункѣа бикахъиб. Авдай дардарухъи унзала гъала герухъун. Жалилли гѣурра Авдай ахъуцили вяхѣлизи хункѣа ди-кахъиб. Гъар хункѣа чегибси мер хъанцѣебирулри. Ил Авдайлизи викѣулри.

– Даг хѣед жаваб чарбарес бетхѣеур, гѣяйиб мабирид. Чебла бахъхѣи-декѣар бихѣули хѣейрус. Наб мер бикибхѣели, хѣед нунира чарбирулра.

Жалилли унза абхъили, унзалавад даргъварили дураушиб.

Гелалавад Авдавайзи викулри.

– Хелла Наиб-Хияжизи бура, Бавдай вакIайчи маза дурадуркIули ахIенра или кайзурли теври или.

Авдай, тIимкълизибад батбухъун вацалаван, гIелавяхIра хIерикIули, шилизивяхI къалабали аркъулри. Сунези сай гъайра викулри. Ит садакъала къямлис даг нушанира гIяхIил дикахъира. Нуни Наиб-Хияжизи бурис, бяхI-лизивад герухъи, къяш дурабухъи, чариз чебуркъиб. Бати, Бавдалисра дикаб, хIедикалли набчивад чевдукарирхIур. Авдай, Наиб-Хияжичи саибхIели, тят сунени пикридарисиван буриб. Бавдай, илмадан гIярчумагра касили, хъулилад дураухъун.

– Сунези нуни далайикIахъули дурайахъис!

Амма Бавдайра вахъхIи агарли дяхIра хъанцIдиахъубли, бара вашес вирули чарухъун,

Наиб-Хияжи викулри:

– ХIура Авдай къяйда герухъи хIейиши? Герухъунсила имцIаливан някъ, къяш дялчули дирар. ХIушала биалли дяхI хъанцIдиубли сари. ХIушала чедаэс къаралдлуми лерли диалра, декли дицибти тIагъни дуилрая.

Илди бурхIназиб ЦирицIу талхъай Наиб-Хияжичи сукни бархъилри. Бакибти хIурматличил хъурабарили, илдала гъайличичи сай къабуликили виалра, рурсира хъарраъни гIяхIси саби или, сукни бякъунти Маржанатличичи абацIиб.

– ХIуцун кариилригу? Жагъилтани хIугъунти исбагъи рурсби кункли билгIули бирар.

– Ну аррукес чинилра хIейрар. Эгер ну разихIерикасли, вакIибсилис жаваб нуни бедлугас. Илгъуна жаваб хIушабра хIядурли саби. Гъанна нуни хIушаб уркIилизи атIести гъай хIедаркъили лералли, унзаларад дурадухъеная! Ардякъи хIуша дархъибтази бурая: «ИкIичи укъес, унза ахIенну, гъунира дебабарили саби» или.

– КъалабамарикIуд, Маржанат, илдигъунти гъай лебилра рурсбани дурули бирар. Хъайчикабиалли, дигай бурушлар дургу.

– ХIу гIянцIли секIал хIериадли, хIези аргъесли бурира.

– ХIела неш мицирли лералси риалри, гъар секIал далдурши.

– Неш мицирли риалри, хIуша дила гъала тIашдилзути ахIенри. Нешли ну рикIуси бири, дудешли хIебирулихъар.

– ХIела дудешлис хIед вайси биубли дигули ахIен, Маржанат, пикрирухъен.

– ХIуша дакIес гъаларал ну пикрирухъунсири. Дила гъай керхурли сари, ардукъес дирудая. Ну шеро аркъяс наб дигусилис, эгер дудешли гужли редлугули виалли ребкIесра гIела хIерилзас.

ИлхIели Маржанатличичи гIясибиубти сукникъянаби Маржанатла хъулибад дурабухъи, чула юлдашуначи гъамбиуб.

Илини буриб «дудешли гужли редлугули виалли, ну ребкIес хIядурлира» или.

– Рурсби ну шеро аркъулра или вяхIебикIар.

– Лерилра секIал далкаркур. Мекъличичи хIядурдиэс гIягIнибиркур. Хъарбарисби хIянчи сецад кункли таманбарехIелра, илцадра вегIлис декIли бирар, – викулри Наиб-Хияжи.

Илала гІергїи дудешли Маржанатлис шичи рашахъес къадагъабариб. Хъулирад дурахІерухъахъес кІел хъунул къарауйчи кабатур.

Къараул хъунри сецад тиладибикІулихъар, Маржанатли къацІ букули ахІенри. Илди хъунрачил мурталра къалмакъар сарри. Цікурла палтар умцес гъамбирахъули ахІенри, ил рикІулри: «Илди палтар хІушаб далтулра, жягІял дуги дила мекъ ахІенну, хІушаб яс саби. Иличи хІядурдеш барая. ИлхІели ну хІеригуси дудеш разикайрар».

– Рукенгу, рурси. ЯхІбара гъар секІал далкаркур. РяхІяткарии.

– Дудешлис ну ригули ахІен, мас дигули сай. Сунес мас имцабаихъес къацІ мяхІкамбирулра.

– ХІела дудешлис лебилра масличир хІу ригахъули сай. ХІу гІяхІли хІерриахъес давлачевсилис шери редлугусири.

– Сай велкъахъес лебилра давла сунес балтас. ГІурра давла бигули виалли, сай шериукъяб талхъайс.

– ХІу серикІулри? ХІела гъай бакъалли, дудешли лерси мерлар карур-шуригу?

– Набра ил саби дигуси. Набзирад ну ребкІесичиб, дудешла някълизирад ребкІес гъамадли саби.

Анварбегла дудешли цікури карукахъес шилизибти хІурматла адамти хІядурбирулри. Демжурли дам-дяд сарри. Мявала дайлизибси тахла чедибси къумур гъар журала нигІматуна бицІилри. Гъарушли, магадали дицІибти хъабни хъулухъмадирулри. Цікурличичи бурхъути, дубра батурли, гъунчи дурабухъун.

Ил манзиллизир Маржанат сунела къараул хъунуйчи дугъаризур: «Гъанна ну гъар секІайчи разили сарра. Наб царил шайчибад кумек агарану, дудеш викІуси барни гІяхІси саби. Нуни тиладибирулра, ну хІядурриахъес нуцун ца камси замана ратахъес.

Маржанатла гъайличичи бирхаурти хъунри, сарицун ратурли дурабухъун. Маржанатли илмадан унза дебадариб. Заманалис гъалаб хІядурли кабихъибси гъая касили зехнилизичи дебабариб. Уталичичи арухъун, хъябличичи гъая бигъун, къяшмани ута даргъбарили, дунъяличичи иштяхІси жагъил чархлизирад жан дурадулхъес дехІдихъиб.

Цікурличичи лябкъутала разити тІамри челис че гъамдикІулри. Мекъла халати жигарчелби хІянчилизи ахъилри. ЦабехІтани биалли бакІибти кабатес мер-муса хІядурдирулри. Маржанатла къараул хъунри биалли, сецад унзализичи къутІбикІули биалра, унза абхъахъес бирули ахІенри.

Унзала гъала учибикибти адамти чебаибхІели, Наиб-ХІяжи халкъличичи гъамиуб.

– Ишаб се бетаурлив?

– Нушанира балули ахІенра. Унза абхъахъес дирули ахІенра.

ИлхІели унза дячес къасбариб. Унза абхъибхІели лебилра гъай черсасибтиван уркІбухъи тІашлири. Маржанат зехнилизирад суркарухъири. Сунела рурси гІяндрикили чераибхІели Наиб-ХІяжи унзала гъала кайкиб. Адамтани Маржанат, гъаялизирад декІаррарили, бурушла карихъиб. Хъунрала биса-вяв дехІдихъиб.

Марайбиубсиван дубурличибяхІ берхІи гІелабиркулри. Наиб-ХІяжила мекъ къяртІиличичи шурбухъири. Мазала мас чардарили махъиличичи гъамиуб-

хІели, Жалилли шиличибяхІ хІеръиб. Наиб-ХІяжила хъулрала гъала бахъал халкъ чукурбиубли чебиулри! Жалилла уркІи барсбиуб. Ил викІулри: «Юх ит мекъ ахІен, мекъ биалри, дам-дядла тІамри дири». Жалил, чялилизі мазара дебадарили, шилизи ватихъиб. ЦІякбабиуб. Маржанат чераэс хІебикиб.

БекІала алав кабиибти цабехІ уркІецІила бисали бисулри. ЦабехІ биалли лаилагъа бикІули бучІулри. Мурул адамти, дугели дехІибалара дарили, хала хІякнази бергурли, мер-мераначи гербухъи бускалулри.

Чирагъла шалалиу кайили къръанни учІуси къадила тІама бикъулри. Багълалі хъунрала тІамара деткахъиб. Илдира бускаи биіши. ДецІ-марайдеш гъанкІли далхІедала. Савли ца хъунул адам вяврикІесрииб. Лебилра бекІала мякълабти балхІун. Дунъя булъусигъуна тяхІяр сабри. Мурул адамти бисала тІамрас бекІаличи гъамбиуб, уркІбухъи тІашбизур. РебкІибси Маржанатла михърличи бекІра кабихъили, кайхъунси адам чейулри. ЦІябдешлизир илала дяхІ-сипат чедаэс вирули ахІенри, я чи саял вагъес хІебиуб.

Сай учІуси хъулилад чирагъличил къади вакІибхІели, Маржанат кари-хъибси бурушличибад бухъунси хІила хІеркІ кабиибти хъунрала къяшмау кабаилри. Маржанатлиубси буруш биалли лебилра хІилизи гІелабикилри. Жалилла балуй шайзи бурхІубси ханжал къакълизибад гъаббакІилри. Ил анцІбукъ чебаили, лебилра бисутири. БекІаличи къади гІяшиуб.

– ХІябра жагаси бекІа леб. КІилалра чула мурад бетхІералли, дигІянали ихгъуна вягІда барили бурги. Ишдала жагати гІямру къябдарибси адамлис Алагъли валтав?

Ил анцІбукъ чебаибси Наиб-ХІяжи биалли левгІевал гІясивиуб, къазакъуни жибарили:

Жалилла бекІа арбухили къадала лайбакІая. Ил жаназа гушти жанивартас бедая! Ил багъандан сари дила рурси ребкІибси или, вявикІулри!

Сецад Наиб-ХІяжизи тиладибухъун биалра, халкъла гъай чехІесиб. БекІа арбухиб. Жалилла баркъудиличи уркІецІидухъи, царил давлачевли бекІа сунечи арбухили хъуракабарили, сунела уршиван гъарил секІал дарили хІяблавариб. ИлхІели Наиб-ХІяжи къагъли кайкилри. Ил чеваргъайчи кІелра бекІа шила жамигІятли ца хІябла хІяридрихъибтири. Наиб-ХІяжизи хІебагъахъес багъандан цІелда ца сабри катІунси. Гъаннара ил хІяб чебаэс бякъунтани ца бекІа кабихъибси хІяблизи халбирули бирар, иш анцІбукъ-личила хІебакъибтани.

(Хъарахгуд бирар)



Балмагъ гъаниркахъули



**Нурулгъуда
РАЖАБОВА**

ВЕТХІЕХЪИРИ ХІУ, РАЖАБ

ЛукІантала авид мискинбиуб: Адамазиев Ражаб – поэт, журналист, тилмаж, уркІи бархъси, бархъдешла гъуйчивад чевхГелкІи вашуси хІурматла адам абадла хъули арякъунхІейчирад чумал дус дикиб

Тяп узигъуна вири нушаб ил. Къбиянти гІямрули, ятимти дурхІядешли сецад гъаяжваралра, сунела сабурли, яхІли, адамдешли, гІяхІти адамтала кумекли бягІуси гъуйчи дуравхъахъун ва ил ахъра аахъиб. Ражабла пикруми, шишимти дила ну регІтиван къабулдирули рираси. Дила уркІиличиб даимлис минабиуб илини бурибси гІямрула хумарси хабар. Цачумал базла бухІнаб дудешра, нешра, риштІал рузира алхунси кахси хІекъдеш. Адамлис дунъяла шала каберхурли ахІенара или гъанбиркахъуси, гІямруличи умут беткайхъахъуси анцІбукъ.

Ражабли цацадехІ секІал имцІали тикрардирули вири: сунела шиличи, жявлил ятимбиубси юртличи, сай валхули калунси ургубаличи диги. КарцІли вири МулебкІила сай акІубси Субухти махъиличи.

«УркІи хъулбикІули саби, икІа вякъи, ца-кІел хъалира дарили, ургубала хІянчилизи ахъес, – викІусири ил. – Амма, рахли адамтани се-лебли иша вакІибсира эсгу или урухкІула».

– Урух я урузкІес хІяжатдеш агара. ВегІла мер-мусаличи гъар адамла диги дирути сари. Алавухъен, барибси бетарар.

Ражабли уркІилаб къакъадешличил чуйнара гъанбушиб шила ургуба пай-тбухъниличила. Халкъ шагъуртази гечкабирули, чула абадла мер-муса дархъдалтниличила. Амма илини шилизи укъес ибси хъул удахъули ахІенри.

**ВиштІахІели дяхІилри
Набчи балагъла дургъби,
УркІилар кІантІдикІули
ДецІла дуцІарти нургъби.**

**Беркеси хІебиркули,
Гаши ибкъдизаллири,**

**КъацІ къяйда чІямдирира
Нуни гІянжила къукъри.**

**Илисрагу вакІасли
Ну шила ванзаличи,
Къукъубачи каркуси
Илала гІянжиличи...**

Илди кыяндешуназивад дуравхыи, гЯхІти адамтала икыайчил, поэт гылаккли сай гЯмруличи, талихІличи, шаласи челябкылаличи гыра – иштхІ аргыахъес.

**Чедибдешла нурлиур
Гур сагадиуб гЯмру,
Умут чІумабиахъес
УркІили бариб амру.**

**... УчІули, гыуцІикІули
ВакІира жагыдешлизи,
Марти кыел-хІерзи датес
Кыасличил гЯмрулизир.**

Марти кыел-хІерзи датес?! Ражаб нушазивад декІарикибти бурхІназирал, илди дугыбала черкад ну чуйнара пикрирухъунра. Датра датур чекайзурли узули, лукІули. ХІялалли. Мурталра ряхІятси, сунела пикри бурес гылак-хІейкІули, буруси чебетаахъили бури. Сегъунти дигара зугІлумазив кали, зигархІейкІи, тиладихІейкІи, сунела сунени гЯмал бири. ЦацахІели гыанбирки севан бажардииркусира иш, кайсуси камси алапаличил яшав барес, кулпетлис напакыа гІеббаахъес (авал уршира ца рурсира). Амма сунелара гЯмрула рархкыа Хамислара духудешли, яхІ-сабурли илдас имканбикІахъулри хыалибарг жагали абикъес. Гыаннара тамашариули лералра, шелра-сера дурхІялизи чебыхІси даражала багыудира касахъили, гЯмрула бархъси гыуйчи дураибси иличи. Авалра уршили гЯрмиялизиб кыуллукыбариб. Ца Дальный Востокли-зирти Россияла гЯскуртала офицер ветаур. Ражаб Адамазиевла творчество – назмуртала дурадухъунти шел жуз халхІедараллира, ил – уржибси, хІяяли-зиб умуси, бухыа-зегыализиб кагибси кулпет ахІену гыатІи кыел-хІерзи, сай арыкыи гІелар датурти?

Ражабли гыаман лукІули вири неш-дудешличилара.

**Я дудешла я нешла
Сурат хыулиб агара,
АхІертала дяхІ-сипат
Багылалли хыумуртулра.**

**ХІеб, дуцІрум, гІебшни илди
Ургубализиб бири,
Дубурла цІуэрили
Майыа ушкули бири.**

**УркІилис сецад декІлил
ГЯизити чехІебиз,
Имкан агни илдала
ДяхІ-някы, хІер хІясибдирес...**

**ИшбархІи укыяслира
Шила ургубализи,
БегІгала майыала тІем
Гыанарар гІянжилизиб.**

Ражаб Адамазиевли гыаман гыанбиркахъули вири ятимтас кІиэсил хыалили бетаурси сай ва сунела хІябалра узи илаб калунси МикІхІила детдом, илаб бузути адамтала уркІецІи. Илини гыаман ирули вири: «Сегыуна бишира нушала кыисмат ишбархІи? Быхыа-кыутІлара, кыалмакыарлара, цархІилла авара агарти цацабехІ хІякимталара арилизи дикахІелли?

Пергыси замана халаси децІ балахъули вири итцадра кыуватси, уркІецІили бицІибси, мягІдунта гарчкабарибси улка пашбехъниличила.

**ХІулби кыапІван дарасли,
ГЯламла чІяр иргыулра.**

**ХІулби гыаргдарибхІели,
Мусибат чебиулра.**

**Юглизибад бурям саб,
Северлизирад – хъябхъя,
Магъраблизиб дегъли саб,
Машрикълизиб хІябци саб.**

**Пакъир жапаси дунъя,
ХІу чили барибсири?!
ХІебарили батурси
Биадлири гІяхІсири.
Дусмала мах!**

ДеркІибти къиянти дусмани илала арадешличира гъавличира асархІебарес
хІедири...

**Дила хъул-къасанала
Шагъар гъарахъли саби,
Набчи дусмала махра
ГъяжкабикІули саби.**

**Ва дила шагъарлизи
ДягІ къяйда ухІнаухъес.**

**Дигусири наб жявли
Хан гъуйчи дураухъес,**

**Амма къанкайубра ну,
Хъурали вашухІели,
«Ял-къама архІя бидав»
Хъулкнани бигІунхІели.**

Итил дунъяличи жявли арукъес ибси пикрира хІебуригу илини, уркІили
– чархли балули бурги. Илала «Ассаламу гІялайкум» кайсехІе:

**ГІяхІил кален, чеб дунъя,
ХІела алжаналичил.
ГІяхІил кален, че дунъя,
ХІела жагъанабличил.**

**ХІуни илди дутІилри
Нухрат бархъдеш агарли,
Алжайзи кабалтулри
Нажасуни баргили.**


**Ассаламу гІялайкум,
Итил дунъяла сиратІ,
Алжанра жагъаннабра
Дурусли дуртІуси шартІ.**

Ишди гІергъити тугъазибра Ражаб Адамазиевла уркІила хІяланала умудеш
гъаннарули саби. Дунъялизи гІяхІил кален викІули, ил хъуликІули сай итаб
– бархъдеш баргес – алжанра жагъаннабра дархъли дуртІуйхІи ваэс.
ХІела хъул бартааб, Ражаб! Аллагъли хІу Алжанала агълу вараби.



Поэзия

Ражаб АДАМАЗИЕВ



ВАГІАН, ХІЕД НЕШ ДИКІУЛРА

Хіела гъарил гъигълизиб
Чебиули хІялалдеш,
Дила ахІерси ВагІан,
ДикІулра нуша хІед неш.

ДикІулра неш къяйдали,
СабхІели хІу жагаси,
Нешлаван хІела уркІи
СабхІели сахаватси.

ДикІулра, делшунхІели
ХІезир анкъира къушра,

Мурити ва кІантІити
Сарну гъанкІра бурушра.

ДикІулра, уршби гъанни
Дард бирарну хІелара,
Уршби шадли биалли,
Шадли бирудну хІура.

ХІуни нуша нешливан
КъацІ-шинни далхухІели,
Нешличиван хІечира
Диги кахІерхухІели.

УМУТ

Дубагар тІинтІдеш сари
Урхъни, ванза, хъанцІа зак,
Илдазибад кайсулра
Някъбас ва пикрумас цІакъ.

Чузиб буцІардешра леб
Умуси бугІярдешра,
ГІяшулла шурмазибцад
ХІевГІуси чІумадешра.

Халкъла къасли, дагърили
Ил чІумадеш ГІеббуциб,
ВагІа байрахъла хІурмат
Зубаргачи ахъбуциб.

Гъар бархІи гІямру сари
Ардашули, аркъули,
Амма илди сеннира
АхІен тамандирули.

Гъуни бучІули саби
Сагали ганзла удиб,
Ванза булхъули саби
БерхІила хІерла удиб.

Илини вирцІахъулра
Инсангачи умутли,
Илди хІербирар или
Забла кІантІиван умули.

НЕШЛА ШАЛА

Гъандиркур наб, гъандиркур
Гъанна гъарахъти дусми,
Бара чӀумадирути
ДурхӀядешла дуклуми.

ИтхӀели дугурбазив
Вашира гузетличи,
ЧебицӀахъри сархули
Мискинси яшавличи.

Нешра узи-рузира
УрцӀа-урцӀа юртлизиб,
Дудеш чархӀевхъунсири
Ветахъили дергълизив.

Илхъи тӀинтӀакабирира
Дубурла бяхӀруглизи,
Цацали чиргъми дилши
Шилизир юртаназир.

ЦӀябдешлиур детихъи
Шила лерил юртани,
Ванзалис камси шала
Писбири зубартани.

ИлхӀели нешли чирагъ
Абулки улкъайличиб,
ГӀянручӀ дугила нурли
Хъар зак шалабарайчи.

ЦАЛИ АБАЛКУНСИВАН

ИшбархӀи наб гъанбикиб
ДурхӀядешла ца сурат,
Дугила цӀябдешлизиб
БиштӀаси цала къуват.

Ну дубуртачив сайри
ГӀяйдарили тӀяй урчи.
Гъаман хӀербикӀи газа
Лаваша аркъул гъуйчи.

ЖумягӀли кӀийна урчи
Бабгили уркурлизи,
Берк-берж хес бикусири
Лавашала шилизи.

Дихутири иличир
Нусби, диъби ва къуцӀри,
Чакуртали дицӀибти
Чядирабала къупри.

Хъямчиби бирхӀебири
Пачалихъ цӀакълихӀели,

Лебил халкъла гъалмагъдеш
Ца хункӀван уржибхӀели.

Детдом – дила гъалжана,
ИтхӀели ну айкъурси!
Дила хӀи ва диълизиб
ИшбархӀира мицӀирси.

Даршани уршби-рурсби
Узи-рузбиван сарри,
Гъалмагъдеш дила халкъли
Гъеван дегӀунти сарри.

Гъанна .. ИгъубхӀеливан
Къялши зела хӀулбази,
Дисули сари илди
Беслан гъанни децӀлизир.

УркӀи тимхъбикӀули саб
Цали абалкунсиван,
Къачагъуни бигубли
Палда бетаахъесван.

КЪАЦІ

КъацІ саби бегІ чебяхІси
Нушала гІямрулизиб.
Гьунартас хьулчи саби
ХІянчилизиб, дергълизиб.

КъацІла кесеклацада
Гур битІакІ леба села?

Халкъ сунечицун хьарси
Мусни-зубри дирсила.

ГІякълуагар къиркъир сай
«Мургъи, мургъи!» викІуси.
СенкІун селра агара
КъацІван чебяхІбариси.

БАРХЪДЕШЛА БАЙРАХЪ

Халкълис гапцун дурули,
ГІяхІдеш сунес бируси,
УркІи-дулекІ цІударси
Ил сай илбис хІярамси.

СенкІун гьарил адамла
Къибламара багъара,
Бархъдеш агарли гІергъи,
Асилдешра агара.

Бархъдешлизиб сакъатти
Берхъибну хьямбикІути,
ХІера улкни дицІили
Адамтани язихъти.

Чинаб, мурт ахъбиалра
Бархъдешла шалал байрахъ,
Ил гьалабяхІ архуси
Нарт сай бегІлара ахІмакъ.

СЕПАЙДА

ПасихІти адамтани
Бархъли бурибси саби:
«Мез дахъдаибси улка
Жявли булъуси саби».

Сепайда, ГІярасайли
ХІекъдеш хІергъили саби:
ГІергъити вецІал дус ил
Мезла заблиуб саби.

Илала асуртира
ХІулбала гьалар сари:
Улкала чяхІлигуни
Пашкадехъубли сари.

ПасихІти адамтани
ГІурра бурибси саби:
«Къалпдешла хІякимтани
Гьими бурчуси саби».

Сепайда, ГІярасайли
Илра хІергъули саби:
ХІякимта лебил давла
Чускабарили саби.

Илала къел-хІерзира
ХІулбала гьалар сари:
Мер-мерлар дергъла цІами
Хапли улкули сари.



Фольклор

Гябдулкьадир
МЯХІЯММАДОВ

ДАГЪАС ИГЪИШАВ, ГІЯРГІЯС ИГЪИШАВ?

Ца шилизиб хІербирулри мурулра, хьунулла, хІябал уршира. Ца бархІи хІябалра уршили неш унра шилизи пагъливантачи хІерриклӓхъес аррукиб.

Нешра уршбира пагъливанчибала уюнтачи хІербикІули кали, уршби камси заманалис нешлизибад декларбикиб. Ил замана хапли зак цІудар-цІяббууб, уршби нешличи дуцІбухъун. Амма неш сунела мерличир хІер-раргиб. Уршби ита-ишабикиб, амма неш чераибси чилра варгес хІебиуб. Нешра ретахъахъили, уршби хъули чарбухъун. Уршбани барибсилчи дудеш гьимукІиб. ГьимуИили хъалли бареси аги. Пергъила бархІи хІябалра узи деклар-декларти мераначи къяйцІбухъун. Келра узи чарбухъун неш раргес хІебиубли. ВиштІал узи чархІевхъи левалри. ВиштІал узила хІулби хІердизур чула шила удирти ахъти шурмачи. Шурмала дайлизиб халаси тІярхъи чебаиб. Илини къасбариб ила ацІес, ва ил тІярхъи умцІес. ВиштІал узи хъули вакІиб.

– Гьу, неш раргирив? – хъарбаиб дудешли.

– Нуни хІемцІурти я къада я муза кахІелун, амма нешличила селра бакъес хІейубра. Хъули чарулхъухІели нушала шила удирти шурмазисси халаси иникъла ацІес ва ил ахтардибарес уркІи хъулбухъун...

Халаси ганзира бухили хІябалра узи шурмала уди бакІиб. Ганзи тІаш-батур. Гъала-гъала ганзилчи халал узи ацІиб, амма чумал ганзухъ ахъили, гІур чеди ацІес хІейубли, гІелавяхІ чариуб. Ургавси узира ацІес хІейуб. ВиштІал узи ганзи ахъили иникъла ухІна ацІиб. Илар неш раргиб.

– Агъ, дила урши. – иб нешли. – набчи селичи вакІилри, – тилади саби аждагъа чебаргъайчи, гІелавяхІ чарухъен. Илини хІу мицІирли хІелтарину.

– Аждагъа мурт чебиргъуси? – хъарбаиб уршили.

– Ил верхІел бархІи бусуси саби. Бусес ишбархІи кабихъунси саби. Ну чиналра шикъхІерухъахъес. дукла бекІра кабихъили бусули саби.

Урши уруххІейуб, аждагъала шушка касиб ва, вирхъули, аждагъа бутІ-надбариб. Набт чертІили, бигуб.

Нешра уршира разибиуб. Аждагъала хъулри мургъили, арцли дицІилри. Ца хъа гІямзилар рахажлизи ригъи исбагъи рурси раргиб. Рахажлизирад ил арзиб. Аждагъала лебилра хазна дурасиб ва узбази бедиб. Гъала-гъала неш карацІахъиб. ГІур рурси карацІахъес хъарбариб. Рурси уршилис гъалар карацІес къабулхІерикиб, хІу гъалав кацІи рикІули. Урши къабулхІейкиб рурсилис гъалав кацІес. Рурси карацІиб узи кацІес гъалаб узба ганзи ка-бикахъиб. Нешра рурсира тиладибикІахъули виштІал узи кацІахъес узби къабулхІебикиб: ганзи бячун. Нешра рурсира бисибииб. Узи шурмазис ватурли, илди хъули чарбухъун. ВиштІал узи чумал бархІи шурмазис калун. Хъулри чуйнал умцІур. ванзаличи кацІес гъуни баргес хІейури. Ахирра хъа ца гІямзилаб хъасали клапІбарили бухъяна гъая баргиб. Уршили гъаяла ца дуб шурлизи бигъун. Ца дуб ванзаличи баткаиб. Ва иличивад сайра уди кацІиб.

Шилизиб халал узис мекъ бирулри. ВиштІал узини сунела палтар дарсдариб, чилра шакІейкесли мекъла дубла кайиб. Мекъличиб жагъилтани урги-дергала абз бехІбихъиб. Урги-дерга сунезира бедахъес урши гъалаклири. Урги-дерга сунези баибхІели, – иб: «ГІяргІяс игъишав дагъас игъишав?»

Нешли жаваб чарбатур: «ГІяргІя гІяйибла бегІ ахІенну, дагъас игъа!» ВиштІал узини урги халал узилис игъуб, мекъра даимбариб.

ГЪАЙ АБА, ГЪАЙ

Лебри, лебри бикІар ца пулан шилизиб нешра уршира. Урши дебали азгъинси уилри. Гушиалри нешли къацІли валхулри, милигиалри шинни ужахъулри.

ЦабархІи нешли урши низбала зукъити чудна вахун. Халаси замана хІедикиб, вявивикІесвахІиб: «Шин,неш, шин» или.

Шин дигадли, гІинзи укъен, – рикІар неш.

– Ну гІинзи укаба, неш, – викІар.

Нешли жагъил урши, къакъличи катурли, гІинзи укиб.

Шин чедаибхІели, ил къалабали нешла къакъличивад кацІиб, гІинзив шинни ужес вяхІличикиб. Ил шинни ужахъули ватурли, неш хъули аррякъун. Ши велкъи гІергъи уршили бекІ ахъбуциб, илхІели мякълар неш чехІераиб. «Гъай аба, гъай» викІули, ил гІинизла мякъла кайиб. ГІиниз верхІел нартли бихІусири. Идала ихтияр агарли, гІинзирад шин держес я касес чилилра вируси ахІенри.

Халал узини виштІал узи гІинзив чи левал багъес вархъиб. Илини гІинзив «Гъай аба, гъай» викІули жагъил дурхІя варгиб.

– ХІу чи сайри? – хъарбаиб илизи.

Илини «Гъай аба, гъай» ахІенси буриси аги.

– ГІинзив чи варгири? – хъарбаиб халал узини.

– ГІинзив «Гъай аба, гъай» викІули жагъил дурхІя теври, амма илини сай чи саял хІебуриб.

– Илра нарт ургар, хІейалри, нушала гІинзи хІякъи, жягІял нушачил варх дергълизи аркехІену, къалабали иша савка или виштІал узи гІелавяхІ чарариб. «Гъай аба, гъай» или тІамали виркъахъули, ил узбачи савкиб.

ГІергъила бархІи нартани дергълизи букъес хІядурбиуб. Илдани рузичи хъарбариб «Гъай аба, гъайра» чус гІелавад вархъахъес. Нартани балкъаурли дергълизи арбякъун.

Азгъин урчиличи мурдайэс хІейгули, «Гъай аба, гъай» или тІамали виркъулри. Рузини ил гужли урчиличи мурдаватур. Урчиличив мурдали хІевъули, улыбхъаличи дебакариб ва узбас гІелавад дергълизи вархъаиб. Урчи дуцІбухъун. Ил нартанас гІебра баили, гъалара бухъун. Урши пурпила халаси вацІализи ухІнаверхур. Урчиличивад ватухъес дигули, азгъин пурпила дабза галгубази васун. КІел галгара мякъязирад къябдалири урчи гъалабяхІ бетухъун. Галгубира хъусдалири, урчи дявила майдайчи бухІнаберхур.

Дявила майдайчиб душманти къирбирули, галгубира хъусдахъили урчи ласбикІулри. МицІирли берцес бикибти душманти дявила майдайчибад бебшиб.

Нартани ила баибхІейс дергъ таманбиубли, баргили нартани разибиуб. Илди «Гъай аба, гъайла» гъунарличи дебали разибиуб. «Нушала нарт» или кІапІуциб. «Гъай аба, гъайра» кили нартани хъули чарбухъун. Уз-

бани рузилизи «Гъай аба, гъайли» душманти кърбарниличила буриб. Рузи разириуб, ва ил кIапIуциб.

Дугели хIяжланкIилизи башуси цура кабушахъес рузини азгъин, някъбази тупангра бедили,галгаличи катур, сари гIеларяхI чаррухъун. Галгализи дебавиубли, «Гъай аба,гъай» урехили руржулри.

Дайдугила замана хIяжланкIилизи абицIуси чебаили урухиубси ил галгаличивад увяхIикес гъакIухъунхIели, галгала къялубази бархили тупанг тямхъбухъун сай увяхIикиб, бяхъили бекIибси цурала кIелра лихIи дуцили хъябличи мурдакайиб.

Савли рузини хъучиб кабушили цурара иличи мурдакайили «Гъай аба,гъайра» варгиб. Рузини «Гъай аба, гъайла» гъунарниличила хабар бурибхIели, халал узини иб: «Нушала рузис ишичив гIяхIси мурул хIейрар или, рузилис мекъ бариб.

ХIЯСАН ВА ХIУСЕН

Пулан шилизив давлачевси, дебали къяркъси талхъан леври. КъяркъсикIели, халкълисра ил хIейгахъи. Сунес халкъ къяркъси хIебикIахъес, илини ятимти кIел узи ХIясанра ХIусенра абилкъулри. ХалабиухIели, пикриухъун: «Сен илди матъал къацIли балхутив, наб къуллукъличи кахIебалтули?».

Илини, дурхIначи, сунела дигуси урчилис гIяхIси къуллукъ бирахъес, ярагъ, хъулри умудирахъес хъарбариб. Абзур бархIи акъудеш агарли бузули, илдас бамсрияхъес замана хIебири.

ДурхIни дебали сакIубти, халаси гIякълула бегIтири.

Адамти илдачи тамашабиубли хIербикIутири: севан цаличи-ца мешутил или. ХIясан серхурси,гъайлизив влхъяри, ХIусен – дебали малхIямси ва паргъатси.

Гъачам, талхъан унра шилизи аркъухIели, ХIясан, сунечил варх арукиб, ХIусейчи гIелабси хъули атхIецахъес хъарбариб.

Талхъан арякъи гIергъи, ХIусен гIелабси хъулиб се лебал багъес хъулухъун: багълали унза гъаргдариб; бяхIлизиб исбагъи рурсила сурат лямцIбухъун. Исбагъи мицIирсиванри. ХIусен иличи гIяшикъиуб.

Талхъан шакикиб ХIусен гIелабси хъули ацIниличи. Ил гъагулван цIудариуб, ХIусен туснакъарахъиб.

ХIясай иличила селра хIебагъур. Узичила хъарбаибхIели, талхъан иличи чеухъун:

– ХIечи хъарси бирули лехIкахъи, узи ветхIейхъурну.

БурхIни ардашулри, ХIусен дакIувирули ахIенри. ХIясан децIлизиикиб. Илис халкъла бурала гъанбикиб: «Узи агарси адам – дуклума агарси арцан сай» ибси.

ХIясан урчилис къуллукъбирули левли, ванзалиубси курлабад висусила тIамала бакъиб. ТIярхIилавад курла ухIна хIеризур. Илав, къаркъала чIябарличи кайили висули, ХIусен чеиб.

– ХIусен, сен илаври?!

–Талхъай туснакъарилра, къалабали арукъен, хIура туснакъирудну.

– Юх, хIу илав ватурли, архIякъяс. ДурайтIес гъая лебхисну, сабурбара.

Гъаяра хили, ХIясан чариуб. Гъаяла ца дуб узичи баткаили, иб:

– Гъаяла дуб буца.

– ХIясан, ну дуравхъес урухIулра, талхъай кIелра кадуршура, хIуалра мицIирли калес, арукъен.

– Нуни хІу илав валтхІелтари. ДебкІес кьадарли биалли, кІелра дарх дубкІехІе.

ХІусен дурайтІун. Талхъайзивад дигІянали беркала лугули чумал дус хІервариб.

ХІясай урчи шинни бахес букиб. Урчи шинни бужухІели, гІинизла гъалаб рурсби саби-ургаб гъайбикІулри: «ХІясан дебали жагаси урши сай. Илис лайикълири верхІдехІ хІурхъала гІелав хІерируси талхъа исбагъи рурси. ХІясан хъулухъалли, ил сунес риркур».

ХІясан, илдани рурибси рурси чехІераили хъалли, илсегІятал талхъа рурсиличи гІяшикьиуб. Исбагъи рикахъес се бирусил пикриикІулри.

– Селичи пикриикІулри? – талхъай ХІясайзи хъарбаиб.

ХІясай рурсбани рурибси исбагъиличила гъанбушиб, гІур иб:

– Ил чераз дигахъира.

– Вируду, гъатІи, ила укъес? Чумра жагъил, рурсила дяхІялра чехІедаили, гІелабахІ чарбухъун. Нура вякьунра, рурсила суратцун хили чариубра. Укъес хъуликІули виадли, ХІясан, хІела гъарбизаб. ХІед кІел урчира лугас, гъунчир харждарахъес мургъи-арцли хунжира дирцІис.

Талхъан селис гІяхІверхурал ХІясай хІебагъур. Яра уркІиличи вайси пикри каберхурал, рурси сарукалли, ХІясан кавшили, иличи сай хъайчикъайэс хъуликІулрил.

Халкъли бурули бирар: «ХІянчи хІейгути някъбас – урхІла къиян дигахъу». «Бамкьурси аргъ чебкабурхар – вайси адам гІяхІси ветхІерар»

ХІясан талхъа пикрумачи шахІейкиб. Ил разили ХІусенничи дуцІухъун, гъар-секІайчила илизи буриб. Илди кІелра цахІнаб архІяличи дурабухъун.

Дурусли вецІал дус узби гъунчиб баши. Лерилра дуку-дужути адерхур, урчира дамсур, чучирти палтарра дурдиб. Сен-сен биалра, ХІясанра ХІусенра вацІурбира дубуртира гІелар далтули башули.

Ахирра, узбани халаси къала чебаиб. Илала гъалабад хІеркІ кабухъири, хІеркІличиб гуми лебри: илди гумилиу хъурабиуб, дурдибти палтарчебли адамтази чебаахъес урузкІули. Илди улкъайлавад хІерикІуси талхъай чебаиб. Илди чихъали сабил къалализи сен ахІебацІибтил хъарбаахъес, дурабад бакІибти биалли, сунечи жибарахъес вазир вархъиб.

Вазирли илдази хъарбаиб:

– ХІуша се адапти саррая? Къалализи атхІедацІили сен иша кадиилрая? Дурарад дакІибти диадалли, талхъай гІалабдирулрая.

Узбани иб:

– Дурдибти нуша къалализи севан адацІиша?

ГІяхІлас сагати палтар дедили балкъаур. ГІур къалализи абацІахъиб. Талхъан илдас хІурматличил гъунивайб ва хъарикІес вехІихъиб.

ХІясай чула архІяличила илизи хабар буриб.

– Ил гІянтІикІа чераз нура вякьунра, – викІар талхъан, – черазсалра хІейубли, илала суратличил чарухъунра.

Узби суратличи хІербизур. Ил чула талхъа хъулиб чебаибсиличи мешусири. Суратра чебаили, узба гъуни даимбариб.

Рурси лерси шилизи баиб. Ил шери редес хІядуррарили раргиб.

ХІусенра ХІясанра дуги беркІес мер баргес умцІербухъун.

– Дуги буркІуси юртлизи хъурахІебирехІе, – иб ХІусенни. -- Ила дедес нушала арц агара. Илаб хъарбикІес бехІбирхъур нуша чихъалирал, се къуллукъли дакІибтирал. ИлхІели, нушачила талхъайчира хабар биур, нушаб вайтІадиркур. Илгъуна бетхІеахъес ца рухъна раргили, иличи хъурабирехІе.

Шила дублар хІерриуси цунси рухъначи хъурабиуб. Рухънази чула архІяличила хабар буриб.

Ил дурхІначи хІерризур, гІур иб: «Дудешли, ил ухъна талхъайс шери лугули сари. Мекъ барес хІябал бархІи лерал, аррукес жягІял адапти лябкъути саби».

– Рурси къабуллив ухънас шери рукъес? – хъарбаиб ХІясай.

– Къабулли ахІен. Чумра жагъил иличи сукни бакІиб, цаличилра дудеш къабулхІейкиб. ХІушалара илини мурад хІебируну, гІеладахІ чардухъадалли гІяхІсири.

– Ил чераэс се баралли гІяхІси?

– ХІушазиб се пагъму леба?

– Ну гІяхІси музыкант, далайчи сайра.

– Рурсилис музыка, далуйти дебали дигахъу. Илала улкъайлиу далайикІули кайи. Далайла гІама бакъили, ил улкъайларад гъаррикІур. Белики, хІела далайличи иштяхІдухъи, сунечи ацІахъиши.

Рухънани ибси бариб: ХІясан чугурра бяхъили, далайикІули, рурсила улкъайлиу кайиб.

Чугурла макъамтира, жагаси далайла гІама дакъили рурси улкъайларад гъарракІиб. Улкъайлиув валхІелуси далайчи чеиб.

Къараваш рархъили, ХІясан хъули авкахъиб.

– ХІу чи сайри? Иша селичи вакІибсири?

– Наб ХІясан бикІар. Урчила къакъличиб вецІал дусла гъуни ахъира, хІечи ваэс багъандан.

Ил, урузриубли, шивкІиврухъун:

– ХІу багъадурри, ХІясан. Се бариша нуни? Дудешли ну ухъна талхъайс шери лугули риасли?

ХІясан викІар:

– ХІуни набчи къакъбяхъя, нуни ибси бара. Наб хІела палтар га, хІу, дила палтар чегъурли дурарухъен. Урухмарируд. Дурав хІечи хІерли дила узи хев. Илини хІу шила дура аркури. Ну хІушаб гІеввиус.

Талхъа рурси, ХІяса палтар чегъурли, чилра шакхІейкахъили, дурарухъун.

ХІясан «цІикуриван вегІиубли» кайиб, дяхІличи цІуба кІана гъалахъиб. Аррукес пайтуйчи аралтухІели талхъай илала мякъла къараваш рурсира каратур. «ЦІикури» чературси пайтун гъуниббатур. «ЦІикури» аркути талхъа вакилти пайтуйс гІелабад башулри. Шилизибад дурабухъунхІели, ХІясай халал вакиллизи иб: «ХІуша гъалар датдихъирая, наб дила дигути мер-муса гІяхІил каленаядарес дигулра. Нушала урчи гІяхІти сари. ХІушаб бусягІят гІердиэхІе».

Талхъа вакилтани «цІикурилизи» селра хІеиб, иличи лехІбизурли, гъалаб гъайбиуб. ХІясай пайтун цархІил гъунчибяхІ ласбариб, дяхІлис гъалахъибси кІана убасиб. Мякъла кариибси рурси уркІрухъун. ХІясан викІар: «Урухмарируд. ХІу набчил аркури. ХІед гІяхІил бирар».

Рурси лехІризур, илисра гІур талхъайчи чарриэс хІейгулри.

ИхтилатбикІули, илди ХІусеннисра талхъа рурсилисра гІеббаиб. Авалра цахІнаб гъайбиуб. КІиэсил талхъайчи баибхІели, хъурабиуб. Ил разили гъуниваиб. Жагъилтас гІяхІдеш балгун. Дахъал гъунгелти дедили гъуниббатур.

Заманала бухъяндешли, хабарла къантІдешли, ХІясанра ХІусенра гелешмешунира кили чула къяркъси талхъайчи сабаиб.

Илди гІядатла урчачи мурдали бакІили ахІенрину, сихІрула урчачиб сабри. Илди ванзаличибван ахІи, гъаваличиб арцуртиван бакІилри.

ХІясанра ХІусенра къяркъси талхъайчи чарбиубла жумягІ дикиб. Талхъай илди дигусила гІердариб, мекъ барес хІядуриуб. Илини къасбариб узби кабушес, талхъа рурси сунес ритІес. ХІусенна гелешмеш шаكريкиб талхъан чучила ца иткъи малхІямли гъайхІейкІниличи.

Талхъан узби кабихъунси хъули гъамиуб, лехІизур. Унза абхъили ухІ-наухъес вализур. ХІусенни ил уциб. КІелра бяхІиб. Талхъа някълизивад шушка чеббикиб. Рурсили шушка ХІусеннизи бедиб.

ХІусен шушкаличил гІелавяхІ витІакІиб, талхъан гъалавяхІ гъакІиуб. ИлхІели, шушка талхъа канилизи гІелабикиб.

Пергъила бархІи талхъан хІяриихъиб. Ил чили кавшибал, сен кавшибал багъес чилра валхІейзур: шантас анцІукъири ил. Ил хІяриихъили ХІясаннира ХІусеннира талхъа давла шилизибти мискинтас бутІиб. АхІмакъ мекъра бариб.

ЦЕДЕШЛА АНХЪ

Пулан шилизиб ГІялира ХІясанра гІяхІти юлдашуни сабри. Мискинни хІербиурли, хъайчира кабиили ахІенри. КІелра шантала букІуни сабри.

ГІяли шилизир рурибси исбагъи рурсиличи гІяшикъиублири. ХІясайс дигуси рурси аги. Ил серхурси, дахъал гъай хІейгуси, паргъатли уэс дигуси дурхІя сайри.

ХІеблизир ХІясайс къяндикиб: илала маза алхун. Юлдашлизи ви-кІар:

– ГІяли, дила маза алхи сари. Илди агарли хІериэс хІейрус. АрхІяличи аркъула. Иша хІу гІяхІил каленэс вакІибсира.

ГІялили ил кІапІуциб. ГІур ви-кІар:

– Дигуси юлдаш, нуни хІу къяндешлизив хІелтари. ХІед дила байъала уркІи гес хІядурлира. Ну вегІси хъулизивад ца бутІа хІед пешкешбиурла. Ил бузахъадли яшав барес вирудну, ши батурли, хІу чиналра армякъяд.

ХІясайс кяхІили хъу укъулли. Рахли газала удибад зангъла тІамааур Ил гъалакли укъесвахІиб. Халаси замана хІедикили, илабад сигбиубси шанг гъаргбиуб. Ил мургъила гІяббасуна бицІилри.

ХІясан ГІяличи дуцІухъун.

– ГІяли, хІед халаси хазна леб! – вявъиб пишяхъили. – ХІуни гибси хъучиб мургъили бицІибси шанг баргира. Гъанна хІу, лерилра гІямрулизив талихІчевли хІериэс вируд. Каса иш хІела шанг.

– ХІясан, – ви-кІар ГІяли, – хІу хІялалси, уркІи умуси адам сайри. Шанг бицІибти мургъи дила ахІенну, хІела сари. Илди хІу вегІси хъучир даргилри.

– ГІяли, нунира балула хІу уркІи гъаргси, шилтахъ агарси адам виъни. Хъула бутІа наб савгъатбарили хъалли, иларти мургъи къалли пешкешхІедарири.


– Дигуси ХІясан, ванза селичибли давлачебси биалра, ил къуллукъбарибсила бирар. ЖалдикІес гІягІнили ахІен. Дила дурхІя лев, хІела рурси лер илди цаличи ца гІяшикъли сабину, ваши, илдала мекъра бирехІе, мургъира илдас лугехІе. Нушаван илдир мискинни хІерхІебахъес.

Дудешунала пикруми дагъурхІели, урши-русила разидешла ахир аги. БахъхІи гІелайзи архІебухили, урши-руси хъайчи кабатур, илдас савгъатлис мургъили бицІибси шангра бедиб.

Мекъ барили гІергъила бархІи шалалис жагъилти дудешличи абацІиб. Илдала дяхІ дамкъурли, мургъили бицІибси шанг някъбазиб чебаили, дудешли хъарбаиб:

– Се бетаурли, дурхІни? – Сен жявли адизурлира?
– ХІушази бурес дигула, – бикІар илди, – хала бегІтани мяхІкмли бихІибси хазна нушаб гес гІягІнили ахІен. – Мургъи агарлира, нуша давла-черлира. Дунъяличибси хазналичир кІилалра дигай дурхъали чедиула. Илди, дай хъули шанг кабихъили, дурабухъун.
ГІурра ГІялилара ХІясаннара ургар жалани акІуб. Илди пасихІси ухъна учительличи бакІиб. Учителъла мякъла авал ученик кабиилри.
– ХІуша набчи се къуллукъли дакІилрая, хІурматла адапти? – дугъайзур пасихІкар.
Илдани пасихІкарлизи чула жалличила хабар буриб.
Илдани бурибсилличила пасихІкар вахъхІи пикриикІи. ГІур шуряхъили, халалгъуна учениклизи хъарбаиб:
– Дила мерличив хІу виадри, жал секъяйдали ирзадив?
– Нуни биалли, мургъи ханнис лугира, – иб ученикли. – Ванзалиуб лебси хазнала вегІ ил сайну.
ПасихІкарли дяхІ дамкъахъур.
КІиибил учениклизи хъарбаиб:
– Дила мерличив виадри, хІуни сегъуна хІукму дурайсадив?
«Нуни биалри, мургъи наб далтира».
ПасихІкар гъатІира вамкъур. РахІятиубли, хІябъибиллизира суал бедиб.
– Эгер, мургъи чилалра хІедиалли, чилинра къабулхІедирули диалли, сунела мерличи ванзалиу удалтахъира, – викІар хІябъибил.
– ХІуни се биради, дила урши? – авъибил учениклизира хъарбаиб.
– Агъ, дила учитель, хІу набчивад чевверхи. Дила хІукму ишгъуна саби:
– Мургъи харждарили, бацІ авлахъличиб жура-журала цедешла анхъ убалтахъира. Бамсурти гъункъяби хъурабиубли бамсри ихъахъес, гІагІямла цедешли букахъес.
ПасихІкар илала жавабличи къабуликиб ва кІапІуциб.
– Касану мургъи, бегІлара гІяхІти, мурити цедешла гъе аса, бегІлара гІяхІси, жагаси мерличи анхъ убати, – иб пасихІкарли.
Халаси замана архІябкъи хан гъунила мякълаб гІинцбала, хъарбала, курегала, бягІлила, къурчбала, къякянтала, инжирла, нарла, аличала, тІутІила, сирмугла пергер анхъ дукІубиуб.





ГІ. КЪАДИБЪХІЯММАЕВ

Хала бархїла дурхъаси байрам бетурхути бурхїнала цализив гїямурузивад шалгїевухъун даргала писатель ва гїялим, педагог ва журналист Амирбек Къадибъхїяммаев.

Амирбек Гїялиевич ДАССР-ла Ахъушала районна Нацїла шилизив 1938 ибил дуслизив аКубсири. Дагъиста пачалихъла университет таманбариб. Учителли, районна газетала редакторли, республикала “Ленинна байрахъ” газетализив, ГІ. Тахо-Годила уличилси Дагъиста мезанала гїилму-ахтардила институтлизив гїилмула хїянчизарли, Дагъиста писательтала Сюзлизибси даргала секциялис бекїдешдирули, “Лачин” журналла редакторли узули калун.

А.Къадибъхїяммаев Россияла писательтала Союзлава журналистунала Союзла член сайри. Ил филологияла гїимуртала кандидатра сайри. Ил дарганта пергер очеркунала автор сайлинра валуси сай.

Илини дарган мез руркънилизив ва дучїахънилизив пайра кабихъиб. А. Къадибъхїяммаев гїяхїцад жузала авторра сайри. Ил дахъал хабуртала ва гїяхїцад повестунала автор сай.

Азгїиндеш хїедалуси, сабухъчевли узуси прозаик сайри. Илкъяйдали илини даргала чумал поэтла ва писательла творчество руркънилис багъишладарибти хїянчурбира делкїун.

“Гьалмагъдеш” ва “Лачин” журналтала хїянчизартани ва бучїантани А. Къадибъхїяммаевла хъалибарглизив ва узи-уршилизив халаси децї балахъули саби. Илала шаласи сипат нушала уркїбазиб кавлан.

ISSN 0235 - 0149

Индекс годовой 31176
Индекс полугодовой 73892

Гьалмагъдеш

